

4

COMMENTARIUS  
DE FINIBVS  
HVMANORVM  
ACTVVM.

AVTHORE MARTINO AB  
Azpilcucta Doctore Nauarro.




R O M A E.

CVM LICENTIA SVPERIORVM.

---

*In Officina Iacobi Tornerij, & Iacobi Bericchia.*

M. D. LXXXIIII.



*Insignis forma, doctrina insignior vnus :  
At superat summi cultus verumque Dei.*



AVTHORIS INSIGNIA GENTILICIA:



# GREGORIUS XIII.



Ad futuram rei memoriam . Cum à fel. record. Pio Papa Quinto prædecessore nostro emanauerint littere tenoris subsequenti . Dilecto filio Martino ab Azpilcueta Decretorum Doctori Pius Papa Quintus . Dilecte fili salutem & Apostolicam benedictionem . Didimus à fel. record. Paulo Papa Tertio, prædecessore nostro emanarunt littere tenoris subsequenti . Dilecto filio Martino ab Azpilcueta Decretorum Doctori, primariam cathedram Iuris Canonici in vniuersitate studij Conimbricensis actu regenti Paulus Papa tertius . Dilecte fili salutem & Apostolicam benedictionem . Cum sicut nobis exponi fecisti, vt alijs iuxta traditum tibi à Deo talentum prodelle posses, nonnullas lectiones super voluminibus Decreti, & Decretalium, non sine maximi laboribus & vigilijs, ad laudem diuini nominis, cuius ope litterarix rei, & Christianæ Reipublice consuluisse, & proficisse credis, scribendo composueris, & compilaueris, easque de proximo tuis proprijs expensis in lucem edere & imprimi facere intendas, pro parte tua nobis fuit humiliter supplicatum, vt tibi, quòd lecturæ huiusmodi absque tuo consensu imprimi non possint, vt tuarum vigiliarum effectu læteris, concedere de benignitate Apostolica dignaremur. Nos volentes te specialis gratiæ fauore prosequi huiusmodi supplicationibus inclinati tibi, quod ad septennium à die quo tu lectiones prædictas imprimi feceris, computandum, nullus alius per vniuersum orbem Christianum constitutus lectiones ipsas, vel illarum partem aliquam imprimere, seu imprimi facere, vel in pressas in sua domo, aut alibi habere & tenere, nec illas videri, seu mutuo, aut ex dono vel alijs donare possit auctoritate Apostolica tenore præsentium de speciali gratia indulgemus: districte inhibentes in virtute sanctæ obedientiæ, & sub excommunicationis pena, eo ipso si contra factum fuerit incurrenda, omnibus & singulis, cuiuscunque status, gradus, ordinis, & conditionis existantibus, & quavis Apostolica auctoritate, aut facultate fungentibus per vniuersum orbem constitutis, ne lectiones huiusmodi, vel earum partem aliquam absque tuo expresso consensu, & licentia septennio prædicto duntaxat durante imprimere, seu imprimi facere, aut vendere, seu donare præsumat. Non obstantibus constitutionibus, & ordinationibus Apostolicis, & quaruocunque provinciarum, & locorum statutis, & consuetudinibus, etiam iuramento, confirmatione Apostolica, vel quavis firmitate alia roboratis, necnon priuilegijs, indulgentijs, & litteris Apostolicis quibuscunque provinciis, & illarum personis, ac vniuersitatibus, & collegijs, etiam per nos, & sedem Apostolicam sub quibuscunque tenoribus, & formis, ac cum quibuscunque clausulis, & decretis, etiam derogatoriis, & derogatorijs, vel alijs quomolibet concessis, confirmatis, ac etiam litteris vicibus innouatis. Quibus omnibus, etiam si de illis, eorumque totis tenoribus specialis, specifica expressa & indiuidua, ac de verbo ad verbum, non autem per clausulas generales idem importantes mentio, seu quouis alia expressio habenda, aut exquisita forma ad hoc seruanda foret tenores huiusmodi, ac si de verbo ad verbum, infererentur præsentibus pro expressis, ac de verbo ad verbum insertis habentes illis alias in suo robore permanentis hac vice dumtaxat specialiter & expresse derogamus, ceterisque contrarijs quibuscunque. Datum Romæ apud sanctum Petrum sub annulo piscatoris viij. die Ianuarij M. D. XLIII. Pontificatus nostri anno nono. Et deinde.

Cum si ut nobis nuper tu exponi fecisti, sicui asseris, rogeris à multis, vt opera tua tam prius edita, quàm nondum edita, quæ super iure Pontificio, & ad declarationem illius pertinentibus habes composita typis excudi feceres, idque facere proponas vite conire, & Deo iuvante impensis tuis, & te præsentibus, quo correctiora, auctiora, & pietiora prodeant, nobis humiliter supplicari fecisti, vt in præmissis opportune providere de benignitate Apostolica dignaremur. Nos te amplioris gratiæ fauore prosequi volentes, huiusmodi supplicationibus inclinati Apostolica auctoritate tenore præsentium declaramus, intentionem nostram esse, vt prædicti Pauli prædecessoris nostri litteræ, quæ de lectionibus loquuntur, habeant etiam locum in alijs Conimbricarijs, libris, & tractatibus, quos tu edideris super ijs, quæ pertinent ad prædicti iuris Pontificij declarationem. Non obstantibus omnibus supradictis, quæ idem Paulus prædecessor in dictis præfatis litteris voluit non obstat. Datum Romæ apud sanctum Petrum sub annulo piscatoris die xviij. Maij. M. D. LXXI. Pontificatus nostri anno sexto. Ac cum eodem modo videlicet nonis Nouembris, Pontificatus nostri anno primo, eundem Martinum specialibus fauoribus & gratijs prosequi volentes statuerimus, prædictæque Martino concesserimus litteras sel. record. Pauli Tertij, & Pij V. prædecessorum nostrorum præferre ac locum habere & se extendi in his, quæ de lectionibus, & alijs loquuntur in quibuscumque Commentarijs & tractatibus, quæ idem Martinus edidit, super prædicti iuris Canonici declaratione, & interpretatione, & præsertim super Manuali Confessoriorum, ab eo prius lingua Hispanica edito, nunc recognito, aucto, latinitateque donato. Cui autem ut accepimus, in obsequium Dei, sacrosanctæque Sedis Apostolicæ non fine magno laudem duobus annis proximè præteritis idem Martinus intendit, & in presentia intendat recognitioni operum suorum, tam editorum, quàm non editorum, quo emendatiora, defecata, auctiora, & vtiliora effecta typis excudantur. Nos eundem Martinum amplioribus fauoribus & gratijs prosequi volentes,



Motu proprio, non ad dicti Martini, aut alterius pronobis desuper oblata petitionis instantiam, sed ex certa nostra scientia, indultum, inhibitionem, declarationem, decretum, derogationem, aliaque omnia in præinsertis litteris Apostolicis & earum singulis contenta ad decem annos à Data præsentium computandos, ita ut quis ea vel illorum partem aliquam sine suo expresse ad id in scriptis consensu imprimere, vel alibi impressa dicto decennio durante vendere, aut venalia tenere, donare, aut permutare non possit Apostolica auctoritate renore præsentium prorogamus, extendimus, & ampliamus, & quemlibet contravenientem censuras, & poenas in præinsertis litteris contentas eo ipso, & absque alia declaratione incurrere. Sicque per quoscunque Iudices & Commissarios quavis auctoritate fungentes, sublata eis, & eorum cuilibet quavis aliter iudicandi, & interpretandi facultate, & auctoritate ubique iudicari, & definiri debere irritum quoque & inane decernimus, si secus super his à quoquam quavis auctoritate scienter vel ignoranter contigerit attentari. Non obstantibus præmissis ac omnibus illis, quæ in omnibus supradictis litteris concessum est non obstat, ceterisque contrariis quibus unque. Insuper quia difficile foret, præsertes litteras ad quacunque loca deferri, volumus, & dictæ auctoritate decernimus ipsorum transumptis & exemplis, & in eisdem exemplis, Lecturis, Commentariis, Manuali, & alijs operibus huiusmodi impressis plenam & eandem prorsus fidem ubique in iudicio & extra adhiberi quæ originalibus adhibetur, si forent exhibitæ vel offensa. Datum Romæ apud sanctum Petrum sub annulo piscatoris die xxj. Nouembrii, Pontificatus nostri Anno Nono.

Cæ. Glorierius.

*Cum Priuilegijs amplissimis Regum Christianiss. & Catholici Neapoleos, Senatus Veneri, & omnium fere Potentatum Italie.*

ILLVSTRISSIMO: EXCELLEN-  
TISSIMOQ. D. DON GABRIELI A-  
CUEVA DVCIALBVRQVERQVEN  
SI, &c. IVSTISSIMO, PIENTIS-  
SIMOQVE PRINCIPI,  
MARTINVS AB AZPILCVETA  
Doctor Nauarrus S. P. D.



*IBELLUM* hunc, præcellens Princeps,  
excellencia tua dicare constitui, ut vel hoc si-  
gno exiguo insinuem maximam, qua in te, in-  
que tuos omnes sum, semperque sui obseruan-  
tiam & pietatem. Eò maxime, quòd non solū  
Martiiis armis arma Christi miscentes & præferentes, nouis-  
tis fortiter pro Christo, pròque vestris Regibus in eorum rebel-  
les in bellis pugnare, vincere, trophæaque referre, sed etiam in  
pace Respub. ita christiane moderari, ut prima, eademq; sum-  
ma sedes Apostolica semper & summe coleretur. In tuos, in-  
quam, omnes, præferim in illum Max. Ducem patrem tuum  
Belrandum à Cueva, filium primogenitum alterius Belran-  
di à Cueva, qui egregia in suū Regem, à quo multi Principes  
desecerunt, fidem, insigniq; virtute militari Regna Castella suo  
Regi cum primis seruauit. In patrem, inquam, tuum, patruos-  
que tuos, Petrum à Cueva & Ludo. à Cueva, quorum ille sum-  
mus. machinarum bellicarum Casaris, hic summus militum  
prætorianorum eiusdem Præfectus fuit. Quorum fortia gesta  
reli sunt orbi nota. In amicas uē tuas Illustrissimas, præferim  
illam Domnā Maiorem, qua nupta Illustrissimo Petro à Na-  
uarra Mariscalco eiusdem Regni, feliciter peperit alterum  
Illustrissimum Petrum à Nauarrā Marchionem Corsensem

Sum-

summum omnium iudicio in bellis ducem, & in pace geberna-  
torem. Quos omnes, ecclesiastico splendore frater germanus eo-  
rum ille illustrissimus Cardinalis Bartholomaeus à Cueva ex-  
ornauit; cuius animi magnitudinem, & in rebus, cum priua-  
tis, cum publicis gubernandis prudentiam & vigilantiam, ac  
in bene constitutis firmitatem & constantiam: inque suam opẽ  
implorantes, praesertim nobiles & egenos, omnimodam pro sua  
industria, & in Pontifices Maximos & Reges Catholicos gra-  
tia: proque suis facultatibus beneficentiam, & eleemosynam,  
nemo non laudat in utraque Hesperia. Causa dedicandi praesa-  
ta. accessit altera, nempe ut epistolam apologeticam materiae  
libri affinem, quam dudum ad te scripseram, quamque audio  
à nonnullis mendosè transcriptam, ei annecterem correctam. Si  
mul ut enarrẽ, non quidem tua fortia in Germania & Aphri-  
ca contra Christi hostes gesta, sed ut in uirtutem Christianam  
euulgem omnibus scripto, ut multis euulgauit verbo, rationem  
illam arcanam, à circumstantia finis (qua materia libri est) de-  
sumptam: quã mihi miranti, cur tantopere tua familia Christi  
& Ecclesiae praecepta seruabat olim aperuisti, uidelicet, quod  
inseparabiles tibi praemonebas, te non tantum gentilitia & inna-  
ta, sed etiã ascititia, eademque religiosa militia militem; opor-  
tere tua tuorumque militari uirtute Christo Regique placere:  
idque fieri non posse ab eis, qui sitim, inedia, ieiunia, vigilas,  
& alios labores militares simul & ipsam mortem, cum ratio  
militaris id posceret, ferre non possent, neque ab his qui prae-  
cepto, & imperio ducum prompte parere nescirent. Ideoque neces-  
sarium esse, ut qui tibi essent inseparabiles, assuescerent Christi om-  
nium maximi ducis & Regis, Ecclesiaeque suae imperio, prae-  
ceptisque parere, ac consequenter ieiunia, vigilas & alia durio-  
ra, qua Christiana uirtus requirit, usque ad mortem ipsam fe-  
re: tan-



re: tanòque magis à te illos dilectum, æstimatumque iri, quò  
magis nosceres eos Christo, Ecclesiæq; audiētiore. Quo factum  
fuit, ut nulla ratione etiam mea sententia iuridica persuadere  
potuissem, cuidam tuo à pedibus deferenti ad me tuas litteras  
Pampilona in domum natalem meā, plusquàm terdecim mil-  
liaribus Italis distātem, sub noctem vnius diei quadragesima,  
ut canaret: immo nec mane insequentis diei, ad te reuersurus, ut  
ientaret. Quo viinam exemplo omnes militares, omnesque pa-  
tres familias moueremur, ad considerandum, & reputandum  
id, quod, Iob docente, omnes scimus. videlicet, Vitam nostram  
esse militiam super terram, & docente ipsomet Christo, Regnū  
cælorum vim pati, violentosque rapturos illud: ad consideran-  
dum, inquam, hoc & hortandum nos primo; deinde nostros; ad  
abnegandum nosmetipsos, id est, appetitus nostros Christi volun-  
tati rebelles, et ad tollēdas cruces nostras, id est, ad prompte sub-  
eunda illa, quæ noster vetus homo, siue sensualitas, indicat esse  
mala: nouus varò, qui secundum spiritum rectum est; bona, quò  
peccatis mortui, semper viuamus et moriamur Iesu Christo Do-  
mino nostro, qui te pientissime Princeps in dies pientiore, si-  
biq; gratiorem vnà cū dulcissima consorte tua domna Ioāna  
de Alhama, duce, Gubernatriceq; cum primis Christianissi-  
ma, & mihi in Christo obseruandissima, efficiat, Amen.


R O M AE.



DE FI-

632





# DE FINIBVS HVMANORVM ACTVVM COMMENTARIVS.

In cap. cum minister. 23. quæst. 5.

*August. in questionibus Exodi quæst. 39. ad cap. 11.*



Vm minister iudicis occidit eum, quem iudex iussit occidi; profectò si id sponte facit, homicida est, etiam si eum occidat, quem scit à iudice debuisse occidi.

## SUMMARIVM.

- 1 FINIVM humanorum actuum cognitio, ad rectè viuendum, & examinandam conscientiam necessaria.
- 1 Finis cuius malus, ipsum quoque malum: & finis cuius bonus, ipsum quoque bonum.
- 2 Gratianus aliqua tribuit vtiliter Augustino contrarius Erasmo, qui multa ei damnosè adimit.
- 2 Finis verbum, masculino & feminino genere profertur.
- 2 Intentio est actus voluntatis, & qualis.
- 3 Finis exactè definitur, & declaratur.
- 3 Bonum duplex, verum, & apparens: idque triplex, honestum, delectabile, & vtile.

A Verbum,

- 3 Verbum, propter, quattuor causas significat, efficientem, finalem, &c.
- 4 Finis, & medium potest esse idem, diuerso respectu.
- 4 Finis primò duplex, vltimus & medius. Vltimus item duplex, verus & falsus. Medius item duplex.
- 5 Bonum quoddam propter se tantum amabile; quoddam propter aliud tantum; quoddam propter se, & propter aliud; & qua sunt illa.
- 5 Bonum delectabile propter se amabile.
- 6 Finis iterum duplex, cuius, & quo.
- 7 Finis tertio duplex, operationis, & operantis.
- 8 Finis quarto duplex, bonus, & malus, cum suis definitionibus.
- 9 Finis quinto duplex, principalis, & minus principalis, cum suis definitionibus.



**D**icturus de humanorum actuum finibus; quorum cognitionem pridem diximus esse necessariam ad rectè viuendum, & rectè examinandum conscientiam, ac confitendum peccata, in repet. c. inter vbi ha. 1 r. q. 3. cōc. 2. de legi pro dicendorum fundamento cap. hoc, cum minister. 23. quæst. 5. ex quaestionibus Patri nostri grauisimi Augustini super Exodo desumptum. Partim, quod eius opem, vt imploramus; ita etiam speramus. Partim quod in varijs variorum Regnorum Academicis prælegendo, frequentissimè illud citabamus, ad fundanda illa duo Boetij Topic. loca, videlicet, *Cuius finis malus est, ipsum quoque malum est.* Et *cuius finis bonus est, ipsum quoque bonum est.* quæ facile deducuntur ex eo, quatenus probat, Ministrum iudicis peccare, occidendo hominem, etiam illius iussu, in finem vindictæ priuatae: quia is finis malus est: non autem si occiderit in finem vindictæ publicæ: quia is finis bonus est.

Secundo præmoneo lectorem, caput hoc esse quidem à Gratiano desumptum ex D. August. super Exod. sed non ex vno loco tantum, sed ex duobus; videlicet ex quæst. 71. sub finem, & quæst. 79. neque tam quoad verba, quàm quo ad sententiam, vt palam est legenti omnes eius quaestiones super Exod. & conferenti caput hoc, cum præfatis duabus; quarum tenores breuitatis gratiā non refero: facio tamen certiores in eis non esse verbum, sponte, huic insertum, licet sit verbum, volens, & verbum, per voluntatem: quæ satis illi æquipollent in dicta quæst. 79. quæ tamen non sunt ita latè accipiēda, ac significatio eorum patet: alioqui enim probaret hoc capitulum; peccare omnes exequutores pœnarum sanguinis, qui voluntariè occidunt, vel mutilant eos, quos iuste iudex occidi iubet: quia sponte, volentes, & per voluntatem suam id faciunt. quod est contra cap. non est crudelis. cap. qui malos, & cap. homicidas. infra ea. caus. & quæst. & falsum ac contra consuetudinem omnium totius orbis Christiani.

stiani confessoriorum; qui passim absoluunt iustitiæ ministros, qui auctoritate publica in id deputati, occidunt, & mutilant ad id patiendum damnatos: licet non proponant ab eiusmodi officio perpetuo abstinere: quod iuste facere nequirent, si id verum esset ob defectum iustæ contritionis, quæ huiusmodi propositum exigit, cap. negotium. de pœnit. dist. 5. cap. pœnitentia. & cap. satisfactio. de pœnit. dist. 3. & latius tradimus in Manuali Confessoriorum cap. 1. post prin. Quare intelligenda sunt solum de illo, qui voluntariè ad propriam vindictam, vel alium finem malum occidit eum, quem iudex iuste iubet occidi: quæ intelligentia satis colligitur ex prædictis duabus quæstionibus S. August. & ex consuetudine quâ plurimorum doctorum; qui caput hoc passim allegant, ad probandum præfata duo loca topica, siue regulas Boetij in Topicis, citata à S. Thom. 1. 2. quæst. 1 S. art. 4. videlicet, *Cuius finis malus est, ipsum quoque malum est.* Et, *Cuius finis bonus est, ipsum quoque bonum est.* quarum priorem probat secundum intelligentiam prædictam iuxta sensum directum: quatenus habet, male facere illum exequutorem iustitiæ; qui damnatum etiam iuste, occidit spontè, id est, voluntariè secundum voluntatem propriam, & vindictam propriam, vel alium malum finem. Posteriores autem probat quatenus iuxta sensum indirectum, & à contrario collectum, habet non peccare illum exequutorem iustitiæ, qui occidit condemnatum iuste, ad finem vindictæ publicæ; qui est bonus: quia interest Reipublice maleficia puniri, ita vulneratus. ff. ad legem Aquil. cap. vt famæ. de sent. excom. quarum regularum prior, quæ iuxta sensum directum hinc colligitur: scilicet, *Cuius finis malus est, ipsum quoque malum est.* sine vlla exceptione, in vniuersum est vera: altera verò, frequenter fallit, vt infra dicitur: quia cum bonum constet ex sua integra causâ, vt B. Dionys. ait c. 4. de diuinis nominib. post Arist. in Ethic. quos declarat S. Thomas 1. 2. quæst. 18. art. 4. in fin. non sufficit boni finis circumstantia, quò actus sit bonus. quia verò, vt ipsi met aiunt, malum ex quocumque defectu fit, & ideo dicitur fieri modis infinitis, sufficit mali finis circumstantia, quò actus sit malus.

- 2 Tertio præmonco, Gratianum virum grauissimum, & rei theologicæ callentissimum, & quendam alium, contrario modo sese ad S. Augustini opera habuisse: quoniam Gratianus multa quæ non sunt eius, ad verbum ei tribuit: ille autem alius, multa quæ ad verbum à plerisque omnibus ei tribuuntur, ademit, censendo non esse ipsius; cuius censuræ non pauci adhæserunt. Quod fuit in causa, vt ipse quoque cum ante 27. annos scriberem commentaria in tres posteriores distinctiones de pœnitentia, in exordio earum, in quo Gratianus tribuit B. Aug. librum de pœnitentia, eius operibus insertum; licet ipsius censura illi contraria displiceret; eius tamen in hoc iudicio appellare sagax, & donum diuinum. Nunc autem postea quàm in quodam suo libro depræhendiali quor errores, à



nemine ante me notatos, quos in repetit. cap. quando. de consec. dist. 1. capite 18. à nu. 130. vsque ad nu. 32. prodidi ab hinc circiter 20. annis, anno scilicet 1550. & postea quàm noui, & à pijsimis, eisdemque eruditissimis viris accepi, quòd magno cum Ecclesiæ scandalo censuerit, aliqua còmuni totius ecclesiæ consensu accepta, & pro irrefragabilibus habita, non esse illorum auctorum, quibus præfatus còmunis consensus tribuit, admoneo ipsum damnosè, saltem in sacris, & sacrorum auctorum libris censendis, hallucinatum fuisse: ideòque à censuris eius valde cauendum tamquam factis ab eo qui sacram Theologiam non à radice, neque à trunco; sed, quod eius opera demonstrant, à folijs, & floribus delibauit. Quod ipsum nostra ætate facere multos plus satis humanis literis deditos, non solum circa Theologiam; sed etiam circa iuris peritiam videmus, dolentes quòd non satis animaduertunt aliud esse; sapientiam, scientiam & sacræ Theologiæ, vel sacri iuris peritiam Hæbraicis, Græcis, aut Latinis verbis contestatam, vel scriptam: & aliud ipsam verborum, quibus contegitur, aut scribitur, significationem: & ideo aliam & longe maiorem operam impendendam rei cognitioni; neque sufficere impensam verborum significationi, cum à diuersis non fiat illatio, l. Papinianus. ff. de minorib.

Dicam igitur breuiter distindè, ac aptè, quàm potero sine vll'o furo, & vlla ornatus cura quid nam sit, & quomplex actuum humanorum finis; quidque in eis operetur; & qui eorum illius ratione dicantur boni, & qui mali: qui peccata mortifera, & qui venialia, rudiùs quidem, barbariùs & denisillùs: sed longè breuiùs, neruosiùs, viliùs, & clariùs prælucere, opemque ferente Christo; quàm Cicero in suis quinque libris de finibus bonorum & malorum, fide ipsius destitutus, & affectu gloriæ per orationis elegantiam quærendæ, instructus.

Verbum, Finis, tam feminino, quàm masculino genere inuenitur, iuxta illud Aenei. 1. *Quem das finem rex magne laborum*. Et illud eiusdem Aeneid. 3. *Hæc finis Priami fatorum*. et est extremitas cuiuslibet rei: quod probant præfata Maronis dicta, & multæ leges ff. & C. finium regund. & cap. finem libus. de dolo & contum. & l. propterandum. C. di iudic. in nostro verò proposito accipitur pro termino, & extremitate, in quam operatio vel intentio operarij se refert. Intentio autem operarij est actus voluntatis: non quidem ille, quo vult aliquid absolutè: quia ille dicitur voluntas; vel ille, qui escit in aliquo: quia ille ad finitionem spectat: sed ille, quo vult aliquid tanquam terminum alicuius rei in illud ordinatæ, vt subtiliter declarat S. Tho. 1. 2. q. 1. 2. art. 1. ad 4.

3. Definitor autem finis, iuxta mentem Aristot. 2. Physic. S. Thom. & aliorum in 2. lib. sent. dist. 3. 8. & eiusdem S. Thom. 1. 2. quæst. 1. 2. art. 1. & 2. & quæst. 13. art. 3. esse bonum, verum vel apparens, quod propter se appetitum, facit, vt aliud propter ipsum appetatur; vt pridem diximus, sed non



sed non ad eò exactè, in repet. cap. inter verba. 1. 1. q. 3. còc. 2. Dixi bonum, pro genere: quia omnis finis est bonum quoddam; sed non contra, omne bonum est finis. Dixi verum, vel apparens, eò quòd vt aliquid sit finis, & quiddam appetibile, satis est, & requiritur, quòd sit verum bonum, vel appareat aliqua ratio, quare videatur bonum, iuxta illud Philof. 2. Phisic. *Finis est bonum, vel apparens bonum.* & S. Tho. 1. 2. quæst. 8. art. 5. idque triplex esse, scilicet honestum, delectabile, & vile, vt S. Thom. 1. par. q. 5. art. 6. & 1. 2. quæst. 44. art. 4. Dixi, propter se appetitum: quia si solùm propter aliud appeteretur, esset quidem medium ad finem, sed non finis. Dixi, facit, vt aliud appetatur propter ipsum: alioqui enim non esset finis & terminus; quidquid dixerint Greg. Ariminensis, & Gabr. in 2. dist. 38. quibus vbi suprà non contradixi.

Per verbum autem, propter, vt ait S. Thom. 1. 2. quæst. 27. art. 3. quattuor causæ significari possunt finalis, formalis, efficiens, & materialis, ad quam reducitur etiam materialis dispositio, quæ non est causa simpliciter, sed secundùm quid. Quattuor enim sunt causæ diligendi, & appetendi aliquid propter aliud, & vt dicatur finis; puta, finalis, vt medicina propter sanitatem, formalis, vt homo propter virtutem; quia virtute formalis est bonus, & ita diligibilis: efficiens, vt filius alicuius ob patrem: dispositio, quæ reducitur ad genus causæ materialis, vt beneficium propter beneficia, quæ ad id mouent.

Ex quibus inferitur, quòd vt aliquod bonum sit finis, non oportet vt id non appetatur ob aliud: vnum enim & idem diuersis rationibus potest esse medium, & finis, vt temperantia, quæ per ieiunium quaritur ad melius seruiendum Deo, respectu ieiunij, est finis, & respectu Dei medium; id quod latius mox apparebit.

4 Finis autem diuiditur primò, in vltimum, & medium. Vltimus est, qui propter seipsum tantum amatur. & hic est duplex. Alter est verus vltimus, & omnium supremus, & vnus omnium creatorum scopus, qui propter se tantùm, & non propter aliud est amabilis: qualis solus Deus est, vt docet S. Thom. 2. 2. quæst. 27. art. 1. quippe qui super omnia est diligendus, Deut. 6. Matth. 22. Marc. 12. Alter est falsus, quem falsi homines pro sua falsa imaginatione impudentissimè, stolidissimèque tacitè, vel expressè fingunt, & adorant, iuxta illud Apost. *Quorum Deus venter est.* ad Philip. 3. qualis est voluptas Epicureo; in quem Cicero duos libros prædictorum quinque ferè prodedit.

Finis medius, est qui propter se & propter aliud amatur: qui est duplex. Alter verè medius, ille scilicet, qui verè est propter se, ac propter aliud amabilis: quales sunt virtutes, & omnia honesta, secundum S. Ambr. lib. 1. de offic. & S. Thom. 1. par. quæst. 5. art. 6. Alter falsè medius, ille scilicet, qui non potest esse amabilis propter se: qualis est pecunia; vel non est amabilis propter aliud: qualis est Deus. Quæ tamen propter se, & propter aliud,

pter aliud rectè amari queunt, sunt omnes scientiæ speculatiuæ, secundum Arist. 1. Metaph. & S. Thom. 1. 2. quæst. 3. art. 6. & virtutes morales, aliæque honesta secundum B. Ambr. lib. 1. de offic. & S. Thom. 1. par. q. 3. art. 6. hæc siquidem, iustè possunt amari propter se tantum, & iustè propter Deum, vel alios fines eis superiores. An autem delectabilia, sint talia, quæstionis est: nam S. Thom. 1. 2. quæst. 4. art. 2. ad 2. & in summa contra Gentil. lib. 3. cap. 26. ait delectationes esse propter operationes. At in eadem 1. 2. quæst. 7. art. 6. ad 1. dixit delectationes propter se appeti, & non propter aliud; si li, propter, causam finalem sonet; immo in arg. 1. alleg. Aristot. 10. Ethic. docentem: ridiculum esse ab aliquo querere, propter quid vult delectari; cum palam sit, quod propter ipsam delectationem, & hoc videtur verius per latè tradita à Caier. in d. art. 2. vbi pulchrè dicta S. Thom. conciliat, dicens, bonum diuidi in bonum propter se, in bonum honestum, & delectabile; & ita salus & vita, quæ ad delectabilia reducuntur à Boetio lib. 2. prosa 2. de Consolat. sunt de genere bonorum, quæ propter se solum iustè appeti possunt; id quod ad multa multum perpendere oportet. Cætera verò bona, quæ vocantur vilia, non sunt amabilia propter se, sed solum ob aliud: qualia sunt bona pecuniaria secundum eundem S. Tho. in d. art. 6. ad 2. qualia etiam honoraria, scilicet, honor, fama, & gloria, iuxta eundem 2. 2. q. 13. 2. art. 1.

6 Secundò diuiditur finis, in finem cuius, & in finem quo; quorum membrorum nomina à Ciceronianis parum probantur. Finis cuius, est id in quo est ratio boni. Finis autem quo, adeptio & possessio, siue vsus eius: vt avari, finis cuius, est pecunia in qua est ratio boni; et finis quo, est adeptio, possessio & vsus eius, vt declarat S. Thom. 1. 1. q. 2. artic. 8. et ita finis cuius, totius humanæ vitæ ipse Deus est, in quo summa & infinita ratio boni est. Beatitudo autem, qua beati videntes eum, eo ipso fruuntur, est finis quo.

7 Tertiò finis diuiditur in finem operationis, & in finem operarij, seu operantis. Finis operationis est obiectum, in quod suapte natura ipsa dirigitur. Finis operantis est, in quem per operantem dirigitur operatio: vt cum quis edificat domum, quo locando eam lucretur, ipsa domus est finis operationis; finis autem operantis, est lucrari, quod per locationem intenditur. Quæ diuisione ad graues difficultates dissoluendas multis in locis D. Thom. vtitur præsertim in 2. dist. 1. q. 1. art. 1. & 3. & dist. 36. q. 1. art. 3. ad 2. & dist. 38. art. 2. & in 4. dist. 16. q. 3. art. 1. q. 2. ad 3. & 2. 2. q. 141. art. 6. ad 1.

8 Quartò, diuiditur finis in bonum, & malum. Bonus finis est bonum verum aptum medio quo queritur: non enim potest esse bonus finis, nisi verè bonum: nec sufficit, quod sit verè bonum, nisi medio quo queritur, sit aptum: non enim est bonum diligere Deum propter pecunias, vt infra dicetur, illud autem est bonum aptum, quod est ubi, cum adus, in quod

in quod illa suapte natura dirigitur, aut aliquid aliud illo melius. Finis vero malus est malum culpæ, vel bonum medio quo queritur ineptum. Finis enim in quantum huiusmodi, superior est medio, in quantum huiusmodi, secundum Diuum Thomam 1. 2. quæstio. 1. articu. 1. ad 1. At malum est inferiora superioribus præponere: immo æquare, c. statuimus. & cap. solitæ. de maior. & obed. quia omnia inordinata mala sunt; cum nihil debeat esse inordinatum §. si vero. ver. inordinatum autem nihil. authent. de hæred. & falc. cap. ad hoc. 86 dist. et quia ea quæ à Deo sunt, ordinata sunt, ad Rom. 13. extrauag. vnam sanctam: de maior. & obe. et quia prædica inferiora non debent dominari superioribus; sed eis subseruire, l. 1. §. sicut. & l. 2. in princ. ff. de aqua pluuiæ arcen.

- 9 Quinta, diuisione finis, eademq; maximi ponderis est, in principalem & minus principalem. Principalis est finis, propter quem solum, etiam si nec actu nec virtute concurreret alius, vel tantum propter illum, ac propter alium sit opus saltem quoad actionem operis. Dixi, solum, ad significandum esse alios aliquos fines principales totales: qualis est virtus respectu operis, quod quis facit eo solo quod est honestum: vel quod recta ratio id dicat. Dixi nec actu nec virtute: quia interdum concurrat alius finis virtute seu virtualiter, qui non concurrat actu siue actualiter: vt cum quis ieiunat die quo scit duplici præcepto esse ieiunandum, et meminit tantum vnum. Dixi, vel tantum propter illum ac propter aliud; ad significandum esse aliquos fines principales, partiales & non totales: quales sunt illi duo fines ieiunij, ieiunantis aliquo die quatuor temporum, quadragesimæ, ad satisfaciendum duplici præcepto, quo illud præcipitur: videlicet præcepto de ieiunando dies quatuor temporum, de quo in cap. 1. 2. & 3. 76. dist. & præcepto de ieiunando quadragesimam: de quo in cap. quadragesima. de consec. dist. 5. Addidi, saltem quoad actionem illius operis, ad comprehendendum finem principalem concurrentem cum alio maiore, & principaliori; vt cum quis ieiunat die ad id indicto, vt obediat præcepto Ecclesiæ, & placeat Deo: nam licet finis Deo placendi sit quiddam maius, & principalis us quam obedire; quippe quod est actus charitatis, quæ præcellit omnes virtutes, cap. charitas. 2. de prelat. dist. 2. tamē quoad hoc est quadamtenus par obedientiæ. Finis minus principalis est dispositio, siue impulsio, ad faciendum aliquid propter aliud, siue sine illa id fieret; siue non: quales sunt timor inferni, & spes paradisi: quibus quis ad amandum Deum propter seipsum mouetur, iuxta mentem S. Thom. in 2. 2. q. 27. art. 3. qui ait eam reduci ad causam materiale: & quod non est simpliciter, sed secundum quid. Dixi siue sine illa & cetera, ob multos fines minus principales operum, sine quibus ea non fierent: qualis est negotium alienum eius, qui venit Romam, ob grande aliquod negotium proprium; & non venisset, nisi aliquis aliud minus,




minus, cum aliquo salario ei commisisset: eiusmodi enim aduentus finis minus principalis est negotium alienum, licet sit causa sine qua id non accidisset. Modus cognoscendi vter finis sit principalis, cum non fieret, nisi vterque concurreret habet in nostro Enchir, de oratio. super cap. quando. be. consecr. dist. 1. cap. 6. nu. 13.

## S U M M A R I U M.

- 10 **F I N E M** ob aliquem, hominem, & alia omnia agere sed alia & alia ratione.
- 10 Fine a quo actus suam speciem sortiuntur, qui finis est primus in intentione; licet quando est alius ab obiecto sit ultimus in executione.
- 11 Fine de ultimo vita humana inquisitio Aristotelis non adeo magnificianda, &c.
- 11 Beatitudo in quo consistit, & quid sit essentialiter.
- 12 Beatitudo in nulla re creata consistit, etiam iuxta naturalem rationem: non in diuitijs, non in honoribus, non in fama & gloria, nec in potentia, non in vilo corporis vel anima boco, nec voluptate; licet inhaereat animae, sed in solo Deo, qui eam producit.
- 13 Beatos multos falsè dici. 14 Et est duplex re, & spe consummata patria, & consummanda via: & hanc tales, & tales habere.
- 14 Beatitudinis titulo, qui & qua ratione iuste gaudeant.
- 15 Finem aliquem esse ultimum humana vita, etiam naturali ratione probari.
- 15 Finem ob ultimum hominem omnia agere, non videri verum, contra S. Thom.
- 15 Referri posse omnia, quae non sunt peccata, in Deum.
- 15 Infidelium actus non omnes mali.
- 16 Referre in Deum nos, omniaque nostra, actu vel virtute, vtile sed non semper necessarium.
- 17 Mediorum in finem relatio fit vno actu, quandoque pluribus, inter quae plurimum distat.
- 17 Actus idem non potest esse bonus & malus, etiam diuerso respectu.
- 18 Relatio duplex, actualis & virtualis, quae definitur ex actù.
- 19 Gratia gratum facientis effectus quidam insignis.
- 19 Referendi nos, & nostra Deo, modus utilis.
- 20 Fines duos ultimos etiam falsos, nemo vno & eodem tempore habere potest.
- 20 Fines ultimi falsi tot, quot falsa opinionones putant esse omnium amabilissima.
- 20 Deus firmitus necessario amandus, licet non seruientius, & intensius.



21. Amat qui aliquid, ita vt malit frangere legem ad mortale obligantem, quàm desistere ab illo amore, peccat mortaliter.
22. Finem vltimum non ponit omnis in eo, in quo etiam scienter mortaliter peccat.
23. Peccatur non habitu, sed actu: cum exemplo quotidiano.
24. Amare Deum aequè ac aliud vel minus comparatiuè peccatum, non autem simpliciter.
24. Bonum, aliud propter se solum, aliud propter aliud solum, aliud propter se, & aliud amabile.
24. Scire vt scias tantum si, & quando peccatum.

10.  D definitionem, ac diuisiones prædictas addo, declaroque complura, sequutus ordinem propositionis earum. Primò quidem, ad definitionem finis positam num. 3. addo id quod S. Thom. post se ac alios in 2. lib. sent. dist. 38. definit in 1. 2. quæst. 1. art. 1. & 2. omnem hominem agere propter finem: immo & alia omnia etiam naturaliter agentia, secundum Philosoph. 2. Physic. sed aliter homo rationis particeps; & aliter rationis expertia: homo quidem tamquam sese ad illum liberè sua voluntate mouens: illa verò naturaliter tamquam à natura, quæ ipse Deus est, mota. Illud item quod ipsemet in d. dist. quæst. 1. art. 3. determinat, scilicet humanos actus à fine suam speciem recipere, iuxta illud S. Augùst. de Eccles. morib. *Secundum quod finis est laudabilis, vel culpabilis, opera nostra sunt laudabilia, vel culpabilia.* quia finis qui est alius ab obiecto, licet sit vltimus in executione, primus tamen est in intentione. quod clarius expressit in art. 1. & 4. q. 1. 1. 2. & clarius quæst. 18. art. 6. & quæst. 20. art. 2. ad 2. quod non latuit Bar. in l. ambitiosa. num. 19. ff. de decret. ab ordi. facien.

11. Ad primam autem diuisionem finis positam nu. 4. in vltimum & medium; addo primo, quod operosa illa de vltimo fine, felicitate ac beatitudine inquisitio Arist. in lib. 1. & 10. Ethic. & verbosa illa Cicer. in 5. libris de finib. bonorum, & malorum, non est tanti facienda, quanti ego olim illam faciebam, imitatus gloripetas illos, qui malunt discere veritatem per ambages ex philosophia ethnicorum obscura, & nubila, quàm recta ex Euangelio claro & sereno à sacris doctoribus exposito: quoniam ex 1. Ioan. 4. & Magistro sent. S. Thom. Scoto, & alijs in 4. dist. 49. & S. Thom. in 1. 2. quæst. 1. 2. 3. & 4. facillimè colligitur finem vltimum cuius, omnium in quo beatitudo nostra consistit, esse ipsum Deum, increatum, summè infinitèque bonum. Vltimum autem finem quo esse beatitudinè, siue felicitatem animæ inhaerentem creatam, quaprehenditur, & in fruitionem habetur vltimus ille finis cuius, vt ante, postque alios declarat S. Thom. in 1. 2. quæst. 1. art. 7. Et quòd beatitudo siue felicitas essentialiter est visio Dei, cum illa mira fruitione, quam iuxta Esai. cap. 64. & Paul. 1.

ad Cor. 2. nec oculus vidit, nec auris audiuit, nec in cor hominis ascendit, vt rectè placet S. Thom. d. q. 3. art. 8. vel fruitio cum visione, vt subtilissimo placet Scoto, in d. dist. 49.

- 12 Addo, quòd S. Thom. ante, postque alios in dicta quæst. 3. monstrat esse impossibile, non solum iuxta rationem fidei catholicæ, sed etiam iuxta naturalem, beatitudinem nostram, consistere in alio, quàm in ipso Deo: in quo summa & tota ratio vniuersalis boni consistit; dum in art. 1. ostendit non posse consistere in diuitijs; in secundo, quòd neque in honoribus, licet diuitijs meliores sint; in tertio, quòd neque in fama & gloria; in quarto, quòd neque in potentia; in quinto, quòd neque in vilo corporis bono, cum & talus, & alia corporis bona ordinentur ad animæ bonum; in sexto, quòd neque in voluptate, etiam quàmlibet honesta; & in septimo neque in aliquo bono animæ, quàmuis animæ inhæreat beatitudo, quaprehenditur, & possidetur id in quo illa consistit, nempe ipsemet Deus; in octauo, quòd neque in vilo alio bono creato, sed in Deo ipso increato, qui creauit nos: quique beatitudinem in animis beatorum facit, iuxta illud August. 1. de doctrina Christia. *Illis rebus fruendum est, quæ nos beatos faciunt.* vt declarat S. Thom. in dicta quæst. 3. art. 1.

- 13 Quare, iure videamur, qui ob quàmlibet magna fortunæ, corporis, vel animæ bona, gaudemus appellari felices, antequàm Deum intueamur, & antequàm sciamus, nos esse illi per gratiam suam acceptos: quod nemo nisi reuelante domino scire potest, Eccles. 9. & cap. fin. de purg. cano, & can. 16. sess. 6. Concilij Trid. immo & antequàm probabiliter eam nos esse consequutos, & conseruate conijciamus; quin etiam scientes, vel scire debentes, ea nos carere, ideo quòd nouerimus nos in squalido culpæ mortiferæ reatus statu iacere; parum memores illius Seuerini libro de Consolat.

*Quid me felicem toties iactastis amici?*

*Qui cecidit stabili non erat ille gradu.*

*& illius Parthenicæ Marianæ,*

*Felices quicumque istis à syribus altam*

*Visuri pacem, sunt in loca tuta recepti:*

*Nam neque mens vllam secus est habitura quietem,*

*Nec latos sensura dies, nec dulcia sacra.*

- 14 Nolumus tamen negare, posse appellari beatos & felices illos, qui gratia Dei gratum faciente fruuntur: etiam si paupertate opprimantur, morbis crucientur, & ignominia, ac tyrannide pessundentur: illos item, qui non abeunt in concilio impiorum; & in via peccatorum non steterunt. Psal. 1. & quorum remissæ sunt iniquitates. Psal. 38. qui timore casto Deum timentes, ambulant in vijs eius. Psal. 127. & qui immaculati in via ambulant in lege Domini. Psal. 118. beatos, inquam, spe, non re, beatitudinem consummanda, non consummata; viz, non patriæ. Sed nec volumus

damnare

damnare peccati, omnes, qui eiusmodi epithetis & titulis felicitatis, & beatitudinis ornati gaudent, modò non gaudeant eis quatenus ob malū culpæ, vel ob bonum falsum tribuuntur; aut ob ipsam laudem solam, non referendo eam in alium finem aptum, etiam si ob vera bona illa contingat, iuxta ea quæ pridem in dicta repet. cap. inter verba. 1. 1. q. 3. conc. 4. seruanda diximus, in acceptanda iustè laude humana; & summam retulimus in Manuali cap. 23. nu. 18. de numero quorum iussit se beatos appellari gaudentium, sunt qui ratione dignitatis interioris, veræ, vel præsumptæ: vel exterioris, cui virtus animi responderet, vel respondere præsumitur, vel qua est ei respondendum, obligat vel incitat, eiusmodi appellationem acceptant; gratias Deo agentes quòd dederit eis illa ob quæ laudantur; aut indolentes quòd nil eorum, vel certè non tantum, quantum putantur habere, habeant, argum. cap. 1. 40. dist. adiuncto d. cap. inter verba. 1. 1. quæst. 3.

- 15 Addo terriò quòd idem S. Tho. in dicta q. 1. art. 4. 1. 2. probat efficaciter, esse aliquem vltimum finem humanæ vitæ: non solum fide catholica, sed etiam illa ratione naturali quòd finis habet rationem bonique infinitum tollit, iuxta Philof. 2. Metaph. immo & in art. 6. tenet, omnia quæ vult homo, velle propter vltimum finem. Quòd tamen nobis non videtur certum, etiam subintelligendo formaliter vel virtualiter; quicquid Caiet. ibi dicat, soluendo argumenta Scoti in 4. dist. 49. quæ tamen nostra sententia, minime soluit; & corroborantur. Tum eo quòd peccata quæ peccamus, neque referimus, neque sunt referenda in vltimum finem, secundum omnes, & tandem Caiet. 1. 2. q. 8. art. 3. & q. 100. art. 1. ubi ait, oia, quæ nò sunt peccata, esse in Deū referenda; non tñ illa. Tū quia licet operari, pp id quod est per se amabile, non referèdo illud in finem vltimū, vt infra dicemus. Tum quia multi multa volunt, & operantur etiam formaliter, & actualiter propter id quòd est, & sciunt esse contrarium vltimo fini, & eius assequutioni: puta omnes qui peccant mortaliter scientes id impedire adeptionem eius. Tum quòd alioqui omnia opera infidelium, qui gloriam vel falsum Deum suum vltimum finem putant, essent peccata, ob mali finis circumstantiā; quod est contra eundem S. Tho. 2. 2. q. 10. art. 4. quem ibi Caiet. latè refendit contra Greg. Arimin. qui communiter reprobatus in 2. sent. dist. 38. & seq. id affirmavit.

- 16 Addo quarrò, vtilissimum quidem esse, dicare omnia opera nostra huic vltimo fini, iuxta illud Psal. 44. *Dico ego opera mea Regi.* & omnia in nomine eius, qui est D. N. Iesus Christus facere, ad Colof. 3. c. non liceat. 26. q. 5. nam & Persius fidei lumine carens, grauiter detestatur oscitantiam nostram, qui parum ob oculos hunc finem vltimum versamus, & minus in illum nostras actiones veluti sagittantes suas in suum scopū sagittas collimamus; dum ita increpat,



*Est aliquid quod tendis, & in quod dirigis arcum,*

*An passim sequeris coruos, testa que luto que*

*Securus quo pes ferat, & ex tempore vinis?*

*et dum subdit,*

*Discite ò miseri, & causas cognoscite rerum.*

*Quid sumus, aut quidnam vilitari gignimur?*

Vtilissimum, inquam, est hoc facere: non tamen adeo in id obligamur, ut quouies id non facimus peccemus: immo plurimum nocuerit credere omnia quæ facimus esse peccata; nisi in vltimum finem, qui est Deus, ea referamus. Proinde curemus facere illud, ut meritis crescamus; & hoc curemus, ne scrupulis angamur.

- 17 Adde quintò quòd multi putant se non facere relationem prædictam quam tamen faciunt: & multi contra facere, quam tamen non faciunt: Pro cuius rei intellectu, notandum: quòd hæc collimatio, siue relatio operum nostrorum, in vltimum finem, siue Deum & aliorum mediòrum in alios fines, aliquando fit vnico actu, aliquando pluribus. Fit pluribus, quando vno volumus finem, & altero, ea quæ sunt media ad finem. Vnico autem fit, quando vno & eodem actu volumus finem, & media in illum; ut probat vterque Thom. 1. 2. q. 8. art. 3. plurimumquæ refert; an hoc vel illo modo ea velimus: nam quando finis est bonus & media mala, vel e contrario finis malus, & media bona, & vtraque volumus vno actu, totus ille malus est: quia vnus & idem actus, non potest esse bonus, & malus, etiam diuersis respectibus; secundum communem opinionem, quam affirmavit S. Tho. in 2. sent. d. 40. q. 1. art. 4. et Maior d. 17. q. 2. Caiet. super Matth. c. 6. Iacob. Almayn. in moralib. c. 12. aptius in hoc tex. c. cum renunciatur. 32. q. 1. & ca. si enim. de pœnit. dist. 2. At si diuissim vno actu quis vult orare, vel ieiunare, & altero vanam gloriam ex eo querere, prior actus potest esse bonus, licet posterior sit malus.

- 18 Notandum item, quòd hæc relatio est duplex, scilicet actualis, siue formalis, aut expressa: cum vnico actu, vel pluribus actualiter media referuntur ad finem, ut proxime dictum est. Et virtualis aut tacita seu æquipollens; quæ prætermissa operosa doctorum disputatione, super hoc adhibita in 2. lib. sent. dist. 40. & attentis magnis argumentis Io. Maioris contra communem, in quam etiam S. Tho. inclinat ibidem, art. 5. et Caiet. 1. 2. q. 21. art. 3. & q. 100. art. 10. & aptius ad propositum q. 8. art. 3. & q. 18. arcic. 5. & 9. in addit. magn. definiti potest, quòd est relatio, quæ tacite resultat eò quòd includitur in alia generali actuali antea facta; vel eo quòd aliam actualem specialem consequitur: vel eo quòd inest actui aptitudo ad relationem talem, concurrente gratia habituali, quæ ad eam inclinat. Exemplum primæ partis, est relatio illa tacita, quæ resultat ex eo solo, quòd quis facit bona opera, post quàm generaliter aliquando dicauit & retulit omnia bona suæ vitæ opera amoris vel obsequio Dei: aut

cum



com professus fuit Christianismum, monachismum, vel alium viuendi statum accepit: aut aliàs quandocumque, & postea mentem contrariam non habuit. Exemplum secundæ partis, est relatio miliarium, siue leucarum, & passuum itineris, quod sine vlla Dei actuali memoria facit is qui vadit visere S. Iacobum in Compostella, quæ resultat ex eo quòd ipse illam visitationem vouit. Exemplum tertie partis, est relatio bonorum operum eius, qui sine vlla Dei actuali memoria facit in statu gratiæ gratum facientis, & charitatis; resultans ex eo quòd sint apta, vt in vltimum finem referantur: & fiunt ab eo, qui habet illum præcellentem habitum charitatis, & gratiam quæ ad eiusmodi relationem inclinatur, vt S. Thom. Maior, & Caiet. vbi supra probant. Breuius etiam definiri potest secundum S. Bonauenturam, quem sequitur Gabriel in dist. 41. col. 3. quòd virtualis relatio vnus in aliud est illa, de qua interrogatus operans, an tacite illam sentiat, verè, ac affirmatiue respondere potest ita sentire.

19 Ex quo infertur vnus fructus sape à concionatoribus inculcandus illius felicitis status in gratia Dei, nèpe quòd omnis actus moraliter bonus existens in gratia Dei censetur sufficienter relatus in Deum, eo solo quòd agens illum sit gratia Dei gratum faciente ornatus: esset tamen perutile, ac pijsimum, vt quisque nostrum frequenter Deo, nostro fini vltimo corde puro dicat multa, Domine volo & nolo, dico & facio, quæ propter se minime sunt amabilia, nec de se sunt mala, sine vlla tui, vel beatitudinis, vel alicuius virtutis, quæ iustus eorum finis esse potest actuali memoria; quæ mea fragilitas est. Quare imitatus Psaltem psal. 44. ego ca omnia & alia opera mea, & me ipsum dico tibi regi & domino meo: protestor-que me omnia illa velle, vt placeam tibi omnium amabilissimo: vtque reuercear te omnium reuerendissimum: vtque aliquando tua visione, (quæ omnium suauissima est) perfruar; vtque hoc iusto fine virtualiter saltem præstita, recta sint, & honesta, inque tuum amorem referibilia.

20 Addo sextè, quòd quamquam vnus & idem homo, vno & eodem tempore, non potest etiam falsè putare, duos esse sibi vltimos fines, cuius, neque quo: quia id secum pugnat, & compugnancia constare nequeunt, l. vbi repugnancia. ff. de reg. iur. cap. si enim. de pœnit. dist. 2. Licet item veri fines vltimi cuius, & quo non sint alij, quàm prædicti, etiam iuxta solam rationem naturalem, vt probat S. Tho. 1. 2. quæst. 1. art. 7. tot tamen sunt falsi, quor aliquorum falsæ opiniones, & peruersæ voluntates fingunt: & toties diuersis temporibus plures habere potest vnus & idem, quoties suam sacrilegam opinionem in aliam in eò illi similem mutat: quia vnicuique id est talis finis vltimus, quod ipse putat esse omnium amabilissimum, iuxta illud Apost. ad Philip. 3. Quorum Deus venter est. Ideoque grauissimum idololatriæ genus est velle, vel appetere, vel amare aliquid aliud à Deo vero, tamquam omnium amabilissimum; impiàque illa phrasis loquendi Virgiliana, O Melibæe, Deus nobis hac otia fecit: Namque erit illa

- erit ille mihi semper Deus, &c. quam quidam, nimium sese amantes, imitantur; dum sese, suos deos, suosque angelos appellant, finem sui amoris ultimum sese esse innuentes, contra illud Matth. 10. *Qui amat patrem aut matrem plusquam me non est me dignus*. quod tamen intelligendum est de maiori amore, quo ad firmitatem, non quo ad intensiorem & fervorem, ut in Manuali Confessoriorum cap. 1. num. 3. declarauimus. Quo à peccato excusantur plurimi qui longe fortius ac intensius amant sese, parentes, uxores, vel amicos, quam ultimum finem Deum: parati tamen salutem virtualiter, prius perdere illum ferventem, quam diuinum utcumque calidum, si fors tulerit, ut alter eorum sit necessariò perdendus. Quo modo utinam omnes; qui sic amant, & sic loquuntur sint parati, vel salutem pœniteat eos non fuisse ita paratos: quo veniam confessi, consequantur. Amen. qui tamen & omnes alij meminerimus, quòd toties mortaliter peccamus, quoties ita pecuniam, honorem, amicos, cognatos, heros, Duces, Reges, Imperatores, Episcopos, Papam, immo & nos, vitamve nostram amamus: ut malimus legem, (quæ ad peccatum mortiferum obligat) transgredi, quam prædicta, vel eorum gratiam amittere. An autem id sit constituere tacitè, vel æquipollenter, finem ultimum in eo quod præfert huiusmodi legi, quæstionis potest esse: quia id videri potest alicui sensisse uterque Thom. in 1. 2. q. 88. arti. 4. & seq. at ipse arbitror non constituere. Tum quia illi patres non exprimunt hoc. Tum quòd aliqui bis peccarent omnes, qui semel scienter mortiferè peccarent: quia transgredierentur legem, quod est vnum peccatum; & ponerent finem ultimum in eo; quod est alterum. Tum quia multi peccant mortaliter cognoscentes minimè in eo consistere finem ultimum; licèt nouerint id esse illi exosum; & licèt à tentatione aliqua victi, agant illud; sc. unt tamen, id non esse omnium amabiliissimum.
- 21 Ad do septimò, verè pœnitentem, & omnia peccata sua, ut debet, confiteri volentem, recogitare oportere; num aliquando & quoties eo animo, actu siue actualiter, aut virtualiter fuerit. Actualiter, inquam, vel virtualiter: nam non sufficit ad peccandum habitu, seu habitualiter, illo animo fuisse: quia omnium sententia nò peccamus habitibus, sed actibus: & qui eo habitu est, ut auctoritate propria vindicaret iniuriã, si ei fieret; vel rem haberet cum aliqua, si ab ea rogaretur; non peccat; si nullum super hoc alium actum produxerit. Quod etiam ex Cardinali S. Xisti pridem collegimus in cap. quem pœnitet, de pœnit. dist. 1. alioqui enim etiam dormientes peccaremus contra clem. 1. de homic.
- 23 Ad do octauò, quòd ex verbis illis Christi, *Qui plus amat &c.* nemo colligat, eum, qui æque amat ultimum finem, qui est ipse Deus; ac se vel aliam creaturam, nò peccare. Tum quia qui cõparatiuè æquè, vel minus amat Deum, quàm se vel alium, peccat, ut post S. Tho. 1. 2. q. 109. arti. 3. diximus in Manuali Conf. cap. 11. nu. 8. Tum quia plus tenemur diligere illum

re illum quàm alios, & quàm nos ipsos, ut probat S. Tho. 2. 2. q. 27. art. 3. & seruare præcepta eius, plusquàm nos, vitamque nostram, iuxta illud, *Qui vult venire post me, abneget semetipsum, & tollat crucem suam, & sequatur me.* Matth. 11. quo docemur, oportere nos perdere vitam; si aliter eum sequi præcepta eius seruando nequimus. Quæ catholica conclusio est, frequenterque per concionatores inculcanda: cum passim videre sit præcepta Pontificum, Regum, Regulorum, heroum, & amicorum iniusta, maioris haberi, quàm iusta Christi: & hæc ob ea frangi. Dixi superius, qui æque, vel minus amat Deum, comparatiue. nam qui sine vlla comparatione ad Deum, minus, vel æquè amat eum, non peccat: non enim omnis amor, quo Deus amatur, est malus, eo ipso, quòd non sit sic per omnia erectus, ut videtur presupponere vterque Tho. in 1. 2. q. 109. art. 3.

- 24 Addo nonò, quòd ex hac diuisione prima colligitur esse aliquid, quòd propter se solum, & non propter aliud, rectè amari potest; & ita est vltimus finis, quòd nequit esse rectè medius, quòd solus ipse Deus æternus, immensus, omniumquè principium & finis est. Est aliud, quòd propter aliud solum, & propter se rectè amari potest; & ita non potest esse rectè finis vltimus, neque medius cuius generis sunt bona pecuniaria, & honoraria, & oia quæ dicuntur bona vtilia. Aliud est quòd propter se, & propter aliud, rectè amari potest: & ita rectè potest esse finis medius, & non vltimus, cuius generis sunt virtutes, scientiæ, & alia honesta, immo & delectabilia, ut prædictum est suprà numc. 4. & 5.

Ex quo inferitur, errasse illos, qui dixerunt, quendam peccasse in eo, quòd iura diuina, & humana, vel artes liberales disceret, eo tantum fine, ut sciret; non referendo id in aliud: quia scientia est finis medius; qui propter se solum, & propter aliud appeti potest, ut dictum est. Nec obstat illud S. Bernat. lib. 1. Medit. quo illi mouebatur, *Multi sciunt ut sciant, & curiositas est.* quia intelligendum est de illis, qui discunt scientiam ad gloriam vanam, vel alia vana, vel mala; vel non ideo, quòd scientia propter se solam, est rectè appetibilis.

## S V M M A R I V M.


- 25 FINES & scopi vltimi, in quos viatores omnia referant, duo sunt.  
 26 Finis operantis licèt sit posterior fine operationis secundum ordinem executionis; est tamen prior secundum ordinem intentionis, & ita principalior.  
 27 Lex omnis iusta principalius fit ob vtilitatem publicam quàm priuatam.  
 28 Antinomia quædam graues conciliatur nonè. & 29.  
 29 Legibus aliquot cur renunciari potest: licèt principalius publicam vtilitatem quàm priuatam respiciant.



29 *Fortunius Cantaber laudatus.*

29 *Finis non idem iuris vtriusque secundum communem: sed contra Fortunium, qui quatuor dictis satis conciliatur.*

29 *Beatitudo vera, quæ Christiana est, supernaturali tantum lumine cognoscitur.*

- 25  Itca secundam finis diuisionem positam supra num. 6. in finem cuius, & finem quo, admonendi sumus frequenter, quod humanæ vitæ, omniumque in hoc sæculo eam agentium, qui viatores dicimur, duo tantum sunt vltimi scopi, in quos omnia nostra in Deum referibilia, mediata vel immediata, actu vel virtute referre deberemus; videlicet finis cuius; qui est Deus ipse increatus, & infinite bonus, & finis quo; qui est beatitudo ipsa animæ creatæ & finita; quæ tñ ipse infinitus ad plenâ & perfectâ satietatē apprehenditur.
- 26 Ad tertiam diuisionem finis positam supra num. 7. in finem operationis, & operantis addo, quod quamuis finis operationis sit tantum vnus; finis tamen operarij, siue operantis potest esse multiplex; nempe, ille ipse, qui est operationis & alij multi: vt ieiunij, quod est operatio, finis est corporis afflictio; & finis operantis & ieiunantis potest esse illa, & alia multa: puta vitia comprimere, mentem eleuare, virtutesque augere; vt missæ præfatio habet, & S. Thom. 2.2. quæstio. 147. art. 1. declarat. quàmuis item finis operationis, quando est alius à fine operantis, sit prior illo secundum ordinem exequutionis; finis tamen operantis est prior secundum ordinem intentionis, vt probat S. Thom. 1. 2. quæstio. 1. artic. 1. ad 1; & art. 4. in corpore q. & quæst. 18. art. 2. ad 2. & quæst. 20. art. 1. ad 7. Est etiam principalior illo, iuxta illud Arist. *Qui furatur, vt adulteretur, magis est adulter, quàm fur.* ædificantis enim domum ob lucrum per locationem eius quærendum, primus & principalior finis est lucrum, iuxta ordinem intentionis: quia ille mouet primum ad ædificandum, licet postremus sit in exequutione: quia post ædificatam domum quæritur.
- 28 Addo secundo, ex his inferri omnem legem iustam esse factam principalius ob vtilitatem publicam, quàm priuatam, iuxta cap. erit autem lex. 4. dist. quia licet militarum finis propinquior, & prior secundum ordinem exequutionis, sit vtilitas priuata, minorum, mulierum, &c. vt per totum titulum ff. & C. de minor. & ad Velleia. & l. 1. §. huius studij. ff. de iustit. & iur. quia tamen ille finis est minus principalis, quàm is propinquior secundum ordinem exequutionis, & vtilitas Reip. publica quæ inde resultat iuxta l. 1. ff. sol. mat. est finis prior secundum ordinem intentionis, & ita principalior; merito dicuntur omnes lætæ principalius ob publicam vtilitatem quàm ob priuatam: quæ omnia præclare sensit Bart. in l. ambittiosa. nu. 19. ff. de decre. ab ord. facien. licet parum cautè appeller ordinem intellectus, quem nos appellamus cum S. Thom. & alijs ordinem intentionis,



tionis, & non abs re: quia fines ad voluntatem, cuius actus & intentio pertinent: & non ad intellectum, iuxta S. Thom. recept. 1. 2. quæst. 8. in prin. & quæst. 1. 2. art. 1.

- 29 Addo tertio, quod per hæc componi possunt antinomix quædam & controuersix; quas nullibi legimus satis compositas, antequam nos scripsissemus repet. cap. inter verba. 1. 1. q. 3. cõc. 5. Prima est inter illud quod in confesso est, multos multis legibus renunciare posse, l. quod fauete. C. de legib. & cap. quod ob gratiam. de reg. iur. lib. 6. cum glos. & inter illud quod omnis lex est facta principaliter ob vtilitatem publicam. Et quod nemo potest renunciare legi in fauorem publicum principaliter late, l. ius publicum. ff. de pact. cap. si diligenti. de foro compet. componitur enim respondendo, quod hoc posterius intelligendum est de lege, cuius vterque finis primus tam secundum ordinem intentionis, quam secundum ordinem executionis, est publica vtilitas: illud autem prius, de alijs: quarum finis primus est vtilitas priuata, secundum ordinem executionis.

Altera controuersia est, inter glo. l. 1. §. huius studij. ff. de iustit. & iur. & inter Cantabrum nostrum Fortunium dotibus inditis & quasitis ingenij, morum, & eruditionis bene fortunatum, & in hac (que omnium totius orbis nobilissima prouincia est) Italia omni literarum genere illustratum, in lib. de vlt. sine vtriusque iuris. in principio. habet enim illa glos. usque ad illum recepta, Leges factas in fauorem singulorum; ut minorum, mulierum, & similium; principaliter quidem factas esse ad vtilitatem priuatorum, sed secundario ad vtilitatem publicam: Fortunius autem contra; eas principaliter latas esse in fauorem publicum, & secundario in priuatum: componitur enim hæc controuersia; intelligendo verba illa principaliter, seu primo & secundario glosse, iuxta ordinem executionis; & non secundum ordinem intentionis: verba verò Fortunij è contrario. Eodem omnino modo conciliari potest prædicta glossa, cum Archid. & communis, in d. cap. erit autem lex. 4. dist. ut ibi olim cum Salmantica Decreti cathedram regeremus, conciliauimus.

Est item alia inter præfatum Fortunium & communem antinomia, siue controuersia: Ille enim in lib. præfato de vltimo sine vtriusque iuris, in principio tenet; eundem esse vtriusque iuris & canonici & ciuilis finem. Cuius contrarium tenent communis, quam sensit glo. cap. cum contingat, de iure iur. verb. debet. communiter recepta & putata singul. ab And. Sic in cap. in præsentia. col. 3. de probat. & cap. nam concupiscentiam, de constit. col. 3. & cap. ceterum. de iuram. calum. & capit. filius. col. 2. de testam. & nota. à Dominic. cap. 2. de constit. lib. 6. sensit enim ius ciuile dirigere hominem in bonum publicum honestum, non curando de vtilitate animæ: ius vero canonicum dirigere hominem in vtilitatem animæ, vitando eius periculum, cap. 2. de constit. lib. 6. ibi, ut animarum periculis caueatur &c. Quod ipsum tenet Panorm. in proem. Gregor. col. 10.

Cardinalem & communem.

Omissa tamen altiori disputatione breuiter, & nouè dici possent quattuor. Primum, quòd iuris ciuilibis quatenus est tantum tale, & quatenus constituitur tantum per potestatem sæcularem, quæ est naturalis ratione tantum naturaliter ducta, non potest esse finis beatitudo & felicitas æterna, ad quam Christiani & fideles tendimus, & adipisci speramus: quod probatur primo illo irrefragabili argumento, Nihil potest esse finis alicuius libere agentis, nisi ab eo præcognitum: quia vt post Arist. ait S. August. lib. 10. de Trinit. & post eum S. Thom. 1. 2. q. 3. art. 4. voluntas non fertur in incognitum. At potestas sæcularis, quatenus est tantum talis, non cognoscit, nec cognoscere potest præfatum finem: quia non potest cognosci per solum naturale lumen, & rationem naturalem. ergo non potest sibi præstitui illum finem. Deinde patet eo quòd potestas sæcularis est potestas naturaliter à Deo data generi humano, quæ dirigitur per ius naturale, rationemque naturalem & ius naturale, 1. dist. & in princ. 5. dist. At ratio & cognitio naturalis, non attingit supernaturalia: vnde S. Thom. 1. par. quæst. 1. & ipse cum Scoto & alijs omnibus commentantibus, in prologo sententiarum concludunt necessariã esse homini scientiam reuelatam, & supernaturalem ad hoc vt saluetur, & adipiscatur vitam æternam, quæ physicis & naturalis cognoscere non potest iuxta illud Esaiæ 64. *Oculus non vidit, Deus absque te, quæ preparasti diligentibus te.*

Secundum, quòd felicitas humana huius vitæ temporalis, quæ consistit in virtute morali & naturali, quæque est virtuosa naturali rationi conformis, potest esse & est finis iuris ciuilibis, & legum sæcularium humanarum quatenus illæ tantum à potestate naturali ratione feruntur, iuxta Aristot. lib. 5. Ethic. & S. Thom. 1. 2. quæst. 95. art. 2. & q. 96. artic. 3. & satis probatur in præmio Decret. ibi. *Lex proditur vt appetitus noxijs sub iuris regula limitetur, per quam genus humanum, vt honeste viuat, alterum non ladat, ius suum unicuique tribuat, informatur.* & in cap. factæ. 4. dist. *Facile sunt autem leges, vt earum metu humana coerceatur audacia, utaque sit inter probos innocentia, & in ipsis improbis formidato supplicio refranesur audacia, & nocendi facultas.*

Tertium, quòd iuris canonici siue Pontificij, etiam quatenus est humanum; per potestatem ecclesiasticam supernaturalem constitutum, potest esse & est finis felicitas æterna, quam Christiani quærimus, & adipisci speramus. Tum quia hoc significant præfata cap. cum contingat. de iureiur. & cap. 2. de const. lib. 6. & etiam cap. 1. de pact. cap. 1. de oper. nou. nunc. cap. quamuis pactum. de pact. lib. 6. cap. licet mulieres. de iureiur. eodem lib. totus tit. de summa Trinit. in Decret. Sexto, & Clem. totus titulus de baptis. de celeb. miss. de pœnit. & remis. & multe causæ, & quæstiones, quæ in Decreto Gratiani ponuntur; extrauag. vnã sanctam. de maior.

maiorit. & obed. canones item Apostolorum, & Concilia œcumenica & prouincialia in hunc finem principaliter habita. Tum quia Ecclesia Christiana sicut à Christo clauem potentie suæ summam, eandemque supernaturalē potestatem ligandi atque soluēdi etiam mediantibus legibus accepit, cap. quodcunque. 24. quæst. 1. & extrauag. quia quorundam. Ioan. xxi. de verbor. signifi. ita etiam accepit clauem scientiæ, ac cognitionem fidei orthodoxæ, vt per præcitata constat: & ita legibus supernaturali potestate à se latis finem quoque supernaturaliter lumine fidei cognitum, & præstituerē potuit, & præstituit.

Quartū, quiris ciuilibus quatenus est à Christianis Imperatoribus & Regibus etiam potestate naturali compositum, aut approbatum, finis potest esse; & est felicitas æterna, quam Christiani credimus & speramus: quoniam licet potestas eorum sit tantum naturalis, & non possit ad supernaturalia extendi; habent tamen cognitionem fidei infusam, & acquisitam, qua cognoscunt, & credunt vitam quam Christiani quærimus æternam; & ita vt omnia virtutum aliarum opera possunt in eam referre ac frequenter actu vel virtute referunt: ita etiam suum ius, suasque leges, quæ sunt opera quædam eorum præcipue possunt in eandem referre ac referunt, quod satis constat ex inscriptione illa Cod. *In nomine D.N. Iesu Christi.* & ff. *In nomine Domini* & clarius ex l. 1. & l. 2. & linter claras. cū his quæ inferuntur ei ex epistola Iustiniani, de sum. Trin. & ex l. 1. & 2. de vet. iur. enuel. & titulis de Episcop. & cler. & de Episcop. aud. & alijs multis. quibus quattuor arbitror dictis, satis conciliari posse illa quæ præfatus eruditissimus Fortunius ait, cum his quæ communis docet.

Ex quibus infertur, id quod ipse persuadere nititur, ius ciuile compositum à Iustiniano ex mente ipsius explicita vel implicita ita interpretandum, vt non fuerit ei vlla intentio contraueniendi sacris canonibus legitime ab Ecclesia, Papa, & Concilijs œcumenicis ante illum latis, vel postea ferendis; quo ad ea, quæ ad vitam æternam consequendam sunt necessaria.

## S Y M M A R I V M.

- 30 ACTVS cuiuscunque virtutis, quàmlibet bonus, & principaliter fiat ob bonum temporale siue pecuniarium siue honorarium malus.
- 30 Regula illa, cuius finis malus est, &c. sine vlla exceptione vera.
- 30 Bona virtutis & anima præstantiora bonis corporalibus & vtilibus.
- 31 Fortia facta ob honorem aut pudorem peccata.
- 32 Actus virtutum facti principaliter ob salutem, & vitam mali, secundum Adrianum: quod non est verum in omnibus.
- 33 Actus virtutis iuste fit minus principaliter ob temporalia bona.
- 33 Finis iustus omnium actuum omnium virtutum Deus.



- 34 *Beatitudo & virtus, ut comprehendit diuinam, & humanam, & ratio, ut est genus ad naturalem, & supernaturalem.*  
 35 *Sine quo satisficit obligationi ponendi finem actui.*  
 36 *Finis malus, quia malum culpe, & finis malus, quia ineptus differunt.*

30



- X quarta finis diuisione posita supra num. 8. in bonum & malum, & membrorum definitionibus, colligitur primo, quod quicumque aliquem virtutis actum agit, principaliter ob bonum aliquod temporele pecuniarium, immo & honorarium quod pecuniario maius est, peccat, si actualiter vel virtualiter non referat illud in Deum, aut beatitudinem, vel in aliquam virtutem ei conuenientem generalem, vel spicalem. Tum, quia sine vlla exceptione vera est illa regula topica supra nu. 1. citata *Cuius finis malus est, ipsum quoque malum est.* fundata in hoc c. cū minister. & alijs postea citadis, licet altera eius germana, s. *Cuius finis bonus est, ipsum quoque bonū est.* frequenter sit falsa, c. forte, quod de furante ad eleemosynam facientiam agit, & cap. demique 14. q. 3. At finis medio minor ineptus est, & consequenter malus: et constat virtutes, & animæ bona præstare bonis corporalibus, & vtilibus cap. deteriores. 6. quest. 1. ergo hæc inepta sunt ut illorum fiant scopi & fines. & per consecutionem, qui ea facit, finem principalem actus virtutis, inordinatè malèque facit. Tum per illud Petrij ab omni schola Christiana receptum. *Recti finem, extremumque esse recuso; Euge inum & bellè.* Tum, quia grauissimè id determinat Adri. quolib. quest. 1. lit. C. per illa verba, *Qui vult bene agere, Deo placere, iuste iudicare, liberalem sortem, magnanimum, temperatum se exhibere, propter honorem, corporis salutem, sine intendat, ut finem totalem, siue ut finem partialem, actus neque iustus, nec liberalis, neque magnanimus est: sed agit male & peccat.* Per dictum item Aristot. Ethic. 3. omnium sententiæ consonum, *Qui quamlibet strenue pugnet: si ob honorem, & gloriam, vel pudorem id facit, non agit fortiter sed vitiose.* Et per illud S. August. relatam per Magistrum, & alios in 2. dist. 38. & à S. Thom. quolib. 2. arti. 2. *Qui ob vultum prædicat, non meretur sed peccat.* & Caiet. super Matth. cap. 7. pag. 2. *Qui largitur eleemosynam, ut laudetur, saltem venialiter peccat.* & ante illos Gratia. cap. fin. 23. quest. 6. *Qui dat ob pudorem, & rem, & merita perdit; neque bene agit, qui bonum ob timorem agit.*
- 31 Ampliandam esse conclusionem hanc etiam ad eum, qui agit aliquè virtutis actum ob corporis salutem, expressit præfatus Adrianus, ubi supra: sed contra putamus. Tum quia sub nume. 5. diximus, vitam, & bona delectabilia iuste posse amari, & appeti propter se tantum cui consequens est iuste illa fieri posse sine aliquatū bonarum operationū; Tum quod alioqui consequeretur, quod actus abstinendi à nimio cibo, & poru, qui sunt actus virtutis abstinentiæ, & sobrietatis, ad conseruandā salutem

salutē, & vitam; uti etiā phar-  
 macis, & alijs medicinis, ad recuperandā salu-  
 tem amissā, esset peccatum; quod est contra omnium doctorum men-  
 tem. Quare illud Adriani arbitror limitandum, ut solum habeat locum,  
 in actibus virtutum maiorum virtutibus illis, quorum actus iuste ordina-  
 ri possunt ad salutem & vitam: quales sunt amor Dei, & actus spei, & re-  
 ligionis, quarum finis aptus & proportionatus nequit esse salus & vita ho-  
 minis. Vnde qui amaret Deum, vel crederet in eum, vel speraret in eo,  
 vel eum veneraretur principaliter propter salutem, & vitam suam confer-  
 uandam, peccaret: quia de illo, quod est minus bonum faceret finem ma-  
 ioris boni: ille verò, qui actum abstinentiæ, sobrietatis, temperantiæ, con-  
 tinentiæ & aliarum similium virtutum, finem faceret suam vitam, & salu-  
 tem, non peccaret: immo si alia in id necessaria concurrerent, mereretur.

33. Ampliaret etiam aliquis hanc conclusionem per præfati Adriani  
 dictum, etiam ad actus, qui licet principaliter fierent propter finem  
 debitum, minus tam principaliter fierent propter bona vilia; eo quod  
 ipse ait præfatam conclusionem esse veram, siue ille finis sit totalis, siue  
 partialis. Sed non rectè faceret, qui sic ampliaret eam; immo est  
 mitanda ut solum intelligatur de fine principali, & non de minus princi-  
 pali: quia nihil ait Adrianus de fine minus principali, sed solum de parti-  
 culari, qui frequenter est principalis: quoniam duo fines partiales possunt ef-  
 se principales vnius, & eiusdem actus, s. affinitatis. Instit. de nupt. & infra  
 dicemus, exemplum de ieiunio, quo quis ieiunat dies quatuor temporum  
 quadragesimæ, in finem satisfaciendi præcepto de ieiunando dies qua-  
 tuor temporum, & in finem satisfaciendi præcepto de ieiunando quadra-  
 gesimæ; qui duo fines sunt quidem partiales, sed principales.

34. Secundo colligitur, quod omnium actuum, quarumcunque virtu-  
 tum finis principalis aptissimus & optimus est Deus ipse, qui est vl-  
 timus finis cuius, omnium rerum. Beatitudo item, quia est ultimus fi-  
 nis quo, potest esse finis & principium omnium actuum intellectus &  
 rationis, quamvis nequeat esse finis principalis charitatis & amoris Dei,  
 qui propter se ipsum solum principaliter est diligendus; ut S. Tho. decla-  
 rat 2. 2. quæst. 27. art. 3. Virtus item in genere, & recta ratio, sunt fines bo-  
 ni & apti omnium virtutum moralium & actuum illarum: quisquis enim  
 agit iusta, fortia, & temperata, quisquis amat Deum, vel credit in eum vel sperat  
 in eo; quia id facere est virtus theologa, vel moralis vel quia ratio natura-  
 lis, vel supernaturalis id dicat, bene facit. Quælibet etiam virtus est finis  
 aptus actuum ad eam conuenientium: qui enim iusta facit, quia iusta sunt;  
 qui fortia, quia fortia sunt; qui que temperata, quia temperata sunt: bene  
 facit. Finis item aptus est etiam quælibet virtutis altior, & maior respectu  
 cuiuslibet actus inferioris virtutis: nam qui iusta, fortia, vel temperata fa-  
 cit, ut placeat Deo, vel ut charitas, fides, & spes magis ac magis augeatur  
 in eo, rectissime agit.

35 Tertio colligitur, quòd obligationi quam omnes habemus præstituen-  
di fines bonos, & aptos omnibus nostris actibus deliberatis, vt longe post  
hæc scripta in prælu. 5. Man. Confess. diximus; satisfacimus optime qui-  
dem, si eos agamus, vt Deo placeamus; & egregiè, si vt fiamus beati; & suf-  
ficienter, si eo quòd sunt recti, vel honesti, seu virtuosi; seu quia recta ratio  
diuina, vel humana id dicat: nam quodlibet horum, quæ in effectu idem  
sunt, licet verbis differant, est iustus generalis finis omnium actuum qua-  
rumlibet virtutum. Sufficienter item satisfacit præfatæ obligationi, qui  
aliquod iustum facit, quia iustum est, vel forte, quia forte est; & modestū,  
quia modestum est, &c. quia quælibet virtus specialis est iustus finis actuum  
ad eam pertinentium. Satisfacit etiam qui ieiunat, aut refrænât iram, vt  
animam & corpus quadamrenus Deo sacrificet: quia virtutem altiore  
scilicet religionis, facit finem actuum virtutum inferiorum, videlicet ab-  
stinentiæ, & mansuetudinis. Non tamen contra satisfaceret, qui oraret;  
vel sacrificaret principaliter vt abstinens fieret: quia virtutem inferiorem  
faceret finem principalem actus virtutis superioris. quod non licet per  
prædicta.

36 Quartò inferitur, quòd finis malus, eo quòd sit malum culpæ; & ma-  
lus, non eo quòd est malum culpæ, sed quia ineptus est, eo quòd sit me-  
dio minor, plurimum differunt. Primo quidem quia ille non potest esse  
finis principalis, neque minus principalis actus boni, etiam si tantum ve-  
niale malum sit: hic autem licet non possit esse finis principalis, potest ta-  
men esse minus principalis: ieiunare liquidem, & orare, immo & dilige-  
re Deum, si ea etiam minus principaliter, ob fructum paruum, veniale tã-  
tum, vel ob inanem, (quæ venialis tantum sit) gloriam agas, peccas: etiã si  
principaliter ob Deum ipsum ea feceris. Qui autem illa principaliter fa-  
cit ob Deum, beatitudinem, vel virtutem, siue quia recta sunt, non peccat:  
etiam si minus principaliter, ob ea speret assequi aliquod bonum tempo-  
rale, pecuniarium, vel honorarium vt mox probabitur.

Secundo differunt; quòd ille nulla relatione ad superiorem finem po-  
test fieri aptus; hic autem sic. Qui enim ieiunat vt furetur ad dādum pau-  
peribus, peccat: quia, vt dictum est supra nu. 1 5. nullum peccatum rectifi-  
catur, per eius in finem bonum relationem. Qui autem ieiunat ob pecu-  
niam, quam ob id sperat, ad hoc vt eam pauperibus erogat, non peccat;  
immo bene meretur: quia illa pecuniæ acquisitio in erogationem paupe-  
ribus amore Dei faciendam, relata, transformatur in finem charitatis:  
quæ finis omnium operum bonorum sanctissimus esse potest.

### S V M M A R I V M.

37 C A V. 3 A finalis incante definitur à Bartho.

37 Finem principalem non arguit cessatio operis illo cessante.



- 37 Fines multi possunt esse principales eiusdem actus.  
 38 Actus omnis cuius finis etiam minus principalis est malus, malus.  
 39 Finis principalis nullius actus virtutis potest esse bonum temporale.  
 39 Finis minus principalis inferuentis Deo, ecclesie & prelato, potest esse beneficium ecclesiasticum, & mutuantis lucrum.  
 39 Mutuans iuste sperat lucrum minus principaliter.  
 39 Distributiones ob lucrandas minus iuste surgitur.  
 40 Penas qui statuunt, & qui ob eas obediunt, ut peccant.  
 40 Timor seruilis, qui bonus, & qui malus.  
 41 Præmia qui statuunt, & qui ea quarunt ut peccant.  
 42 Timore Deo seruientium, qui bene, & qui male merentur.  
 42 Timorem quem non compatitur charitas.  
 43 Finis principalis orationis iustus nequeunt esse temporalia.  
 43 Finis minus principalis, & obiectum orationis possunt esse temporalia;  
 non autem finis principalis.

37



X quinta finis diuisione supra num. 9. posita, in principalem & minus principalem, eorūque definitionibus inferitur, primò, quòd parum cauta est definitio finis, seu causæ principalis finalis, Bart. in l. 2. §. ff. de donat. & quam sentit glossa l. 1. §. sextū. ff. de postulan. & alij, quos citauimus in repet. c. inter verba. l. 1. q. 3. c. c. §. Et in c. cū cessāte. de ap. videlicet, esse finē quo cessante cessat opus. Tū quia illa multis finibus minus principalibus conuenit, per prædicta in d. nu. 9. Tū quod alioqui paucissima essent opera etiā in sese bona, quæ nō essent peccata: oēs enim virtutū actus, quorū finis principalis est aliquod bonum temporale, est peccatum, ut supra nu. 30. probatū est; & rarissimi sunt qui nisi ob ea speraretur aliquid tēporale, illa facerent, iuxta illud Iuuenal. *Quis virtutem amplectitur vnā, pramia si tollas?* Tum quia licet operis cessatio, cessante causa, sit aliqua coniectura quoad forum exterius, quòd sit principalis; non tamen concludit; & quoad forum interius nihil ferè facit; quoniam quoad illud æstimatio animi, qua sic æstimanatur causæ, facit, ut alia sit principalis alia vero minus principalis.

Secundò inferitur, quod vnus & idē actus pōt habere multos fines principales, & multos minus principales; & multos, quorū alius, vel alij sunt principales, & alius vel alij minus principales, p quo est §. affinitatis. Inst. de nup. & l. librorum. ff. de his qui notantur in fa. vbi & in l. 1. nu. 2 §. ff. solut. matr. Bart. potest enim quis ieiunare principaliter vno & eodem die, quòd fiat abstinens; & quòd præcepto Ecclesie obediat; & quòd pro peccatis satisfaciat; & quòd Deo placeat. Et primo fine meritum abstinentiæ meretur; secundo obedienciæ; tertio poenitentiae; quarto charitatis; ut pridem diximus, in cap. fratres. nu. 117. de pæn. dist. 5. quod plurimum nos mouere debet

debet ad facienda bona ob multos fines bonos: quò multa merita eadem opera, & labore quæramus; referendo in multos fines principales ea quæ ob vnum tantum facimus, vt in prædicto exemplo.

- 38 Tertiò infertur, quòd omnis actus quàmlibet bonus, cuius finis siue principalis siue minus principalis est malū culpæ, saltem venialiter adco est malus, vt nulla relatione in bonum aliquod etiam summum, fieri potest bonus. Nec obstat quòd subtiliter opponi potest, dixisse nos supra num. 35. quòd finis malus, eo solo quòd est ineptus ad hoc, vt sit finis principalis potest esse bonus, si referatur in altiore finem; putà actus iudicandi ac consulendi ob amorem pecuniæ, propter ipsammet solam, est peccatum, saltem veniale; fieri potest bonus referendo pecuniam ad largiendam elemosynam, vel ad honestè viuendum. Non inquam, hoc obstat: quia consulere vel iudicare ob pecuniā propter se solam, est alius actus ab actu consulendi, & iudicandi propter pecuniam in prædictos fines relatum: & ita non probat argumentum, quòd idem actus qui est malus ob finem malum culpæ, fiat bonus per relationē finis illius in aliū maiorem: quamuis probet, quòd vna & eadem res, quæ propter se tantum desiderata inficit desiderium, eadem propter aliud desiderata rectificat illud: sed illa desideria non sunt vnum, neque possunt esse; quia seculum pugnant; sed duo quorum alterum est bonum, & alterum malum.

- 39 Quarto infertur, quòd licet nullius actus virtutis finis principalis possit esse bonum temporale: immo quilibet actus virtutis quàmlibet in se bonus, efficiatur malus, si fiat principaliter ob aliquod bonū temporale; non tamen si fiat minus principaliter ob illud. primo quidem, per illud Psal. 118. *Inclinavi cor meum ad faciendas iustificationes tuas in æternum propter retributionem.* vbi verbum, propter, significat causam impulsivā, siue finem minus principalem: quod significare aliquando dicit S. Tho. supra, num. 3. citatus in 2.2.q.27.art. 1.

Deinde quòd Urbanus Papa in cap. si officia. 59. dist. & Celestinus in cap. quid proderit. 61. dist. determinarunt licere clericis sequi Deo in ecclesijs, ob spem ascendendi ad dignitates illarum: immo Gelasius in cap. consuluit. 74. dist. dixit in hæc verba, *Commoda presbyteri propensius quàm diaconi consequantur, vt hac saltem ratione constricti, & honorem quem suggerant appetere nitantur, & quæsum.*

Tertiò quòd Valerius Max. lib. 2. cap. 1. de Arcopago, ait vberimum virtutis alimentum esse honorem. & Cicero à Christianis probatus, & à S. Aug. relatus lib. 5. de Ciuit. Dei cap. 2. *Honor alit artes.* & Iuuenalis Satyr. 10. *Quis virtutem amplectitur ipsum præmia si tollas?*

Quartò quòd glossa recepta in d. cap. quid proderit. dicit expressè per illum textum, licere clerico seruire in ecclesia, ad quarēdam aliquam dignitatem, modo principaliter ob id non seruiat: cui similis est glo. 1. cap. hoc ad nos. 59. dist.

Quintò quòd glo. cap. cōsuluit de vsur. habet, quòd licèt peccet qui mu-  
 tuat principaliter ob lucrum, non tamen qui principaliter id facit vt iu-  
 uet proximum; & quia id ratio dicat: quàmuis minus principaliter, &  
 secundariò id speret. & glo. cap. cum esset. de simon. & cap. cum ad no-  
 stram. de elect. aiunt, simoniam quidem admittere illum, qui prælato in-  
 seruit principaliter ob beneficium ecclesiasticum præsertim interuenien-  
 te pacto: non autem qui principaliter ob alium iustum respectum inser-  
 uit, licèt secundariò, & minus principaliter ob illam spem inseruiat. Quod  
 pulchrè de more declarat Adrian. quolib. 9. artic. 2. sub littera L, M, N, O.  
 Facit denique glo. illa celeberrima, cap. 1. de cleric. non residen. lib. 6. quæ  
 ait; peccare quidem cum qui surgit ad matutinas preces principaliter  
 propter distributiones quotidianas: nō autem illū qui surgit principaliter,  
 vt Deo inseruiat; & minus principaliter & secundariò, vt eas lucretur.

40 Quinto inferitur ratio excusandi superiores præcipientes aliqua sub  
 pœna temporali, & subditos obedientes ob eam eis; qualia sunt citata per  
 Gratian. in cap. 1. 2. 3. & 4. 26. q. 6. & cap. irrefragabili. de offi. ord. & cap.  
 vt clericorum. de vit. & honest. cleric. cum multis alijs Pontificijs & Cæ-  
 sareis decretis, quibus superiores metu pœnarum cogunt subditos ad  
 agendum bona, & ad abstinendum à malis: videri enim possēt alicui,  
 hoc esse peccatum, eo quòd videatur incitare subditos ad peccandum;  
 nempe ad obediendum ob finem excusandi se à pœna temporali; quod  
 est quoddam bonum temporale, & tale bonum non potest esse finis actus  
 virtutis. & si subditi peccarent obediendo propter pœnam, peccarent  
 etiā superiores præcipiendo aliquid sub ea: quia facientes & consentien-  
 tes, & c. cap. notum. 2. quæst. 1. & cap. 1. de offic. deleg. Sed ratio excusan-  
 di à peccato tam superiores, quàm subditos est, quòd ipsi non statuunt  
 pœnas ea mente, vt subditi principaliter ob eas obedian: quia id esset vel  
 le vt peccent; & non sequenter ipsi peccarent, dicto cap. notum. 2. quæst. 1.  
 sed potius ea vt inferiores obedian principaliter ob virtutem, & minùs  
 principaliter ob pœnas; & ita non peccant: quia non iubēt quicquam, qđ  
 sine peccato nequeat impleri per inferiores si velint: & si ipsi obedian  
 eis principaliter, vl euitent pœnā; peccāt quidem quoad forum interius,  
 non culpa superiorum, sed sua propria: cum possint ea sanè implere so-  
 lius virtutis amore, aut saltem eius amore principaliter, & minus princi-  
 paliter pœnæ timore: amplectentes illud, *Oderunt peccare boni virtutis  
 amore.* & fugientes illud, *Oderunt peccare mali formidine pœna.* Itaque  
 quicunque principaliter præcipiunt vel obediunt ad pœnam, peccat  
 quoad fōrum interius; qui verò principaliter ob virtutem, & minùs princi-  
 paliter propter pœnam, rectè agunt; qui verò penitus ob solam virtutē  
 obediunt; meliùs agunt; & experientur illud falsum dictum glo. cap. 1. de  
 collus. deieg. *Deus non est remunerator verborum, sed aduerbiorum.* id est,  
 non remunerat bona facta, sed bene facta.




- 41 Sexto infertur ratio, qua excusantur legiflatores, & alij pij & eruditij, qui in Indijs & alibi solent inuitare fideles muneribus, & blanditijs ad fidem catholicam; & parentes filias ad religionem, ne innuptæ pereant; & heri siue domini qui promittunt præmia famulis consentientibus & communicantibus extra quadragesimam; & qui statuunt in ecclesijs distributiones quotidianas horis canonicis interessentibus: licet enim secundo videri possent peccare, eo quod incitant ad faciendum actus virtutum propter bona temporalia, & sic ad peccandum; excusantur tamen eo quod qui talia promittunt, & statuunt non ea mente id faciunt, vt ij quibus illa promittuntur, ob ea principaliter moueantur; sed vt per ea veluti per calcata, minus principaliter moti & impulsij, ea bona principaliter ob Deum, vel virtutem faciant, sicut glos. singularis, quæ penultima est, cap. 1. de cleric. non resid. lib. 6. probè sensit: nam qui contraria mente mouerent, vel mouerentur, peccarent.
- 42 Septimo infertur, quod omnia illa quæ probant licitum esse seruire Deo ob timorem malorū, vel amorem bonorū; quale est illud Matth. 10. *Eum timeate qui potest animam & corpus perdere in gehennam.* vbi timeate, significat, seruite cum timore, secundum Gratia. 23. quæst. 4. in summa, qualia item alia multa, quibus olim sub lege naturæ & Moysæ, & post eas sub lege gratiæ, Deus ipse multos ad iustitiam, vel ad augmentum eius traxit, & trahit amore bonorum temporalium, & timore malorum temporalium vel æternorum, iuxta illud Esaiæ. 1. *Bona terræ comedetis.* adiuncto cap. non omnis. 5. quæst. 5. cap. Nabuchodonosor. 13. quæst. 4. quod omnia inquam intelligenda sunt de amore, quo bona temporalia minus principaliter timentur: timor enim seruilis quo principaliter mala pœnæ timentur, quàm mala culpæ; & qui hominem ita afficit, vt nolit peccare propter pœnam, peccaturus, si ea non immineret, peccatum est, & mortiferum quidem, si tale est illud, à quo propter timorem abstinere nec eum charitas compatitur; sed seruilis ille quod timetur quidem malū pœnæ, sed minus principaliter & minus quàm malum culpæ, & quo ad Deum accedimus, bonus est, & donum Dei; vt colligitur ex S. Thom. 2. 2. quæst. 19. per totam, præsertim art. 4.
- 43 Octauo infertur, non obstatè prædictis, quod licet petere à deo temporalia, iuxta illud prouerb. 30. *Tribue victui meo necessaria.* & quod illud licet desiderare, quod licet & petere, S. Aug. lib. de orando Deum, ad Probam. Et quod iuxta doctrinam Dominicam Matth. 6. & Luc. 11. qua docuit nos petere panem nostrum quotidianum. Et quod petitio à Deo, actus est virtutis, & nō qualis qualis, sed religionis, quæ est moralium suprema, iuxta S. Thom. 2. 2. quæst. 81. arti. 6. & l. veluti. ff. de iustit. & iur. Infertur, inquam, hæc non obstatè: quia aliud est obiectum vel materia actus virtutis, siue finis operationis de quo agunt prædicta; quod concedimus esse frequentissimè bonum temporale: aliud finis operarij & principalis, de

lis, de quo loquuntur. Vnde qui petit à Deo victum vel temporalia bona non debet facere illa finem orationis suæ principalem, sed ipsum Deum, cui obsequitur orando vel volendo ad obsequendum ei, vel in gloriam eius. Quod vñam omnes animaduertamus, licet possit facere minus principalem, vt subtiliter declarat S. Bernard. form. 40. super Cant.

**S V M M A R I V M.**

- 44 *FINIS principalis actus virtutis nequeunt esse Laus, honor, fama & gloria.*
- 44 *Intellectus illius Pauli, Qui gloriatur, in domino gloriatur, &c.*
- 44 *Prædicanti ob gloriam humanam non queritur laureola doctoralis.*
- 44 *Bona honoraria esse bona fortuna; ineptaque vt sint finis principalis virtutis.*
- 45 *Possunt autem esse finis minus principalis.*
- 45 *Restitutio bonorum pecuniariorum excusatur, si fieri non potest; absque amissione honorariorum.*
- 45 *Bravia ad honorem incitantia licita.*
- 45 *Coronas honoris varias, pro variis gestis Roma instituit.*
- 45 *Laurea honoris literaria tres, baccalaureatus, licenciatus, & doctoratus.*
- 46 *Honoraria bona quæ probant esse inepta pro fine actus virtutis, intelligenda de fine principali, & quæ contrarium probant de minus principali.*
- 47 *Laus quid, & in quo ab honore differat.*
- 47 *Laus etiam sine sermone literis sacris & canonis.*
- 47 *Laus non solum virtuti, sed etiam alijs bonis debita.*
- 48 *Honor quid?*
- 48 *Fama quid? & aliter quàm à iuriconsulto definita.*
- 49 *Gloria quid?*
- 49 *Reuerentia quid?*
- 50 *Honoraria bona. s. reuerentia, laus, fama, honor, & gloria conueniunt. Primò quòd nunquam aliud pro aliò ponitur. Secundò quòd nullum eorum est virtus: & quòd bona externa fortune, excepta aliquando reuerentia: & quòd non sunt propter se amanda. Tertiò, quòd omnia illa sunt maiora quàm pecuniaria. Quartò quòd sunt minor quàm vita & alia corporalia bona. 51.*
- 51 *Bona honoraria præcedunt pecuniaria.*
- 51 *Intellectus Listi quidem. ff. quod met. cau.*
- 52 *Intellectus l. Codicillis. §. Matre. ff. de leg. 2.*
- 52 *Patrem magis tenetur diligere filius quàm filium.*
- 52 *Adulterij peccato cur maius homicidium.*

- 52 *Gloriam Romani gentiles cur vita praponebant.*  
 53 *Honore pro seruando moriendum vulgatum elogium, sed error, nisi.*  
 53 *Gloria pro seruanda non obijſſe Eleazarum, ſed pro virtute: quæ gloriam meretur.*  
 53 *Vitam honori & gloria, & virtutem virtuti præferendam.*

44  Ono inferitur, quòd quinque illa bonà honoraria, videlicet reuerentia, laus, honor, fama, & gloria humana, non poſſunt eſſe fines principales alicuius actus virtutis: & quòd quicumque ob ea principaliter facit aliquid, peccat: etiamſi illud, quod facit de ſe ſit maximè bonum.

Primò quidem per illud Matth. 6. *Attendite ne inſitiam veſtram faciatis coram hominibus, vt videamini ab eis: alioqui mercedem non habebitis apud patrem veſtrum, qui in cælis eſt.* & paulo poſt. *Quomodo poteſtis vos credere, qui gloriam ab inuicem accipitis?* per quod S. Aug. lib. 5. de Ciuit. Dei cap. 14. ait, amore ſi gloriæ humanæ fidei Chriſtianæ obuiare; ad perditionem eius diſponendo.

Secundò per illud Pauli. 2. ad Corint. 10. *Qui gloriatur in Domino gloriatur.* id eſt, qui appetit gloriam, non appetat humanam, ſed diuinam, quæ cognoscendo, & amando Deum, & ea quæ ab eo habet, accepta ferendo illi, in cuiusque gloriam referendo aſſequetur; vt in effectu ait S. Thom. ſuper eod. cap. 10. & colligitur ex eo quod ſubiungitur, *Non enim qui ſe ipſum commendat ille probatus eſt, ſed quem Deus commendat.*

Tertio per illud S. Aug. lib. 5. cap. 13. de Ciuit. Dei. *Sanius videt qui laudis amorem vitium eſſe cognoscit.*

Quartò, quòd per illud ait S. Bernar. in ſermonibus paruis fol. 18. laudem exteriorem hominum eſſe vanam, & interiorem conſcientiæ minime ſufficere: id eòque diuinam qua laudemur quærendam. Et per illud eiufdem S. Bernar. ſerm. 3. ſuper Cant. col. 3. *sunt qui ſcire volunt vt ſciantur: & turpis vanitas eſt.*

Quinto, quòd S. Thom. quolib. 3. art. 12. concludit, nō quæri laureolā in cælo doctorem, prædicanti bene ob gloriam, & Ariſt. Ethic. 1. ait nō eſſe magnanimo curandum vt laudetur. & quidam ſapiens ad quendam philodoxum dixit, *ſumma laus eſt non ambire laudem.* & Saluſt. de Cato- ne, *Quo minus quærebat gloriam, magis eum illa ſequebatur.*

Poſtremò per rationem qua fundat hæc omnia ille irrefragabilis ſyllogiſmus in ſecundo modo primæ figuræ, quem appellant Celarent, ſcilicet, Nullum temporale bonum fortunæ poteſt eſſe finis iuſtus principalis illius actus virtutis, vt ſupra num. 30. latè probatum eſt. At quodlibet horum quinque eſt bonum temporale fortunæ, vt ſuprà num. 5. probatum fuit. Ergo nullum illorum poteſt eſſe iuſtus finis principalis illius actus virtutis. Per quam eandem rationem ſyllogiſticam ſignificatur om-



nes prædictas authoritates, & alias eis similes intelligendas esse de illis, qui finem principalem suorum actuum aliquod horum quinque faciunt; aut de illis qui hæc ea parte qua sunt vana vel mala quaerunt: quod quando contingat infra dicitur. Per quam intelligētiā responderi potest eis, quatenus sequenti conclusionē contrarie videri possint: *bat. l. 1. c. 1.*

- 45<sup>a</sup> Decimo infertur, quod præfata quinque, scilicet reuerētia, laus, honor, fama, & gloria possunt esse fines minus principales actuum virtutum: & quod qui eos agit, ob ea minus principaliter respecta, non peccat. Quod probatur primo per illud Matth. 5. *Luceat lux vestra coram hominibus.* & illud, *Sint lucernæ ardentes in manibus vestris.* Luc. 12.

Secundo per illud Pauli 2. ad Corinth. 1. relatum in cap. inter verba. 11. quæst. 3. *Gloria nostra hæc est testimonium conscientie nostræ.* Et ne dicas eos agere de laude diuina, pondera, quod loquuntur de laude conscientie propriæ, quæ est creatura.

Tertio quod id efficaciter probatur, eo quod bona pecuniaria licite possunt peti à Deo, & appeti, & pro fine minus principali poni, ut supra nu. 41. probatum est. At bona honoraria qualia sunt illa quinque maiora sunt, quam pecuniaria, iuxta illud Proverb. 21. *melius est nomen bonum quam diuitia multa.* & illud Ecclesi. 41. *Curam habe de bono nomine; magis enim permanebit illud, quam mille thesauri magni pretiosi.* & illud Aristot. 4. Ethic. *Honor est maximum bonorum.* receptum à S. Thom. in multis locis, præsertim. 2. sec. quæst. 119. artic. 1. ad 2. cui consonat. in pecudum 5. fin. ff. de viur. & glō. penult. cap. suam. de pen. & glō. extra. ad condonitorem. Io. xxij. ver. Honor. de verb. signi. quod adeo quidem est verum, ut excusetur quis à restituendo bona pecuniaria, quandiu nequit ea restituere saluis honorariis, ut probat Caietom. 1. opusculo. opuscu. 14. quem nos sequimur in Manuali, cap. 16. num. 44. Cum igitur omnium consensu, liceat desiderare bona pecuniaria, & pro fine minus principali ponere, à fortiori licebit desiderare, & pro tali fine ponere honoraria, argu. cap. cum in cunctis. de elect. & authen. inulto magis. C. de sacros. eccle.

Quarto, quod brauijs & coronis propolitis olim sapientes procurarunt incitare homines ad honorem & gloriam quaerendam. Athenienses cum oliuarum corona Periclem illustrassent, polliciti fuerunt eundem honorem eis, qui similes illi euaderent, auctore Valerio Max. lib. 2. cap. Areopagi. & Plinius testatur Populum Roma. cuius legibus totus ferme Christianus orbis vititur, varias coronas pro varijs gestis instituisse: nempe, civicis, vallares, murales, rostrales, &c. quin & Christiani passim, etiam Pont. Max. auctore, varias in varijs regnis instituerunt academias, & honores Mineruales; ut laureas primas, quas baccalaureatus; & secundas, quas licentiatas; & tertias, quas doctoratus vocant, ut ad studiositatem & litterarum studia, magis, ac magis accedantur scholastici, quod vique non permittere.

mitteretur; nisi licet illa possent esse fines minus principales actuum virtutis studiositatis, & aliarum.

46 Undecimo inferitur, quod ut omnia quæ allegati possunt ad probandum nil horum quinque debere appeti, nec ob aliquod horum fieri; sunt intelligenda de illis, quando pro fine principali ponuntur; vel quædo sunt vana, vel mala, ut diximus in fine corollarij 8. ita omnia quæ adduci possunt ad probandum quod illa possunt appeti, & ob ea fieri aliquid, sunt intelligenda de illis, quando non sunt vana, neque mala, & pro fine minus principali ponuntur. Per quam resolutionem, quam plurima sub-oblucra clarescunt.

47 Duodecimo inferitur, dicendum esse, quid sunt & in quibus differant quinque præfata bona, scilicet reuerentia, laus, honor, fama, & gloria. Et laus quidem definitur esse sermo elucidans magnitudinem virtutis. secundum Arist. 1. & 2. Rhetor. cui definitioni, licet ab omnibus probeatur, addenda est particula; quatenus est ad aliquem finem ordinata: quia ut S. Thom. asserit in 2. 2. quæst. 103. art. 1 ad 3. & D. Anton. 3. par. tit. 5. capit. 10. §. 1. sub finem, laus ab honore differt; eo quod hic est testimonium absolute alicuius excellentiæ; verbis, vel alio signo exteriori exhibitum: illa verò testimonium relatiuum alicuius excellentiæ; referens eam in alium finem verbis tantum exhibitum. Vnde Aristor. 1. Ethic. dixit, optimorum non esse laudem, sed aliquid maius ea: quia optimum non refertur in aliud. Per quod ubi supra dixit S. Thom. Deo secundum illam eius ineffabilem essentiam, non conuenire laudem, sed summam patriæ reuerentiam, & honorem: quia est maior omni laude, Eccles. 43. secundum vero effectus eius, qui in vilitatem nostram ordinantur, sic, iuxta illud Elai. 63. *Miserationum Domini recordabor, laudem Domini super omnibus quæ reddidit nobis Dominus.* & clemen. si dominum in sanctis eius laudare iubemur: de reliq. & veneratio, sanctorum. quæ de differentia pulchrè dixit quidam

*Est honor in portu, cum puppis ab aquore venit.*

*Laudibus inceptum contineatur opus.*

Addendum item secundo, quod sacre litteræ, sacrique canones per verbum laus, non solum intelligunt illam exteriorem, quæ verbis fit, cui soli definitio præfata conuenit, sed etiam & magis interiorem, qua Deum Angeli laudant, iuxta illud, *Laudate Deum omnes Angeli eius.* Psal. 148. quæ creditur Zacharias mutus laudasse, Luc. 2. & multi audientes Apostolum ad Colos. 3. & cap. 1. 92. distin. cantant & psallunt in cordibus suis Domino.

Addendum tertio, quod per illud verbum, virtutis, in definitione positum, intelligendum est omne bonum etiam si non sit morale: quia sunt ingenium, iudicium, memoria, eruditio, ars, vires, agilitas, & alia multa, quæ iure laudantur.

48. Honor autem definitur, vt prædictum est, exhibitio reuerentiæ in testimonium alicuius excellentiæ. cui per proximè dicta videntur addenda illa verba, sine eius in alium finem relatione.

Fama vero definitur à Calistr. in Leognitionis. §. existimatio. ff. de varijs, & extraor. cog. esse dignitatis illius status, legibus ac moribus cōprobatius. cui licet etiam nemo aduertat addendum est, illam quidem aptā esse propositio Calistrati, non tamen nostro. Tum quia secundum illam, non esset fama, nisi de virtute: cum tamen in nostro proposito, sit de ingenio, & alijs; de quibus diximus esse etiam laudem. vnde Genesios 6. Gigantes appellantur viri potentes & famosi: Tum quia iuxta illam definitionem, nullus infamis haberet famam; cum tamen multi, qui vno respectu sunt infames, altero habeant famam ingentem, vt Alexander Magnus, Julius Cæsar, & alij multi. Quare fama ad propositum nostrum definiri potest, esse attestatio popularis de re aliqua, argum. cap. non sunt audiendi. 1. 1. quæst. 3. & cap. qualiter & quando. in 2. de accusatio. cum gloss. & citatis ab eod.

49. Gloria verò est clara cum laude notitia, secundum S. Ambr. in cap. 1. ad Roma. quem sequitur S. Thom. 1. 2. quæst. 2. art. 2. & melius 2. 2. quæst. 193. art. 1. ad 3. & melius 2. 2. quæst. 13. 2. art. 4. & lib. 3. contra Gentiles. cui etiam addendum, quod verbum laude, in ea positum nō debet strictè intelligi, ac supra definitum est fieri enim potest, vt alicui contingat gloria sine laude verbi, per honorem facti, vt satis contigit Mardocheo Hester.

Reuerentia definitur à Thoma Vvahlensi, in lib. de sacramentalibus, cap. 1. 18. art. 6. animi reputatio, qua quis bonitatem alterius magnificat. ubi pulchre ait hæc quattuor, reuereri, honorare, laudare, & glorificare, ita sese habere, vt posterius priori aliquid adijciat. Reuereri enim est animo magnificare. Honorare verò, id aliquo signo exteriori significare. Laudare verò, id verbis facere. Glorificare autem, longè lateque id expandere.

50. Decimotertio infertur etiam dicendum, in quibus quinque supradicta conueniant, & quidem primo conueniunt, quod licet strictè sumpta, ita vt dictum est, differant; conueniunt tamen in eo, quod frequenter assumentur latius, aliud pro alio: nam gloria nonnumquam comprehendit omne testimonium approbatorium, & vnius, iuxta illud Pauli 2. ad Corinth. 1. Gloria nostra hæc est, testimonium conscientiarum nostrarum: relatum in dicto cap. inter verba. 1. 1. quæst. 3. ad idem Hierem. 9. & cap. gloria episcopii 2. quæst. 2. cap. sacerdos. sub fin. 1. quæst. 3. & trad. S. Thom. 2. 2. quæst. 13. 2. art. 1. Honor item comprehendit laudem, vt docet S. Thom. 2. 2. quæst. 103. art. 1. ad 3. Laus item honorem, vt in definitione supradicta, & declarat S. Tho. in 4. dist. 15. art. 3. quæst. 2. declarat quoddam D. Ambrosij dictum. Secundo conueniunt, quod nihil eorum est virtus nec moralis nec intellectu



intellectualis: quia vt post S. Thom. 1. 2. quæst. 71. artic. 1. in præludio 4. num. 11. Manualis Confessar. declaramus. Virtus est habitus & qualitas mentis habentis eam. & nullum horum est talis: quodlibet enim eorum est extra mentem eius cuius est; vt palam patet, & probat Boetius lib. secundum de consolatione, & S. Thom. 1. 2. quæst. 2. art. 3. & ita sunt bona æterna, & fortunæ, excepta sola reuerentia, qua quis considerans suam paritatem, humilitatem, & vtilitatem, insufficienciam, & in omne peccatum propensionem, reueretur se ipsum quatenus est à Deo multis donis naturalibus, & gratuitis donatus; subiiciens omnia sua, quatenus sunt sua, omnibus, quæ à Deo habet, quatenus sunt eius.

Ex quo inferitur, quod non sunt propter se tantum amabilia, vt supra dictum est num. 9. nec consequenter possunt esse fines iusti principales aliquorum bonorum actuum per prædicta num. 3. & luntque inferiora bona virtutibus omnibus, quas in dicto num. 5. diximus esse amabiles etiam propter se tantum.

51 Tertiò conueniunt in eo, quod omnia illa sunt maiora bona quam pecuniaria, vt infra probabitur.

Quarto cōueniunt in eo, quod sunt minora vita, salute, & alijs bonis corporalibus; horum. n. dñs solus Deus est, Deute. 3. 2. *Ego occidā, & ego viuere faciā.* & Sap. 1. 6. *Tu es Domine qui vita ac mortis potestatem habes.* & quam uis eius diuina Maiestas huius dominij partem communem fecerit Reipub. cap. ille gladius. 2. 3. quæst. 4. non tamen particularibus cap. si non licet. 2. 3. quæst. 5. qui tamen sunt domini præfatarum quinque rerum, vt late monstramus in 6. concl. dictæ repēt. cap. inter verba.

Nec obstat, l. isti quidem. ff. de eo quod met. caus. ibi, *Viris bonis stupri metus maior quam mortis esse debet.* per quam quidam aiunt infamiam esse morte peiores; quod tamen illa non probat: sed aliud longe diuersum, scilicet mortem præponendam stupro, quod Odoffredus Ieniens, ait, ibi probari animam esse antepōndendam vitæ corporali: cui consentit ibi Alb. aiens per eam probari moriendum esse potius, quam peccare mortaliter.

52 Nec etiam obstat l. codicillis. §. matre. ff. de legat. 2. per quam aliqui dicunt probari, peius esse marito, vxoris adulterium, quam mors: quia responderi potest primò, quod illa eius verba, *Filium nostrum occidit, & alia peiora fecit.* quæ in hoc inducuntur, verificari possunt, vt ibi annotat Iacob. de Aren. in occisione patris. Peior enim videri debet vito bono patris occiso, quam filij: quoniam & si multa inclināt quem ad magis amandū filium quam patrem, plus tamen tenetur amare patrem, qui fuit principium causæ, & fons eius, quam; filium cuius ipse causa est; vt recte probat S. Thom. 1. 2. quæst. 26. art. 5.

Secundò responderi potest, quod præfatus §. matre. non loquitur de morte propria, sed de morte filij: & ita vt maximum solum probaret, marito peius esse adulterium vxoris, quam mortem filij, quod nil contra dicta

dicta concludit. Quanquàm nolumus negare, maius peccatum esse occidere filium alicuius, quàm cum vxore eius adulterari: quoniam hoc est contra 3. præceptum 2. tabulæ Decalogi: illud verò contra 2. et per hoc perimitur vita iam habita; per illud autem impeditur habenda, vt S. Thom. declarat, 2. 2. quest. 122. art. 3.

Tertiò nouè sed verè ad illas ambas leges responderi potest Paulum, & Sequolam eorum auctores fuisse Romanos gentiles, quos pro summo bono gloriam, & famam duxisse D. Aug. testatur lib. 5. de Ciuit. Dei cap. 12. his verbis, *Romani gloriam ardentissimè dilexerunt, propter eam vivere voluerunt, pro ea mori non dubitarunt.* ob quod Tullium grauissimè reprehendit; & ita eorum hac in re sententia, tanquam Christianæ legi contraria repellenda est cap. contraria. de consecr. dist. 5.

- 53 Tertia non obstat illud vulgatum elogium, *Pro honore moriendum.* quia id est vulgatum erratum, si vt sonat intelligatur: nam etiam Ethnicus Aristo. 3. Ethic. dixit, non esse veram, sed falsam fortitudinem eam, qua quis pro pudore, vel honore moritur: & ita vt aliqua ex parte verum sit verba illa pro honore accipienda sunt, pro eo quod honorè meretur, nèpe pro virtute, siue theologia; putà fide, spe, vel charitate; siue morali, puta iustitia, & veritate, fortitudine, & constantia, temperantia, & castitate; & alijs.

Quarto non obstat illud quod de Eleazaro, 2. Machab. dicitur, quòd gloriosissimam mortem magis quàm odibilem vitam complectens voluntariè præbat ad supplicium. Non enim ille pro gloria humana mortem sustinuit; sed pro lege diuina obseruanda: & ita pro virtute religionis, quæ gloriam merebatur. Quare magnopere persuadere sibi omnes debent, nobiles præsertim, & milites, qui magis in hac re peccant; ne tanti faciant laudem, honorem, famam & gloriam, vt pro eis, vel pro vitanda ignominia vitam corpoream, vel spiritualem prodigant: uitam autem animæ, virtutisque ipsius tam morales, quàm theologas tantum estimant, vt eo sint semper animo, quòd malint vitam, membrisque corporeis destitui dilacerarique quàm eas deferere: sintque parati ad fortissimè pugnandum, repugnandumque vsque ad mortem, pro fide Regi, Reipublicq; præstita, seruanda pro legum diuinarum, & humanarum obseruantia; per quam summus honor acquiritur in hac vita caduca, & gloria sempiterna in illa stabili patria. Amen.

## S Y M M A R I V M.

- 54 HONORARIORVM bonorum, quæ sunt quinque, appetitus vel contemptus suapte natura, neque bonus, neque malus.  
 54 Bona quæ quis facit nosse & velle ab alijs probari licet.  
 55 Honorariorum bonorum appetitus vel contemptus sit bonus ex bono fine,

- qui triplex ponitur à S. Tho. cui adduntur alij tres. & 56:  
 56 Honor exhibetur & recipitur iuste cum debetur, & sponte datur;  
 57 Bonorum honorariorum, quæ quinque sunt, appetitus & contemptus sit malus ex fine malo, qui contingit tripliciter.  
 58 Honorariorum bonorum appetitus, non referens ea in aliud est malus.  
 58 Actus omnis sine bono apto carens, malus, etiam si malo quoque careat.  
 58 Otiosum omne deliberatum, quale est quod sine caret, malum, & ideo nullus actus in indiuiduo indifferens.  
 59 Honorariorum bonorum appetitus inordinatus ut plurimum veniale peccatum, sed quinque casibus mortale. Quod ipsum dicendum de contemptu eorum. num. 60. et etiam de appetitu & contemptu ceterorum bonorum vtilium, et de complacentia, & displicentia, de obtentu omnium tam honorariorum, quam aliorum vtilium. num. 61.



- 54 Vinto conueniunt in eo, quòd appetitus vel contemptus horum quinque suapte natura, neque est bonus, neque vitiosus. Tum quia non est peccatum, ut ait S. Thom. quolib. 10. art. 13. & 2. 2. quæstio. 13 2. art. 1. quòd aliquis bonum suum cognoscat & probeat: dicitur enim 1. ad Corinthios 2. Nos autem non spiritum huius mundi accepimus; sed spiritum, qui ex Deo est; ut sciamus quæ à Deo donata sunt nobis. Similiter etiam non est peccatum, quòd aliquis velit bona opera sua ab alijs approbari: dicitur enim Matth. 5. Luceat lux vestra coram hominibus. Persius item aiebat.  
 Non ego cum scribo, si forte quid aptius exir.

Laudari metum; nec enim mihi cornea fibra est.

Tum quia bonitas vel malitia naturalis actus ex obiecto, siue ex proportionem obiecti ad actum sumitur, ut probat S. Thom. 1. 2. quæst. 18. art. 1. maxime ad 1. At obiectum eiusmodi appetitus, siue proportio obiecti ad illum, nil mali, nec contrarium rationi de se continet. Vnde S. Tho. quolib. 1. 2. art. 13. concludit neque appetitum, neque contemptum fame esse de se bonum, vel malum: idemque concludit de appetitu gloriæ in dicta q. 13 2. art. 1.

- 55 Decimoquarto inferitur ex proxime dictis, quòd præfatorum quinque bonorum appetitus assumit rationem boni ex fine bono & apto. Ille autem, ut S. Thom. ait ubi supra est triplex, primus cum appetuntur ad gloriam Dei. Secundus cum appetuntur ad vtilitatem spiritualem proximi, ut bono exemplo proficiat. Tertius cum appetuntur ad vtilitatem propriæ animæ, ut in bonis quæ in se cognoscit ex testimonio laudis alienæ studeat perseverare ac crescere: nam si vtilitas animæ proximi pro fine desiderij laudis posita efficit illud bonum, à fortiori vtilitas animæ propriæ: cum magis quis teneatur diligere se, quam proximum, cap. si non licet. 23. q. 1. præf. C. de seruit.

Quibus.



Quibus addo quartum finem quotidianum, cum appetuntur ob utilitatem exteriorem propriam vel aliorum, quod passim inuenias in eis, qui cupiunt laudari, honorari, & glorificari de bonis suis, genere, habitudine, conditione, & id genus alijs, tamquam medium adipiscendi coniuges, vel alia munera, & officia sibi conuenientia. in eis item qui cupiunt laudari de dulci cantu, sana doctrina, & dexteritate legendi, scribendi, prelegendi, patrocinandis, & gubernandis arte, ut stipendia mereantur condigna. In eis item, qui prefata cupiunt ut filijs, cognatis, famulis, & alijs necessarijs suis aliqua bona utilia eorum contemplatione eueniant; qui non videntur peccare, sed bene agere. Quod tamen intelligendum est, cum utilitas prefata temporalis actu, vel virtute refertur in Dei amorem, vel obsequium, aut in vitam honestam suam; vel aliorum bonorum maiorum bonam temporalia minora, per supradicta, nu. 30. & ea quæ scribit S. Tho. in 2. lib. sent. dist. 3. art. 1. sub finem. & art. 2. in 3. arg.

Addo & quintum finem, quando appetuntur eo quod sunt debita, ut eruditè dixit Caiet. 2. 2. quæst. 13. 1. art. 1. quod procedit etiam si non referantur in alium finem: nam sicut licet dare & accipere pecuniam debitam, eo quod sit debita, quod est iustitiæ virtutis actus; ita etiam licebit dare & accipere laudem & honorem debitum: cum pari ratione id sit actus iustitiæ, iuxta illud Roma. 13. *Reddite omnibus debita; cui tributum tributum; cui timorem, timorem; cui honorem, honorem.*

Addo sextum finem; cum ea desiderantur, vel recipiuntur non tamquam debita, sed tamquam dona gratiosè oblata per alium ex amicitia, charitate, magnanimitate, vel humilitate: ut cum quis minor altero, recipit ab eo honorem debito maiorem, quod passim fit; & probatur esse bonum à S. Tho. post Senec. 2. 2. q. 106. art. 1.

- 56 Decimoquinto inferitur, quod appetitus, & contemptus horum vitia-  
tur, redditurque malus. Primo quidem, ex fine malo: quia, ut predictum  
est num. 30. sine vlla exceptione vera est illa regula topica. *Cuius finis ma-  
lus est, ipsum quoque malum est.* Secundo, cum illa sunt vana: sunt au-  
tem vana ex mente S. Thom. 2. 2. q. 13. 1. art. 1. & quæst. 13. 2. art. 1. & de  
malo. quæst. 9. & Abulensis super Matthæ. cap. 6. quæst. 3. ubi etiam Maior.  
S. Anton. 2. part. tit. 3. cap. 5. §. 1. & Caiet. in prædictis duobus articulis. Pri-  
mum ex parte materiæ ex qua illa desiderantur, eo quod est illis indigna;  
puta, quia est nulla; eo quod verè non est illa excellentia, ex qua desideran-  
tur, vel est mala, malitia culpa, iuxta illud, *Quid gloriaris in malitia, qui  
potens es in iniquitate?* Psal. 51. qui gloriantur cum malè fecerint. cap.  
quàm graue, de excess. prælat. aut ita vilis, quæ nil horum, aut non tantum,  
quantum ex ea desideratur merentur. Deinde ex parte eius à quo quæ-  
runtur; puta cum desiderantur ab homine, pro certiori & maiori testimo-  
nio, quàm ipse de illa dare possit. Postremò ex parte eius qui ea deside-  
rat; puta, quia ea in debitum finem nec actu nec virtute referat: quàmuis

enim Abulensis vbi supra addat quartum modum, & S. Thom. alibi pos-  
sit videri addere alium; omnes tamen reducuntur ad prædictos tres, vt  
monstrauimus in præfata repet. cap. inter verba conc. 5.

- 57 Decimosexto ex his inferitur, omnem appetitum horum quinque adeo  
absolutum, vt neque actu seu actualiter, neque virtute, seu virtualiter ea in  
alium debitum finem referat, esse malum, saltem veniale. Tum quia nil  
horum est propter se tantum amabile; neque consequenter potest esse fi-  
nis & medius, vt prædictum est nume. 5. Tum quia omnis actus huma-  
nus hoc est deliberatus carens fine bono, malus est; etiam si fine malo ca-  
reat; eo quod est actus ociosus, & omnis actus ociosus etiam verbalis tan-  
tum est malus iuxta illud Matthæi 12. *De omni verbo otioso, quod loquu-  
ti fuerint homines, reddent rationem.* Et eo quod ea quæ homo agit, vt  
homo id est deliberate, debet agere propter aliquem finem aptum: alio-  
qui vanè agit; & omnis vanitas est peccatum, iuxta illud Psal. 4. *Vt quid  
diligitis vanitatem?* & illud Psalm. 118. *Auerte oculos meos, ne videant*

58 *vanitatem.* Tum quia appetitus pecuniæ absolutus in nullum finem rela-  
tus, est malus, & inordinatus, vt colligitur ex S. Thom. 2. 2. quæst. 118. art.  
1. & 2. At eadem ratio est de his quinque quoad hoc, per prædicta. Tum  
quia ea ratione vterque Thom. 1. 2. quæst. 18. art. 8. concludit nullum actum  
deliberatum in indiuiduo esse indifferentem, sed bonum, vel malum; quia si  
caret fine bono, licet careat etiam malo, est malus: nam debet ob aliquem  
finem fieri: alioqui est otiosus, & consequenter malus. Tum quia gloria  
in nullum alium finem ordinata dicitur inanis & vana; & appetitus gloriæ  
vanæ peccatum est, vt probat S. Thom. in prædicta quæst. 132. articu. 1. &  
eadem ratio militat in alijs quattuor, per prædicta.

- 59 Decimoséptimo inferitur, quod appetitus & desiderium horum quin-  
que licet etiam quando est malus, vt plurimum veniale tantum sit peccatum;  
mortale tamen est in quinque casibus. Primo cum appetitur de malo  
culpæ mortali, vt exprimit Caiet. 2. 2. quæst. 131. art. 2. addit. 1. licet id ibi  
non exprimat Aquinas. & ante Caietanum expressit S. Anton. 2. part. tit.  
4. cap. 1. §. 1. per illud Psal. 51. *Quid gloriaris in malitia?* quod licet primo  
aspectu non concludat, cum gloria querens de malitia veniali, non pec-  
cet mortaliter; satis tamen concludit consideranti, quod mens Propheta  
fuerit dicere eiusmodi esse malitiæ; gloriari de aliqua malitia; cuiusmo-  
di est illa; & gloriari de malitia veniali, esse veniale; & gloriari de mortali,  
mortale, facit cap. quàm sit graue crimen in clericis, cum malefecerint glo-  
riari de excessu prælati. Secundo, cum appetuntur in mortalem irreueren-  
tiam Dei, vt Cyrus, de quo Ezechiel 20. *Elevatum est cor eius, & dixit  
Deus. Ego sum.* Tertio, cum aliquod horum plus quàm Deus amatur iux-  
ta illud Ioan. 12. *Dilixerunt magis gloriam hominum quàm gloriam Dei.*  
Quarto, cum in aliquo eorum ponitur vltimus finis, vt multos olim Ro-  
manos posuisse supra ex August. probauimus. Quando autem in aliqua

re creata constituitur ultimus finis, supra num. 27. prædiximus: addentes raros esse Christianos qui id faciant. Quinto cum aliquid horum præponitur obseruantia legis ad mortale obligantis, quod plus satis visitari constat ex eo quod passim videas vitos, & etiam mulieres eo animo, vt malint peierare, vindictam de lædente, vel iniurio sumere, simoniam saltem clam admittere, subditos opprimere, violare iustitiam, laudare peccatores, præsertim Principes in desiderijs animarum suarum; quàm gloriam, honorem, famam, dignitatem, vel principem locum perdere. Hos quinque casus, in quibus appetitum horum quinque diximus esse mortiferum in dicta reper. cap. inter verba. conc. 5. ad duos contraximus: nunc autem videntur contrahendi ad tres. Primus cum appetuntur ex malo mortifero. Secundus, cum in eo finis ultimus constituitur, vel ob id frangitur lex ad mortale obligans. Tertius cum ad mortale aliquod malum referuntur.

- 60 Decimo octauo, quod eadem quæ dicta sunt de appetitu horum quinque, dicenda sunt de illorum contemptu; nempe quod ille de se neque bonus, neque malus est; quodque bonus fieri potest præsstituto ei vno ex sex finibus, quibus appetitum eorum diximus rectum fieri; quodque est malus si nullo fine bono circundetur: etiam si nullo fine malo denigretur: quodque potest fieri malum ex parte materiae; vt sit, cum quis laudetur ex virtute, & gratia Dei prouenientem contemnit. Et ex parte modi, vt cum quis minoris quàm par est, testimonium diuinum vel humanum de suis bonis habeat. Et ex parte contemnens; vt cum quis ea in aliquem malum & inordinatum finem contemnit: quodque aliquando potest esse malus mortiferus; vt est cum quis laudem de gratia Dei manantem despicit, aut in illo contemptu, finem ultimum, vt quidam philosophi fecerunt constituit, seu ob eam aliquam legem, sub mortali pœna obligantem infringere statuit: aut tertio, cum in mortiferum finem eum refert.
- 61 Decimo nono, quod idem est dicendum de auro, & argento & alijs bonis pecunia æstimabilibus; & de eorum appetitu & contemptu, quod diximus de prædictis quinque bonis honorabilibus; videlicet, quod desiderium, vel contemptus eorum de se in genere, neque malus est, neque bonus: quodque fieri potest bonus per vnum ex sex finibus prædictis: quodque si nullo illorum circundetur, erit malus, licet nullo malo circundetur; quodque erit malus, & mortiferus tribus casibus præfatis.

Vigesimo quod eadem quæ diximus de appetitu & contemptu, eadem ratione dicenda sunt de amore & actu ea querendi & refutandi, & de queritorum complacentia, & displicentia. Quibus est consequens, quantum cura esse oporteat, vt cum hæc vel illa desideramus, amamus, querimus, odimus, aut refutamus, & in eis queritis complacemur; ipsum Deum, beatitudinem, vel honestam, siue virtuosam vitam pro fine præstituamus: simul doleamus, quod toties eiusmodi actus, ob finis debiti defectum



fectum vanè conceperimus, & egerimus. Consequitur item alio delectu quàm hæcenus à me audito, debere vti concionatores, in carpèdo præfatorum appetitu, & laudando eorundem contemptu: ne scilicet, omnem horum quinque appetitum absolute vituperent, neque eorum contemptum laudent.

## S V M M A R I V M.

- 62 HONORARIA bona, quæ sunt quinque, tum demum pro fine minus principali rectè poni; cum referuntur in alium aptum: aliàs, non est pulchra declaratione.
- 63 Laudis, gloria, vel honoris de excellentia, qua quis caret, appetitus non est mortalis contra Abulen.
- 63 Iustitiæ non contrahit, volens quod suum non est, si non est alienum.
- 64 Laudem vel gloriam ob humanam facere principaliter quod institutum est principaliter ad gloriam Dei, non est mortale, contra Ang.
- 64 Doctoratum in Theologia sine mortali potest assumi principaliter ad gloriam humanam ab idoneo.
- 64 Gloriam ob humanam facere aliquid, tanquam ob pretium vel aliàs differunt.
- 65 Intellectus dicti quotidiani Gregorij de laudis requisitione.
- 66 Laudis, & gloria bene & malè appetita quinque exempla quotidiana.
- 67 Actus ex se bonus, ne fiat malus, ob prestitutionem honoris & aliorum bonorum vtilium pro fine exigi.

62



Igesimoprimo inferitur, id quod hæcenus nūquam fuimus aut si asserere: nempe non licere appetere, neque pro fine etiam minus principali ponere ista quinque; nisi referendo illa actu, vel virtute in alium finem bonum, & aptum; neque eadem, immo maiori ratione, alia bona pecuniaria. Hoc ipsum esse dicendum de contemptu eorundem, ac consequenter non solum esse peccatum saltem veniale, inferuire Deo, Papæ, Regi, vel alijs prælati & magnatibus, principaliter propter bona pecuniaria, vel honoraria; sed etiam inferuire principaliter propter Deum ipsum, vel beatitudinem, vel alium debitum finem; & minus principaliter propter bona honoraria vel pecuniaria; nisi ea rursus actu, vel virtute in aliquem finem bonum, & aptum reflectantur. Non oportet autem, mea sententia, vt finis in quem hæc reflectuntur sit adeo altus, ac est is quem requirit actus principalis, qui propter altiore finem sit. Exemplum de illo qui amat vel colit Deum principaliter propter ipsum, & minus principaliter vt cōcedat ei victum, vel aliquid aliud temporale oporatum, ad iustè, honestè vel temperatè viuendum; is enim bene facit, licet illum victum, siue bonum, minus principaliter intentum, non referat

referat in ipsum Deum, qui est finis actus principalis amandi eum infinitè maior, quàm vita honesta, studiosa, iusta, vel temperata, in quam refert illum victum, vel bonum optatum minus principaliter intentum.

- 63 Vigesimo secundo, quòd non est vera illa dura opinio Abulensis super Matth. cap. 6. quæst. 3. quòd omnis appetitus laudis, honoris, aut gloriæ humane de re falsa; puta de excellentia, quæ non habetur, est peccatum mortale. Tum quia S. Thom. 2. 2. quæst. 131. arti. 2. quem ipse pro se citat, non ait illud de omni appetitu vanæ gloriæ de omni re falsa, sed de falsa in irreuerentiam Dei redundante: Tum quia non obstat eius ratio, scilicet quòd omnis iniustitia est peccatum mortale, vt ait S. Thom. receptus 2. 2. quæst. 58. art. 4. & quòd contra iustitiam est, appetere id quod suum non est: quoniam illud procedit quando appetitur id, quod non solum non est suum, sed est alienum: nemo enim dicit esse peccatum mortale appetere diuitias, quæ non sunt suæ, modò nō sint alienæ, nec velit eas cum præiudicio alterius. Et ita non erit mortale, appetere laudem & gloriam ob aliquam excellentiam, quam quis non habeat, modò illa sine vilo rei publicæ, vel priuatæ, præiudicio appetantur; vt si quis laudari cupiat, de castitate, fortitudine, viribus, & ingenio quod non habet, ita tamē vt nulli ex eo præiudicium eueniat.

- 64 Vigesimo tertio infertur, quòd non videtur etiam vera illa opinio Angan summa, verb. vanagloria, quæ habet esse peccatum mortale prædicare, missare, sacramenta ministrare, & alia eiusmodi quæ principaliter in gloriam Dei sunt instituta facere principaliter in gloriam & laudem propriam. Tum quia is casus non est de quinque superius expressis, in quibus solis authores docent appeti gloriam esse mortale. Tum quia nulla efficaci ratione probatur. Tum quia Sylu. in eodem verb. vanagloria; dixit quòd eam opinionem consequeretur, dici posse, vā vā, toti statui ecclesiastico. Et ita non solum Syluest. sed etiam is qui adiecit postillas ipsi Angelo contrarium tenent.

Pro Angelo tamen facit primò illud S. August. lib. 1. de doct. Christiana. *Diuina scriptura principaliter ordinatur ad honorem Dei, in quo Deus commenditur, si principaliter ad alterius honorem ordinetur.* Secundo pro eo quod D. Ant. 2. par. tit. 3. c. 6. §. 4. determinat, quòd assumptis gradum magisterij, aut doctoratus ad gloriam suam principaliter peccat mortaliter. Tertio; quòd videtur simonia, facere eiusmodi opera spiritalia, ob aliqua horum quinque principaliter, vt asserere videtur Adrianus, quolib. 2. à littera H. vsque ad S.

Ad horum tamen primum respondet postilla prædicta, quòd verbum principaliter, quo vtitur S. Augustinus, soluit quæstionem, intelligendo; per illud, ponere vltimum finem in gloria; quæ tamen responsio displicet. Tum quia intentio S. Augustini est, ponere differentiam inter sacram scripturam, & alias res, quæ secundum hanc expositionem non inueniuntur quoniam.

quoniam etiam vtendo alijs ab scriptura sacra in gloriam humanam, ponendo finem vltimum in illis, esset peccatum mortale, vt prædictum est num. 21. & seq. Quare respondendum est quod D. August. per ly contemnitur, non intelligit contemptum expressum, nec talem tacitum, qui ad cōstituendum peccatum mortale sufficiat; sed ad veniale tantum; longè tamen grauius quàm id quod resuleret ex eo quod alijs vteretur ad eundem gloriæ finem. Ad secundum respondeo, negando illud dictum D. Anton. procedere in eo, qui est dignus illo gradu quod antea Sylu. verb. Doctor. quæst. 4. negauit. Ad tertium respondeo illud esse verum de illo qui exercet spiritalia, pro gloria, tanquam pro pretio illorum: nos autē loquimur de illo qui exercet illa ad gloriam, vt eam assequatur; sed non tanquam pretium eorum: vt quando fiunt ad preces & gratias, quæ non sonent pretium; quàmuis plurimum certè cauendum existimo ab huiusmodi peccato, quod saltem valde graue veniale esse negari nequit.

- 65 Vigesimoquarto inferitur, emolliendum esse illud D. Gregorij, satis durum & terribile in homilia super parabolam de decem virginibus, Matt. 25. scilicet, *Cauendum ne per hoc quod rectum geritur, fauor, aut gratia humana queratur, & appetitus laudis surrepat, eoq; à mercede vacuetur.* id enim crudè acceptum, cogeret omnia ferè humana bona opera damnare: quotus enim quisque est, cui, vt Cicero sentit, res præclaras agenti aliquis laudis appetitus non surrepat? Intelligamus ergo illud esse verum iuxta prædicta de requisitione, siue appetitu inordinato, quo principaliter requiritur laus de bono quod geritur; & etiã de illo quo minus principaliter illa queritur propter se solam; vel non referendo eam in aliquè finem; vel non in debitum; vel referendo in malum: non autem de requisitione ordinata, qua minus principaliter queritur laus, propter aliquem debitum finem, in quem actū vel virtute refert eam expetens.
- 66 Vigesimoquinto ex proxima illatione inferuntur quinque. Primum quod orans vel aliud bonum agens ob laudem, vel fauorem humanum quo assequatur aliquod beneficium ecclesiasticum, vel aliud munus quo est indignus, meritum perdit, & peccat, siue principaliter, siue minus principaliter, ob ea id faciat: quia requirit laudem ob finem in se malum. Secundum, quod qui orat, vel aliud bonum facit principaliter ob ipsam solam laudem etiã non ordinatā in malum finē, meritum perdit & peccat. Tertiū, q̄ qui colit vel amat Deū principaliter, vt sit ei calcar, quod fiat tēperans, vel abstinens, meritū perdit & peccat: quia finē principale actus maioris virtutis, scilicet charitatis & religionis facit minore virtutem, scilicet temperantiā vel abstinentiā. Quartū, q̄ qui ieiunat, & abstinet, vel sobrius est, vt assequatur laudem & gratiam humanam, quo ab illis appellatur ad amandum & honorandum Deum, qui sunt actus charitatis, & religionis virtutum longè maiorum, quàm abstinencia, & sobrietas non peccat, & mereatur. Quintum, quod qui orat vel aliud bonum facit principaliter propter Deum,




Deum, vel alium debitum finem; minus autem principaliter ob laudem, in quantum est quoddam bonum, sed non propter se solum appetibile, non perdit meritum, nec peccat, modò eam in aliquem finem debitum referat. Quæ omnia profecto inculcanda erant à Concionatoribus; vt rem adedò quotidianam calleremus, & scrupulos, quos illud Gregorij dictum gignit vitaremus:

- 67 Vigesimo sexto infertur, quòd duo requiruntur, vt actus ex se boni non inficiantur præstituendo eis pro fine bona vtilia, quæ sunt omnia pecuniaria & honoraria. Alterum, vt non querantur propter se solum, sed propter aliud in se amabile. Alterum, vt non præstuantur, pro finibus principalibus eorum, vel referantur in finem illis actibus congruum.

Ad hoc autem vt non inficiantur per præstitutione bonorum honestorum & delectabiliũ per se amabiliũ, satis est quòd non fiant fines principales actuum maiorum virtutum, siue referantur in alium, siue non.

## S V M M A R I V M.

- 68 ACTVS quibus candidati specimen ingenij, eruditionis, artis, virium, & aliarum dotium exhibentur ad promerenda præmia plus merentibus propofita, quomodo vt sint boni fiant.
- 69 Intellectus quorundam Domini doctorum, & aliorum doctorum.
- 73 Eleemosynam maiorem largiri, eo quòd publicè, vel à maiore petatur, nò esse malum. sed melius esse curare ne sic petantur.
- 73 Eleemosynam publicè largiri debere prelatos.
- 73 Bona bene facere publicè non esse facile omnibus; ideo fugiendus multis episcopatus.
- 74 Honor iam quæsitus, cur magna cura conseruandus.
- 74 Actuum de se bonorum, cur bona pars mala.
- 74 Bona insignia publicè facturus, quid præmeditari debeat, ne cibi toxica fiant.

- 68 gesimo septimo infertur, quòd actus currendi, saliendi, equitandi, hastis, sagittis, bombardulis, & cannis ludendi; prælegendi etiam disputandi, concionandi, canendi, pulsandi, organa, missandi & alia eiusmodi, quibus agilitatis, roboris, ingenij, artis, dexteritatis, eruditionis, industriæ, dotiumque aliarum inditarum, aut quæsitum specimen præbemus, sunt boni si ea principaliter agamus, vt per eos Deo placeamus, vel vt beati fiamus; vel quia recta ratio id dicat; vel quia sunt honesta, etià si minus principaliter ea faciamus, vt pallia, & bravia, pulpita, cathedras, sacerdotia, officia, & alia munera ecclesiastica, scholastica, secularia, militaria, vel alia quæ magis idoneis promittuntur, assequamur; modo ea in aliquem finem bonum actu, vel virtute collimemus, & reflectamus.

69. Vigesimo octavo, insertur, quod in illo Matth. cap. 6. *Ne iustitiam vestram faciatis coram hominibus, ut videamini ab eis.* illa coniunctio, ut, denotat finem principalem, neque actu, neque virtute in alium finem debitum relatum. Et è contrario in illo Matth. 5. *Luceat lux vestra coram hominibus, ut videant opera vestra bona, & glorificent patrem vestrum, qui in celis est.* denotat finem minus principalem, & in alium debitum relatum. Quo concordia videtur aprior illa, quam Io. Gerson tradit in secunda par. alphab. 3. in tract. de temperantia. col. 3. Insertur & illud, quod expressius quàm alij dixit Maior, Matth. cap. 6. col. 2. scilicet, quod quærens gloriam propriam propter laudem, & gloriam Dei, non querit gloriam inanem. Consequitur item, quod Abulensis Matth. 5. col. 3. & Caiet. ibidem aiunt, soli Deo, & non facienti quærendam gloriam per bona opera; intelligendi sunt, de gloria principaliter desiderata, & non de relata in Deum, vel alium finem debitum.
70. Vigesimo nono insertur, quod non desumitur hinc argumentum ad eò validum, ut aliqui putant, ad confirmandam illam hæresim, quæ habet, omnia nostra opera esse peccata saltem venialia, per illud. Esai. 64. male intellectum, *Quasi pannus menstruatus vniuersa iustitia nostra.* licet enim dolenter consideremus, quàm plurima opera nostra etiam suo genere bona, fiant mala ob finis circumstantiam, ex eo quod multa fiant ob finem malum mortaliter, vel venialiter; multa in finem debitum non referuntur: complura principaliter propter bona temporalia, vtilia & honoraria, quæ constat esse mala, saltem venialia per prædicta num. 44. & non pauca, quæ licet principaliter fiant propter Deum; vel quia recta sunt; sunt tamen minus principaliter ob bona temporalia, præsertim laudem & gloriam, in nullum alium finem debitum, actu neque virtute relata, quæ etiam sunt peccata venialia per præmissa, num. 57. Quàmuis etiam inquam, hæc ita sese habeant; quàm plurima tamen sunt ob solum finem debitum, & multo plura ob illum & alium minus principaliter actu vel virtute, siue virtualiter, relatum in finem aliquem debitum, iuxta id quod de relatione virtuali & actuali supra, num. 18. est dictum.
71. Trigesimo insertur, expedire plurimum, meminisse illud magni patris nostri Augustini in cap. 4. regulæ nostræ. *Alia quacumque iniquitas in malis operibus exercetur ut finis: superbia verò etiam bonis operibus insidiatur ut pereant.* Illud item Magni Gregorij supra num. 65. citati & declarati, videlicet, *Sape vos fratres admonet, praua opera fugere, &c. nunc autem compellor dicere, ut & bona magna cautela faciatis, ne per hoc bonum quod geritur, fauor aut gratia humana requiratur, ne appetitus laudis surrepat, & quod foris ostenditur, intus à mercede vacuetur.* Illud item Magni Basilij, qui curabat, ut quoties in pontificalibus missaret, diceretur ei; *Pater nondum est sepulchrum tuum perfectum, fac ut perficiatur.* quò appetitum laudis, & honoris mortis memoria refrena-

ret, Expediit, inquam, meminisse hæc tria, in omnibus nostris actis, præsertim quoties sese nobis aliqua opera insignia publicè facienda offerent, qualia sunt in materia virtutis latræ, siue religionis, missa publica præsertim cantanda, & maxime in pontificalibus, euangelij lectio, capitulum, antiphonæ, & orationis cantandæ: qualia in materia iustitiæ sententiam in grauioribus causis in magno consensu ferre: qualia in materia fortitudinis, & magnificentiæ, pugnæ veræ vel umbratiles, sumptus grandes, & apparatus maximi: qualia in materia studioſitatis prælectiones, disputationes publicæ, & specimina ingenij, memoriæ, artis, eruditionis, & aliorum donorum tam inditorum quàm quæſitorum, ad brania, & præmia habilioribus propoſita exhibenda. Opera precium, inquam, faceremus cum eiusmodi agèda occurrerint, meminisse prædicta, & omnino cauere in primis, ne nostræ actioni ullis finis malus, præsertim mortiferus, præſtitatur; ne ve vlla res temporaria, pecuniaria, vel honoraria principaliter intendatur; immo neque minus principaliter, sine debita in alium finem iustum relatione actuali vel virtuali: simulque nostræ actionis principalis finem facere Dominum solum ipsum beatificatorem, vt ei placeamus, & beatitudinem quàm prætendimus, vel virtutem aliquam ipsi actioni aptam, vt eam exerceamus; vel vt rationi supèrnaturali, vel naturali, aut humanæ, quæ id dictat, satisficiamus. Quod si aliqua alia bonâ temporaria, pecuniaria, vel honoraria, his adiunxerimus, illud fiat minus principaliter, & secundariò; cum eorum actuali vel virtuali in fines proximè dictos relatione; in uocatione illa præmissa, *Actiones nostras quasumus Domine aspirando præueni, & adiuuando prosequere, vt nostra hac operatio à te incipiat, & per te incepta, in te ipsum finiatur, per CHRISTUM D. N. Amen.*

72. Trigessimoprimum inferuatur hæc, quæ sunt quotidianæ, decisiones dubiorum, super quibus olim interrogati fuimus. Prima est Io. Gerſ. 2. par. tit. de temperantia. alphab. 3. nempe quem non malè, immo benè mereri, si aliud non desit, largiendo maiorem eleemosynam publicam, quàm fuisset largiturus secretam; modò minus principaliter illam maiorem laudè de maiori eleemosyna requirat, eamque actu vel virtute in alium finem debitum referat.

Secunda non esse peccatum, immò meritum, si ad sint cætera, largiri maiorem eleemosynam pauperi absenti, pro quo petit aliquis amicus, vel vir egregius, quàm dedisset, si pauper ipse, vel alius homo gregarius eam petiſſet, modo minus principaliter, & non principaliter respiciatur persona.

73. Tertia peccare illos, qui absque aliqua de magna causa procurant, aut consulunt, vt petatur ad aliquod opus pium publicè per egregiam quampiam personam Dei amore, vt maior eleemosyna fiat, quàm si secretò, vel per alias personas gregarias fieret, seruatis tamen modis



bus exerciti; quoniam oportet eos agere multa bona publice, & subest eis periculum faciendi ea tantum, vel plus ob humanum favorem, quam alium finem debitum.

- 74 Nona decisio est Abulenſi ſuper Matth. cap. 6. q. 3. col. 2. ſcilicet dignum eſſe vituperio eum, qui honorem iam quaſitum non curat conſervare. Tum quia, vt ille inquit, honor ſicut non poteſt iuſte quaeri niſi per virtutem, & aliquam veram excellentiam; ita nec perdi iuſte, niſi perſita illa, tum per illud praeceptum Eccleſ. 41. *Curam habe de bono nomine.* Tum per illud Apoſt. 2. ad Cor. 9. *Melius eſt mihi mori, quam vt gloria meam quis euacuet.* Tum quia idem, quod maxime duco notandum, etiam de gentilitia nobilitate ſe laudauit 2. ad Corinth. 11. ibi, *Hebrai ſunt & ego: ſemen Abrahæ ſunt, & ego.* & illud Machab. 9. *Absit vt fugiamus ab his, & inferamus crimen gloriae voſtræ.* Tum quia crudelem eſſe illum, qui famam negligit, intelligi inordinate deſinit S. Auguſt. in cap. non ſunt audiendi. 1. 1. quaest. 3. Tum quia licet magis curandum ſit de virtute vel excellentia vera, quam de honore vel laude illi debita: eo quod honoris perditio frequenter ſine culpa eius, cui debetur contingit, cap. renouantes. 22. diſt. nihilominus tamen curandum eſt de honore; ne vulgus, quod nouit effecta, & eorum cauſas ignorat, videns quem ab honore decidiſſe, praſumat eum virtutem quoque & excellentiam amiſſiſſe; & ex eius calu praſumpto, ſcandalum accipiat ob ſpeciem mali; à qua vt caueamus Apoſto. relatus in cap. cum ab omni ſpecie mali. de vit. & honeſt. cleric. praecipit 1. ad Theſſa. 5. Tum denique, quod ob quinque fines bonam famam & honorem deſiderare conuenit, vt in repetit. cap. inter verba. 11. q. 3. conc. 5. ſcripſi: quorum quartus eſt, vt conſtantius virtutes colamus: reputantes nos tanto eſſe obligatiores, tantoque plus peccaturos, ſi contra fecerimus; quanto magis credimur eas colere.

## S V M M A R I V M.

- 75 AUCTOREM iuſte potuiſſe, debuiſſeque ſuum honorem defendere.
- 76 Apologia in eos, qui falſis & impertinentibus de cauſis niſi ſunt perſuadere Roma inſenſum eſſe Auctori Regem Philippum huius nominis II.

75



Rigeſimoſecundo infero ex proxime dictis, nō ſolum potuiſſe me iuſte, ſed etiam debuiſſe chriſtianè defendere meū honorem, & famam, quam falſis & impertinentibus de cauſis tollere; aut certe grauiter minuere proximis diebus tentarūt quidam in hac ampliffima Roma totius orbis Chriſtiani theatro & capite, praſidente illi Sanctiſſimo D. N. Pio V. Pontif. Max. multis

malis nominibus merito, cum primis praecessorum suorum sanctissi-  
mis conferendo; & quandoque, quo Ecclesiae vivueret Principe, redeunt  
aurea saecula, & aurea regna; patratque Deus Opt. Max. contra infideles  
mirabilia. Quam defensionem feci per epistolam quandam apolo-  
geticam ad illustrissimum, & Excellentissimum Ducem AL-  
burquerqueensem, Mediolani Gubernatorem; quam,  
quia, ut audio, aliqui parum correcte tran-  
scriptam fecerunt; statui eius tenorem ve-  
rum hinc corollario  
subijcere.

## Tenor Epistola præfata apologetica.

ILLVSTRISSIMO, EXCELLEN-  
TISSIMOQ. D. DON GABRIELIA  
CUEVA DVCI ALBVRQVERQVEN  
SI, GVBERNATORIQ; MEDIOLA-  
NI, &c. IVSTISSIMO, PIENTIS-  
SIMOQVE PRINCIPI  
MARTINVS AB AZPILCVETA  
Doctor Nauarrus, S. P. D.

76



Vlta, diuque versans, Princeps præcellens, consti-  
tui tandem ad tuam præcellentem, vereque Chri-  
stianam benignitatem confugere; quo me pro tua  
in Christum pietate, & in me charitate, qua par-  
te honestè poteris, à labijs iniquis, & à lingua dolo-  
sa, liberes: præsertim apud Sanctissimum D. N.  
Pium V. Pontificem Maximum, & apud Regem,  
& D. N. Philippum II. Monarcharum summum; quod nemo potest,  
mea sententia, efficere aptius. Tum quia nemo tui ordinis Princeps, utri-  
que gravior & fidelior creditur. Tum quòd nemo magnatum, qui præfa-  
tum nostrum Monarcham cis Alpes representant, adeo bene ac tua Ex-  
cellentia me familiamque meam nouit: quippe qui multo tempore tan-  
ta charitate, prudentia, humanitate, ac fideli vigilantia, Nauarram Pro-  
rex eius gubernasti, quanta nemo alius eam græte nostra; tantaque cum om-  
nium Regnicolarum laude tua, & eorum læstitia concordia, exinde istuc  
fuisi missus, quanta nemo alius antea fuerat euocatus: tametsi multi alij  
virtutibus, dignitate, ac opibus præcellentes; & in his pater tuus ille iu-  
dicio, experientia, græte, rebus gestis, & alijs nominibus vere magnus eam  
gubernauit.

Negotium, quod me ad tuam Excellentiam confugere facit, tale est,  
iam inde à duobus annis, nescio neque cupio scire à quibus, neque quo  
spiritu, cepit in vulgus spargi, Regem præfatum esse infensum mihi, ma-  
lèque velle; dudum autem his proximis diebus, cum de quibusdam ma-  
gnis honoribus distribuendis hic tractaretur, asseueratum: ex eoque illa-  
tum, oportere, ne Sanctissimus D. N. Patrèsque purpurati, vlla egregij a-  
moris signa in me ostenderet; suamque assertionem quatuor argumentis  
dicuntur



quod iuxta S. August. relatum in cap. non sunt audiendi. 1. 1. quæst. 3. *Cru-  
delis est qui famam suam negligit: quia mea infamia, eo quod tam publi-  
cum geto personam, plurimis esset scandalo: cum nō sit par credere sum-  
mum, ben. guissimumque Regem tantam iram, nisi ob maximum crimē  
in me conceptum iri, authoritatēque meæ, meisque opusculis derogaret,  
o huiusq; cognatis meis, & toti Nauarræ officeret; immo & aliqua ex parte  
gloriæ tantū Regis detraheret, apud eos qui me intus & incute nō scētes,  
sciunt me non odio Maiestatis eius, sed amore dignum.*

Necessitate igitur in hoc adactus, primum argumenta præfata si ngu-  
latim diluam. Deinde adiungam alia, per quæ vnā cum his quæ dilutio-  
nibus miscebo constabit me circiter annos 30. non solum qualiter quali-  
ter, sed insigniter de præfata Regis Maiestate, deque patris eius illius  
summi Imperatoris, deque eius matris illius summæ Imperatricis bene-  
meritum; & ideo præsumendum, non esse mihi eum insensum, neque ma-  
le velle, sed potius bene.

Ad primum igitur præfatorum argumentorum respondeo, impudē-  
tissime dictam esse, ac testimonium falsissimum: quod in aliquo meorū  
operum scripserim Nauarram iniuste à præfato Rege teneri. Tum quod  
palam & notorium est, me nunquam ea de re in eis tractasse, neq; vllam  
mentionem fecisse. Tum quod palam quoq; est mea omnia opera prius-  
quam typis excuderentur, per magnum Regiæ Maiestatis Castellæ con-  
cilium examinata & præuilegio munita fuisse. Tum quod palam etiam est  
stultissimi vanissimiq; hominis futurum fuisse, id scribere in terris tanto  
Monarchæ subditis, in præsentem scribentis, suorumq; perniciem, nullo  
diuino, neque humano iure ad id cogente; nullaq; utilitate ad id suadē-  
te; & quod gratia Deo Opt. Max. non vltq; adeo insano, & desipio. Tum  
quā plurimi qui meum confessoriorum & pœnitentium Manuale seriō  
legere dixerunt, quod ego in eo assero Nauarram iuste à Regibus Catho-  
licis teneri; etiam si non esset verē illorum, eo argumento id colligentes,  
quod in cap. 17. nu. 60. dixerim, *Restitutionem alienarum rerum non esse  
faciendam, quando per eam consequerentur maxima damna publica: ob  
idq; non esse facile dammandos Reges, qui tenent aliqua aliena, etiam si sci-  
rent, non esse sua, modo probabiliter crederent, eorum restitutionem conse-  
quutura grauissima suorum regnorum incommoda.* Ex hac enim propo-  
sitione adiuncta altera, quam sæpe dixi, videlicet, prudentissimos quosq;  
rei militaris Hispanos iudicare per restitutionem præfati Regni, aper-  
tū iri ostium inferendi maxima damna in alia Regna Hispaniæ per mon-  
tes Pyreneos, inferunt; ne dixisse, Reges Catholicos non teneri, ad resti-  
tuendam Nauarram; etiam si nō essent non esse suam. Quanquam ego  
nullum verbum penitus feci de Nauarra, neque de vllis alijs dominijs,  
super quibus inter vllos Monarchas controuertitur; neq; an in eiusmodi  
casibus sit compensatio aliqua facienda, nec ne. Tum quia frequenter

constantissimeq; verbo assertui, tam in Gallijs, quàm in Hispanijs, quòd nunquam Reges Catholici sua sponte, Regnum illud alijs, qui suum esse prætendunt, relinquunt. Tum deniq; quòd cum illa pacifera Regina & domina nostra Isabella te Pro rege Nauarræ traiceret in Hispaniam, & in domo natalis mei vno die requiesset multis viris Principibus Hispanis, & Gallis, qui eam comitabantur, assentibus præfatũ Regnum mox restitutum iri Vindocinensi, qui eam vsque ad Roncam vallem comitatus fuerat, contradixi, nitens præfato, (quod est irrefragabile) fundamento. Quin & licentiato perdocto ab Ainciondo consiliatio præfati Vindocinensis Excellentia tuæ (ni fallor) noto, mihi verò etiam amico, (quia emphitheutarum mei ordinis Roncæuallis cum primis præcipuus est) cum paulò post transitum præfatæ Reginae scripsisset ad me propediem, se, cum Rege suo in domum præfatam, qua erat iter in curiam Regiam diuersuros, eo quòd iam habita fide publica, siue saluo conductu, ornabant iter ad acceptandam restitutionem. illi, inquam, mihi hæc scribenti, rescripti, demirari me incogitantiam & imprudentiam eius & omnium Gallorum, & multorum Hispanorum, etiam magnatum, qui crederent eam faciendam. Eidemq; secundo replicanti quòd Regia nostri Regis Maiestas, (quem ego soleo dicere nunquam mentiri) promiserat Henrico 12. socero suo, restituere illam ei quam ipse appellabat suam Regiam, si monstraret se non posse illud absque peccato mortali retinere; & quòd faciliè id ipsa esset ei monstratura: triplicaui duo. Alterum, quòd præfatus Rex adeo erat Christianus, quòd non solum Regnum Nauarræ, sed etiam Toletanum, & totam Castellam restitueret, si quis ei persuaderet, non posse illa, salua suæ animæ salute detinere; quippe qui optimè nouit, parum prodesse homini totum mundum lucrari, si animæ suæ detrimentum patiat. Alterum, quòd nullatenus id poterat illa ei monstrare: quoniam, esto, probaretur ei non esse illud eius, non tamen poterat probari, & minus monstrari non posse illud iuste retinere: quia ut ipse poterat faciliè videre, in prædicto meo Manuali iure constat, non esse necessarium restituere alienum, quando ex eo maxima damna publica probabiliter timerentur. Et quòd ex facto constabat totam prudentiam bellicam Hispanorum iudicare, grauissima damna Regnis Hispaniæ probabiliter timeri posse per huiusmodi restitutionem euentura: quamobrem moneret suum Regem, ne se vanis impensis, & laboribus oneraret, vanisq; molestijs tanti Regis Maiestatem fastidiret, alias (si ei videretur) sibi quæreret compensationes. Qua mea triplicatione factum fuit, ut à vana spe decideret Vindocinensis, Princeps alioqui virtute bellica summus; & nõ fuerit vsus fide publica, siue saluo conductu à Maiestate Regia suam curiam adeundi iam ei dato, quod de hoc negotio fastidiosissimo tractaret. Ob quod solum officium vtriq; parti, sine alterius iniuria præstitutum, ab utroque poteram præmium petere; quia tunc amici erant, sed

malui ab ipso, qui hæc vidit, & inspirauit, Deo sperare illud. per quæ palam est, impudentissimè mihi obijci primum. Addo quòd imprudenter dum voluit videri in Regem officiosi, sunt in eundem inefficiosi: quoniam multi qui norunt me, de tangentibus animarum salutem etià verbo cunctanter respondere solitum, facillè credere possent, cunctantius tale quid scripturum contra tantum Regem, & in opere typis, & in Hispania excusso: neq; id vllatenus nisi veritate cogente facturum: ob idq; illi assentiri. Per quæ satis superq; dilutum est primum.

Ad secundum respondeo, pudere debere illos velle Romæ Romanis persuadere Regiam Hispaniæ Maiestatem malè mihi velle in Hispanijs, eò quòd ipse hic falsus fuerim nullo me suæ curiæ munere ab eo donatum. Primum, quia malignè inuertunt ad finem probandi odium in me tanti Regis ea, quæ candidè asserui ad finem vt magis crederetur mihi de laudibus eius differenti. Deinde quòd eodem argumento probarent Maiestatem eius, quæ in omnes, etiam externos præcellenter est benigna; odillè omnes quos ipse nouit, & vulgus æstimat eius munificètia dignos; si eos muneribus suæ curiæ minimè donaret: immo & Maiestatem Apostolicam, & Francicam odio habuisse summum illum Thomam Aquinatam, qui eorum in Imperijs degens, nullo ipsarum curiarum munere functus fuit. Et ne respondeant quòd ille fuit religiosus, considerent me quoque iam inde à 67. ann. ellè talem, quamuis imperfectum & infirmum; vtille perfectissimus & sanctissimus. Quæ consequentia quàm absurda sit, nemo non videt cum multis alijs de causis quàm odij passum id contingat: putà, quia non egent eis vel nō expetunt ea, vel non petunt, vel tanquam eis minus expedientia, minimè acceptant: vel quia solius potentiæ diuinæ est omnes pro meritis donare. Ob quarum aliquas causas, id erga me ab eo factum, in eodem ipso loco què ipsi citant, affirmo in hæc verba: *Quia contentus & supra merita ornatus honore ac honorarijs quatuor prædictarum, quæ celeberrimæ sunt academiarum, nunquam curiæ Regiæ munera, in hunc vsque diem ambiui, neque petij, neque accepi.* Præterea, quòd, licet non acceperim, oblata tamen mihi fuere: nam Deus quem in testem inuoco, nouit, quòd ante 35. annos, cum nondum Salmaticæ vllā cathedrarum maiorem nactus essem; oblatus fuit mihi locus in Cócilio Regio Regni Nauarræ, quod solet residere Pampilonæ, vna cum canonicatu illius Ecclesiæ Cathedralis. Nouit item quòd maiora mihi desiderarunt, & promiserunt Cardinalis ille termagnus Gubernator Ioan. à Tauera & episcopus Pacensis Suarez, qui tunc plurimum non abs re apud Cæsarem & Cardinalem præfatum valebat, posteaq; decretorum cathedram in eadem Salmantica obtinui; & antequàm primæ functionis, adeptus Conymbricam Lusitanicæ iussu Cæsatum migrarem: immo & postquam migravi, vt in Castellam redirem: quæ tamen omnia literas & scholas feruenti animo insequenti, iussè, mea sententia, minoris illis fuerunt;



Novit item Deus ipse, ad quem modum ab hinc circiter quindecim annos cum cathedra Conymbricensi (vtraiusque) iubilata per Pinciam, in qua curia Regia residebat, in patriam Navarram redirem, Reuerendissimus Ispalensis Dominus Ferdinandus Valdesius, quem vtinam in caelo inueniamus, benignissime suscepit, & ardentem desiderauit, ut in magnum Inquisitionis concilium, cui praesidebat, cooptaretur: adiciens palam, è re publica futurum, vel creando nouum aliquod munus mihi aptum, in curia Caesarea retinere. Quae licet agnoscerem esse meritis meis longe maiora, recusavi tamen: quia de consensu gloriosissimorum illorum Lusitanicæ Regum, nullis pietate, prudentia pacis, belliq; in infideles artibus secundorum, praefati Regis socerorum Dominorum nostrorum, vix obtentis, omnibus, (& in his etiam episcopatus, ad quem vacantem me praesentare voluerunt) praetermissis, omnino decreueram, in quadam insigni ciuitate extera illis solis ad hunc usque diem nota, me includere, ibique nomine mutato incognitus aliquot annis incumbere opusculis, quae edideram recognoscendis; & alijs quae sub lituris habebam, poliendis & edendis, & manu extrema donandis. Novit item ipsa Regis soror Germana Princeps Portugalliae D. N. multis nominibus altissima, quae tunc Regna eius gubernabat, cuique Manuale Confessoriorum dedicaram, quam obnixè illo eodem tempore percupiuisset, ne ab eius curia discederem, significans id mihi futurum honori. Quin & ut me à praedicto proposito auerteret districte iussit, ut duo Illustria canonicorum regularium monasteria visitare; ad ea quae egerem, illius potestate munitus: quod & feci; neque voluis mihi facere facultatem adeundi Navarram, donec certior facta fuit, oportere me illò ire ad collocandas tres ex fratribus praemortuis nepotes. Quin & postea cum in Navarra, cruce, casu mulæ in quatuor partes fractò, in lecto iacerem, iam conclamatus, per vnum cursores, (qui quarta die à cruce fracto ad me peruenit,) iussit ut ad suam curiam illico magno meo honori reuerterer: cui respondi; me ad maius tribunal vocatum, suum adire non posse. Novit etiam Deus quòd Marchio ille Cortensis, Dominus Ioannes à Benauides Regi per dilectus, & qui eum imitatus nunquam moriebarur, è Flandria in Navarram rediens, dixit mihi, à magno illo Regis Erasmo rogatum fuisse, ut disceret ex me, an possem & vellem Regiae Maiestati, in Concilio magno Castellae inseruire; cui respondi, me velle quidem ut par erat ubique terrarum Maiestati eius inseruire, sed ob praefatam causam tunc non posse id honestè facere.

Dicat nunc hic aliquis horum detractorum, cur ergo Regi iubenti ut essem Illustrissimi Toletani aduocatus, assensus fuerim, cum munus aduocandi longe minus honestum sit, quàm superiora, quae dixi me recusasse? Cui respondeo, Maiestati eius notum esse, me à prima iussione, quòd licebat, supplicasse, causasq; cur id non debebam facere, proposuisse. At cum per Illustrissimi Compostellani, qui nunc est Ispalensis, & insignis

Cardina-

Cardinalis, & tunc erat Tolotani iudex, litteras, secundo iussisse, vt omni excusatione, præterquam mortis posthabita illico Pinciam vbi causa tractabatur adirem: additis præfati Marchionis litteris, quibus significauit eum meam excusationem egre tulisse: caueremq; mihi plurimum, ne iterato id facerem. Itaque illico nondum cruris fractura satis sanata adiui, vt eius Maiestati secundo mihi iubenti, & adeo rem tam cordi habenti obedirem. Quod ipsum, vt facerem tua Excellentia à me super hoc consultata, consuluit, adiui reputans causam intra semestre, vel ad summum octo menses finiendam. quod & ipsi iudices subdelegati tunc certum putabant. Adiui certe non vt facerem voluntatem meam, sed eius, qui me mittebat Regis facultate ad id & præcepto mei Præfectorum Roncauallis factis, adiui non quidem quoddam Reuerendissimum Tolotanium vel de facie antea cognouissem; sed quoddam eum putarem innocentem, eo quoddam facile intelligerem, eum à rege tanta cura eius defensionem procurante plusquam vulgariter diligi. quod fieri nequibat à Rege tam catholico, credente ipsum à fide defecisse. Quamobrem etiam coram iudicibus eum ingenue admonui, ea me consultatione ipsius defensionem acceptate, vt quamprimum clare nossem ipsum hæreticum, libere defererem. Quod etiam ipsi placuit, & quia eum nunquam ita noui hæreticum, (licet in eo falli potuissem) nec per eum, nec per eius defensores factum est, quo minus causa finiretur, non licuit eum deferere: immo ne falso iactaretur, male me de illo sentire vt Maiestati Regiæ dixi, oportuit) non obstante senectute, neque debilitate relicta ex grauissima febre, quæ me paulo ante vexauit) huc venire ab vltimis Hispaniæ finibus, nempe Olyssipone, prope quam literæ Regiæ mæ inuenerunt. Per quæ omnia plus satis manet dilutum, secundum meorum detractorum argumentum, quo arguunt Regem mihi iratum, eo quoddam eius curiæ muneribus non sum donatus.

Ad tertium autem fateor, immo gaudeo, me esse Nauarrum, & Cantabrum de antiqua illa gente, fidei Regibus præsertim datæ obseruantissima, testante Platina in vita Ioan. vj. Cantabros, & Astures, qui omnium Hispanorum postremi Romanis adhæserunt, vltimos eos defertuisse: nullaq; quam nouerim, prodente historia vllum Nauarrorum fidem Christi, quam per S. Saturninum discipulum beati Petri susceperunt, in hunc diem (gratia Deo) deferuisse; & in impiam Iudæorum, Sarracenorum, Turcarum, vel Lutheranorum factionem transfugisse; etiam si ab eis captus & per munera illectus, vel tormento in id adactus fuisset. Fateor item & gaudeo me progenitum à prædictis duobus palatijs, Azpilcueta videlicet & Iaureguicar, quod alio nomine dicitur Baztan: vnde Bazanes Castellani magnates originem ducunt; qui in saltu Pyrenæi montis, quæ parte Vascones Celas, à Celtiberis diuidit, sunt sita; quæque licet non sint adeo opulenta, sunt tamen longe ante Carolum Magnum erecta, & nullo in hunc diem gratia Deo damnatæ sectæ sanguine contacta; quorum

alterū alteri hoc solo nomine præstat, quod alterū est vnū ex duodecim, q̄ præfato Regno nascenti regendo suere destinata. Quæ res adeo notoria, forte fuit in causa, ne mei amuli vllam natalium, & puritatis generis antiquissimi Christicolarum notam objicerent. Fateor etiam, & magno decori duco; quod præfati eorum Domini vna cum suo duce Illustrimo Nauarræ Mariscalo Excellentie tuæ cognato relictis suis laribus sequuti fuissent præfatum Io. à Labreto Regem tunc temporis suum, & à se iuratum: quia licet non damnem eos, qui de causis eis notis diuersum fecerunt; laudo tamen hos, quod speretis suis sua iuramenta Deo reddiderunt. Quod magno illi Regis proauo Ferdinando, qui Catholici Regis cognomen prius adeptus fuit, adeo non displicuit, vt etiam laudaret eos, quod imitarentur suos progenitores, qui patrem suum Regem Nauarræ & Aragoniæ contra filium proprium Principem aduersus eum rebellantem defendissent, & speraret eisdem posteaquam ei iuramento se obstringerent, nunquam ab eos defecturos. Quæ spes nulla eum ex parte fefellit, Rege ipso nostro, patrique suo Imperatore testibus locupletissimis; qui præfato Mariscalo crediderunt primum Toletum, deinde Ispalim, & postea Regnū Gallicie satis Gallie finitimū: præfeceruntq; Concilio magno trium ordinum; & iusserunt, vt status & belli Concilio interesset; immo & tandem in præsidem Concilij supremi destinatus obiit mortem, & fratrem eius D. Franciscum à Nauarra, cuius ego 14. ann. in Gallijs primum, deinde Salmantice iuri vtrique incumbenti ductor & comes fui, ad duos episcopatus, & ad archiepiscopatum Valentinum euexerunt. Taceo fidem illius Illustris, Marchionis à Falces, cui etiam orbem nonum Rex credit; & eius fratrum Illustrium ductorum militum à Peralta, qui signis Regijs præfecti alij alibi terra, marique militantes, aut gloriofas mortes oppetierunt, aut insignem operam (vt unus eorum sub Excellentie tuæ ditione) nauant: quorum ducatu semper progenitores mei adhæserunt. Taceo fortem, prudentemque illum Dionysium ab Eza cuius soror cuiusdam meo auunculo nupsit, cuiusque fidelitas, virtus, & opera insigniter enituit in seditiosos illos Castellanos, qui communitatis nomen sibi fecerunt, posteaquam à præfato Rege Ioanne à Labreto dimissus Regia signa sequutus fuit; cuiusque trium filiorum maximo natu Carolo ab Eza non solum Plumbinum Regia Maiestas credidit, sed etiam istius arcis Mediolanensis aliquanto tempore Procastellanus, & bonæ partis eius custos fuit; & alij duo ante triennium à Regia Maiestate honorifice aucti, alter in Flandria, & alteri in Hispania fortiter Regi militant. Taceo fidelitatem magni Erassi & Castelli, qui Regi sunt à secretis, quorum progenitores idem, quod mei fecerunt. Taceo complures alios. id solum admoneo noto notius, & notorium facti permanentis esse, quod ambo præfatorum duorum palatiorum meorum aitorum Domini ante triennium à Regia Maiestate perpetuis stipendijs & alijs donarijs aucti, nunc in Pyrenæi montis an-



tis angustiis contra Lutheranos resident. Alter, scilicet Dominus de Azpitcueta, qui est vicecomes Coline Præfatus Roncalibus, (genti omnium Celuberorum siapte natura fortissime) in ea parte qua Nauarram à Bearnio diuidit. Alter vero Dominus de Iaureguicar, siue Baztan, in ea præfata parte, cum Vascones Celtas à Celuberis seiungunt: in quâcumque occasione, qua suæ domui fœderatis ad arma paratis. Per quæ palam satisfactum est tertio meorum emulorum argumento.

Ad quartum respondeo; fateri, gaudereque me plurimum in Gallijs multo répoze didicisse, docuisseque iura Põtificia & Cæsarea; imo & eo usque nominis peruenisse, vt à quibuldam Principibus viris inuitaret & rogaret ad consiliarij officium in magno Parisienli Parlamento, eorum propria opera & pecunia cõmendum. solebãt enim tunc eiusmodi officia vendi pro eis, quibus erat eruditionis nomen iurium celebre. Fateor hoc in quâ illis; quos etiã contra profiteri oportet, me antequã Gallias adirem intra Nauarram & celeberrimam Complutensem (quæ in Castella noua est) accademiam artes liberales & Theologiam scholasticam didicisse. Et quod postea in Hispanias è Gallis regressus, triginta circiter annos ea iura Pontificia docui, Salmanticæ quidem circiter 14. & Conymbricæ Maiestatis Regiæ parentũ iussu quintuplicato sexdecim. Neq; vllus negat attulisse me à Tholosa Galliz in Salmaticensẽ, veteris Castellæ academiã, oĩum orbis Christiani cũ paucis principẽ, solidã & perutilem iuris Põtificij sapiẽtiã; sicut & post me altero anno pdoctus iuxta ac perpius ille frater Franciscus à victoria solidam, vtilissimamque Theologiam ex eiusdẽ Galliz Parisijs eadem inuexit. cum ante nos ambos integerrimus ille Siliceus in Regis magistrum à Cæsare delectus, & postea in Archipræsulem Toletanum promotus, & aliqui alij Parisijs in eadem Gallia adamussim docti, viramque philosophiam, & alias artes liberales magnoperẽ in eadẽ auxissent. Si ergo illi quorũ aliquot plures annos q̃ ego in Gallijs didicerũ; & docuerũ, nulla ob hoc nota imò laude dignos ducũt; cur ego solus damnor? An quia Regis duplicato iussu Reuerẽdissimũ Toletanum cum collegis meis tot annos iustẽ defenderim? An quod charior quàm ipsi vellet cæperim esse Pio V. Pontif. Max. Patribusque purpuratis, & toti Romæ? Fateor item me Paululum gallicẽ balbutire, modò non negent præfatos eleganter, & ter maximum Cæsarem Regis genitorem elegantissimè loquutos. Fateor etiam me solere Gallias, in quibus est etiam Flandria cum vndecim alijs vt arbitror dominijs aucta, magnifacere; quas qui patui facit, neque illas vidit, neque Geographiam earum, neque res in eis gestas intelligit. Neque diffiteor me, qua parte par est, amare Gallias. Tum quia magna pars earum Maiestati Catholicæ paret. Tum quia, gratia Deo in eis didisci, quod eius ope fideliter nostrates docui. Tum quia, quo tempore ipse in eis degebam, magna erant in Deum religione, & Reges suos obedientia & inter sese simplicitate, humanitate mutua, dilectione, dulci-

que ac

que ac modesta consuetudine, ab omni vanitate superbiâque vt plurimû aliena. Tum quia sunt proximi; quos omnes præcepto Christi teneor diligere: et iam inde à puero plurimum aduersor eis; qui aliâs eo solo nomine quòd sint illius vel illius gentis aut factionis oderunt. Quare frequentissime aduersatus sum in Nauarra, Nauarcis illis, qui alios Nauarros, eo solo q̃ essent alterius factionis, oderât. In Gallijs, itē illis Gallis, q̃ Castellanos eò solo q̃ Castellani essent, oderant; non. n. Nauarros & Gotholanos, quorum copia magna solet esse Tholose, licet nos omnes esse Hispanos nossent, sic aduertari solebam in Castella illis Castellanis qui oderant Francos eo solo nomine, quòd essent Franci; & qui iure vel iniuria facillè irridebât & despiciiebât Portugallios; & in Portugallia Portugallis, qui iure vel iniuria facillè oderant Castellanos. & nunc plurimum defero Romanis, qui nos omnes cuiuscunque gentis homines, humanè tractant; & cum iudicio dignos honore suscipiunt, & amant; de alijs autem eò indignis parum curant, sed non eos afficiunt iniuria, nisi eis fuerint iniurijs. Quod profectò proprium est Christianorum: quoniam secundū Christianam doctrinam in omni gente, & factione, qui facit iustitiam, est Deo acceptus & amandus. Et contrà in omni gente & factione qui facit iniustitiam, est Diabolo acceptus & quatenus talis, odio habendus: & quia in omni gente & factione sunt boni, meliores, & optimi, mali, priores & pessimi; quos omnes quidem ad vnum diligere oportet, saltè propter Deum, & vt licet hos. qua parte mali sunt, odisse; ita illos, qua parte boni sunt, oportet amare. Tū quia olim Tholose anno circiter 20. supra 1. 100. habui in scholis tēpore carnis priuij prælectionē (quę repetitio appellatur) pudicam & paciferam, contra multas quę illo tempore passim habebantur, spurcas & sedinosas; super illud proœmij Decretalium, *Rex pacificus pia miseratione voluit sibi subditos fore pudicos, pacificos, & modestos.* ad quam veluti ad rem nouā, non pauci confluxerunt; qua inter alia multis persuasi, solas duas in orbe Christiano esse gentes. Alteram quę Christo; alteram quę Sarhanę militarent. Ideoque illorum Francorum, qui honestatis litterarum studiosi haberi volebant, esse, amare, colereque Hispanos, Vascones, Britones, & alios aliarum nationum, qui Tholose litteris, & honestati operam dare satagebant. Et contra, nostra Hispanorum, & aliorum aliarum nationum, qui honestatis, & litterarum studiosi haberi volebamus, erat amare colereque Francos earundem studiosos. Quo factum fuit, vt in omnes cuiuscunque gentis honestos promiscue cretceret amor & in omnes cuiuscunque gentis inhonestos decretceret. Tum denique quòd cum omnes Christiani debeant se reputare aduenas, & peregrinos, iuxta sententiā Petri, & iuxta sententiam B. Pauli, non habere hic ciuitatem manentem, sed futuram inquirere, cum primis id facere debeo ego; quem Nauarra tūnnit, Castella noua Compluti educauit, Gallia virum fecit, Castella vages Salmantice sublimauit, Lusitania ornauit, decorauit & longe supra merita

merita mea illustrasset, nisi (vt prædixi) alio me spiritus (vt putabam) bonus direxisset : aqua sola etiam nunc honorifice inauditis meæ cathedræ stipendijs perpetuis alor. Vnde reuersum vtraque Castella, & Nauarra benignissime excepit, tractauit, & opera mea consilijsque meis gratuitis 12. circiter annis est vsa: in quibus (quod gloriæ magnæ duco) aliquando fui à saceris confessionibus præfatæ Regis sorori Germanæ incomparabili Portugalliæ Principi D. N. & eius ex sorore nepotibus Bohæmiæ principibus non solum titulis auitis, sed etiam propria indole virtutum animorum, corporumque gloriosissimis. Et tandem per varios casus, & multa discrimina vite, in Italiam totius orbis prouinciarum nobilissimam veniens iâ circiter triennium Romam Christiani orbis matrem & magistram, annum 78. agens colo.

Cum igitur præ alijs meæ conditionis viris debeam me peregrinum reputare, cur non immiter eū qui p nobis factus peregrinus, omnes cuiuscunque gentis homines amat, nullius personam accipit, vnumquemque pro sua in eum fide, spe, charitate atque alijs virtutibus collaudat, vel sua in eum impietate alijsque peccatis vituperat? Cur imitatus eum, non amē omnes cuiuscunque gentis saltem propter eum? & bonos etiam propter eorum bonitatem? Cur non omnes malos, qui parte sunt tales, oderim? Cur non o'bus sine alterius iniuria prosum, vel prodesse velim? Cur nō ab alterius iniuria abstinē, etiamsi per eam Nauarro alicui Hispano alij, vel etiam mihi ipsi prodessem? Absit à me (Princeps Excell.) vt credat vlli, etiā mei natalis soli Regi longē benignissimo cū alterius iniuria contra diuina Christi præcepta obsequuturus: tantum abest, vt cum eius iniuria vlli alij obsequat. Per quæ omnia satis superque monstraui, nō esse præsumendum me à tam benigna Maiestate odio haberi, eò quod in Gallijs multo tempore iura didicerim, & docuerim: & quod Gallias, qua parte par est, magnificiam & diligam; quod aduersariorum quartum argumentum prætendebat.

Dilutis argumentis quibus detractores mei clam me persuasisse putāt, præsumendum esse mihi Maiestatem Regiam insensam, adiungam pauca ex multis, quibus contrarium iure præsumi oporteat. In primis quidē, quod cum primum Tholosam causa iura discendi adiissem, à Gallis in Gallia didisci rationem præfatam, qua præfatus Rex Catholicus Ferdinandus Nauarram iuste retinere posset, quam à nullo in Hispanijs Hispano audire memini.

Secundum quod post aliquot annos, bonus, vt credo, spiritus mihi persuasit, Gallias cito esse ruituras; quamuis non tantum, neque illius generis ruina, qua ruerunt, quod persuasi omnibus & singulis, qui vnā horam ea de re me dissonantem audierunt, è quorum numero fuerunt etiam præfatus Mariscalus Excellentie tue cognatus, ipsiusque frater Archiepiscopus Valentinus, præfati Regni cum paucis primi: quibus etiam per-



suasi è re Christi, & Nauarræ publicæ & suæ, cognatorumque suorum, & eis adhærentium priuata; imò & ipsiusmet Regis Ioannis, viri natura pacifici, cui tantum erant oneri, fore; vt primo quoque tempore oblata iusta occasione, absque tamen iniuria Galli, cui Mariscalus militabat, in sua redirent patriam. Quo facto, tota ea tranquillata fuit; & Regia Maiestas leuata bona parte curarum, & impensarum, quibus defensio illius Regni egēbat, illis in Gallia degentibus.

Tertium, quod post biennium sequutus fui eos, recusatis, cum gratiarum tamen actione, horis ad legendum honorificis ab academia Tholosana mihi præstitutis; & multis alijs quæ Gallia vt dixi, promittere benignè corperat.

Quartum, quod meo illo transitu & magnis argumentis persuasi Mariscali præfati sequacibus, licet non citra sudorem, posse illos recta conscientia credere iuste Nauarram à Regibus Catholicis teneri, eisdemque militando bene mereri. Ad quod plurimum profuit quod ego, qui eram eiusdem opinionis, & factionis quarum ipsi non solum verbo, sed etiam facto relictis Galliæ muneribus, in Hispanias nullo penitus munere Regio ad id allectus, traieci: & Salmanticam paulo post adiui. Quæ res quanto fuerit obsequio Cæsari, & quantæ animarum præfatarum tranquillitati Deus Optimus Maximus nouit.

Quintum, quod plurimum Regiæ Maiestati Salmanticæ inseruiui; si seruire Regno est seruire Regi, prælegendo circiter 14. annos tam in æstate, quàm in hieme, quotidie geminatis, & frequenter triplicatis horis: quod plerique omnes præfecti cõsiliarij, ac confessarij, imò & prælectores gymnastæ totius Regni, quorum bona pars me audiuit, ingenuè pro sua in Deum, & in me charitate, testantur.

Sextum, quod primariæ functionis sacrorum Canonum cathedram Salmanticensem, quam nullus ante me vnquam auditur reliquisse, nisi ob opulentum episcopatum, præfatæ Imperatricis Regiæ matris obnixo rogatu reliqui, præcedentibus quinque iussibus, duobus eiusdem Imperatricis, quæ absente Imperatore illius regna gubernabat, & tribus eiusdem Imperatoris, qui tunc superuenerat; quibus academiam renitentem, & ab eis supplicantem, adegerunt, vt mihi facultatem abeundi ad confirmandam Conymbricensem recens fundatam in Portugallia, facerem; qua sine, iuraueram me nullatenus etiam relicturum, ne summorum mihi ab ea beneficiorum collatorum immemor esse iudicaret.

Septimum, quod præfatorum regis nostri parentum mandato in Conymbricam translatus, præfatis eius loceris Lusitanæ Regibus D. N. circiter 16. ann. ope diuina, tanta fide, cura, studio & labore, nullo morbo vel alio negotio impeditus, omnibus id attestantibus seruiui; quod non solum ipsi me insigniter diligenter, sed etiã omnes eorum regnorum, tam summates quàm mediocres & infimates egregiè me etiam in hunc diem diligunt dile-

gāt dilecturi, vt spero in Deo, æternū: neq; tantū dilexerūt & diligunt, sed etiā ex animo cupiūt, vt recognitis & editis meis operibus, ad eos reuertērer, insigni aliquo apud eos honore sepeliendus. Quæ obsequia, parētū Regis mādato, etli nō est superbū dicere, rogatu; fratribus corūdē & Regis so- ceris præstiterim; imō & cum literas eorundem habeam in hūc diem ser- uatas, quibus promiserunt, se imputaturos sibi, quæcunque suis fratribus obsequia præstarem: nonne illorum, & Regiæ Maiestati præstita censenda sunt? præsertim quodd Deo Opt. Max. teste, Maximus ille gubernator Car- din. Ioan. à Tauera, miranti mihi, quodd Maiestas Castellana per litteras iustitiæ de supremo eius Concilio, (cui tunc ille præsidebat) emanatas, ad eō absolute iuberet Salmanticæ, vt mihi suo gymnasie facultatem ad eū di Conymbricam faceret; respondit, quodd Maiestas Castellæ, Maiestati Portugalliæ, cū ob alia, tūm verō maximē ob fauorē, & auxilia insignia, quæ Castellæ præstiterat, quando aduersus Cæsarem à regno absentem insurrexit Castellana communitas, quodd iure Cæsar velle debebat, non tantū vt Salmantica, quæ pars quædā Castellæ est, ideōq; ipsius salus à to- tius salute pendeat aliquā ob meā absentia iacturam pateretur; sed etiā vt aliæ se offerrent occasiones gratificandi tam vicinæ, tūquē cognatæ ac amica Maiestati, & si id sine aliquarū patriū maiore iactura fieri neq; ret.

Octauum, quodd præfatis his annis multos libros Regijs Regnis eru- ditorum iudicio viles composui. Primū in tres de penitentia distinc- tiones posteriores, dicatum Regi & D. N. Ioanni tertio Regum ætatis suæ (absit verbo adulatio) religione, eleemosynis, ornatu, prudentia tam belli quā pacis artibus insignita, iustitiæ, clementiæ radijs cornusca, magnificen- tia omni genere modestiæ decora exemplari.

Secundum de laude & detractatione in cap. Inter verba. 1. 1. quæst. 3.

Tertium, de oratione vocali, in cap. quando, de consec. dist. 1. quæ duo lingua vulgari scripta, dedicati Regiæ Catherinæ huius nominis pri- mæ, præfato Regi suo cōiugi omnibus præfatis nominibus pari; & eō q; ei superstes indies se maior sit; & in educando amborū nepote Rege nostro Sebastiano tam sanctē vt speretur, omnes suos auos & proauos superatu- rus; illo superiori.

Quartum in cap. si quando, & cap. cum contingat, de rescri. super habi- litate ad beneficia, & remedijs contra censuras malē latas, ad eandem Re- ginam, sed latinē.

Quintum, de vtraque suprema potestate in cap. nouit, de iudi. supre- mo illi Principum flori Regis D. N. Philippi sororio dedicatum.

Sextum Manuale confessoriorum lingua Lusitana ad Cardinalem in- fantem, domnum Henricum præfatorum Regum fratrem multis nomi- nibus super illustrem, & incomparabilem scriptum.

Septimum ipsummet Manuale Castellano sermone donatum & actū Domnæ Ioannæ sorori Regiæ germanæ Portugalliæ Principi multis no-

minibus altissime D. N. in Castella oblatum.

Octauum de indulgent. in §. in Leuitico. de pœnit. dist. 1. latine ad illam probe latina callentem Infantem Domnam Mariam prefatorum Regum sororem, & in Reginam Hispaniarum à Cæsare delectam, & à tota Hispania maxime desideratam; immo & ab Rege nostro Philippo per procuratorem iamiam ducendam vxorem, si vnum diem integrum plus Eduardus Anglus vixisset. quod maximo Hispaniarum & totius Christiani orbis malo, malus aliquis spiritus impediuit.

Nonum, de amissione possessionis per renuntiationem, in cap. accepta. de restit. spoliat. ad longè Illustr. Episcopum, & Comitè Conymbricensem Didacum Soarez; cuius me bonam partem pronunciantem tribus horis attentissime in frequentissimo confessu audiuit.

Decimū, de armis, & alijs rebus ad infideles nō exportandis, in cita quorundā. de Iudæis Illustr. Collegio Societatis Iesu Conymbricano dicatū.

Vndecimum, de plurimis pijs additis ad præfatam repetitionem cap. quando. Reueren. Abbatissæ S. Claræ Albienſi Domnæ Annæ ab Expeleta Navarra ascriptum.

Nonum est, quod reuersus Conymbrica Portugalliæ in Castellam, primum præfatæ Regiæ Maiestatis sororis D. N. quæ Regna eius tunc gubernabat iussu, duo Illustr. ordinis Canonicorum regularium monasteria, nō sine laude bonorum, visitari. Deinde iussus à concilio Rigio magno, vt Manuale prædictum in Castella typis excudi facerem, annum circiter integrum latens, intra typographi domum inclusus, impendi & recognoscendo, & augendo, & componendis quinque commentarijs resolutorijs, quos illi Principum summo Carolo; (quem mors immatura, suisque omnibus Impetijs inuisa sustulit) dicani. Et quoddā ab eo loco in quo latebam euocatus, præfatæ Principis iussu aduiui eius curiam, & super dubijs maximis neque minus controuersis, statimque publicum tangentibus, respondi, Deo, & Regi, (vt euentus docuit) grata. Et postea Regis Maiestatis geminato iussu, causam Reuerendissim. Toletani, qua parte iusta esset, defendendam cum alijs collegis meis suscepi; in quam totos nouem annos finiendos dimidiato mense Augusto, huius anni 1570. impendi, vna cū doctore Delgado, cum primis sui ordinis prudenti, pio, & docto, collega meo plurimum mihi suspiciendo; qui aliquot menses ante me Pinciam ad idem negotium iuerat; idque feci, plerisque omnibus æstimantibus, decere me magis agere iudicem, (qualem etiam in inquisitione Lusitanæ aliquando egeram) quàm aduocatū, qualis nunquam fueram, præsertim coram iudicibus, qui me cum discerunt Salmanticæ doctorem celebrem ibi viderant. Quod feci, & facio auersus à recognoscendis & edendis meis lucubrationibus, cuius rei causa præcipuè Conymbricam reliqui, in qua est notorium perdidisse me ac perdere quotannis, quingentos ducatos, seu cruciatos, ex salario mihi statuto, quo ipsam meam cathedram cum mille



mille ducatorum salario mihi statuto iubilantem prælegerem, & multos alios incertos, quos vti Decanus conferendo gradus, præsidendo, & consulendo, lucrari poteram fruens gratuita habitatione in palatio Regio, sito in terra omnium quas ego colui, temperatissima, saluberrimaque. Tandemque cum libellum de redditibus ecclesiasticis, quem sermone vulgari Regiæ Maiestati dicaueram latinitate donatum S. D. N. Pio Papæ V. hic offerre vellem; perpendens, multos etiam alioqui Regi bene affectos, parum decenter de tanta Maiestate sentire, non satis quidem polito stilo, sed satis magna meorum dictorum fide, nomen eius & gloriam vendicaui.

Decimum tandem, quod tua ipsa Excellentia nouit & multi alij testantur præfatum Regem non parum responsis de iure meis deferre solitum: epistolâ (que meas pro sua, (que incomparabilis est) benignitate, libenter legere; precibus meis etiam pro alijs porrectis benignè annuere; palamque esse, preces pro me super habendis ad imprimendum opera mea priuilegijs, benignissimè audisse; imo & Carolum IX. Galliarum Regem rogasse, ut nemo in regnis eius, opera mea sine meo consensu imprimeret. quod amplissimè ille concessit; asserens se ad Regis nostri, sui que fratris instantiam concedere in litteris, que super hoc Gallicè confectæ, & iam aliquot ex operibus meis præfixæ, perstant. Neque memini quicquid ab eius Maiestate petijisse, quod non concesserit: immo contra, non semel audiui gratum & futurum, ut aliquem à se honorem peterem. quod etiam ex eiusdem verbis arbitror me bis subintellexisse: quem, quia, ut ait S. Aug. *Otium sanctum querit charitas veritatis, & negotium iustum suscipit necessitas charitatis.* non petij, neque licuit fortè petere etiam si licuisset accipere.


Cum igitur Excellentiss. D. omnia hæc, que in præfatis decem dictis continentur, sic se habeant. Cumque argumenta æmulorum monstrauerim esse falsa, vel impertinentia, iustum profecto arbitror credendum esse Maiestatem Regiam in omnes adeò benignam, & gratam, non esse in me solum, à sua conditione ingenua, longoque habitu auicta, alienam, ut me, quem debet diligere, oderit.

Quare, supplico Excellentię tue, ut pro isto, quo es in me candore animi, efficias ea uia quam tua rara prudentia Spiritus sancti gratia fulcra suggesserit, ne me S. D. N. gratia, qua prosequi ceperat desituar; eo quod putet me tanti Regis gratia priuatum, & ut regia Maiestas dignetur significare me sibi fidelem, Regnisque suis utilem fuisse; ideòque sibi non esse ingratum, quod maximo beneficio ducam: quoniam post Maiestatis Diuina gratiam, maximè debeo expetere Apostolicâ, & Regiam, qua fouear & seruam tranquillus Deo Opt. Max. qui fixit ut Excellentia tua in Nestoreos annos, magis ac magis illius supernis augeatur donis, quibus promissiones eius, que omne desiderium superant, consequatur una cum Illustr. D. Domna Iohanna de Alhama Dyce Gubernatrice sapientissima. Amen.

Ratio cur

Ratio cur non solum Regem Philippum appello D. nostrum, sed etiam Regem Portugallię, illa est, quod sicut origine sum Nauarrus, & ita Regi Philippo subditus; ita domicilio iussu patrum eius in Lusitania contracto Regi Portugallię subditus, utrique sine tamen alterius, & alius cuiuscunque iniuria, omnibus nervis christianę (ut debeo) Diuina ope inseruiturus. Quo utinam tranquillentur animi eorum qui se suaque tantum norunt, & amant; ob idque etiam eo nomine me taxant quod in amando, colendo, laudando, & qua parte par est, magnificando Imperium Lusitanum, eis videar equo longior: cum tamen palam sum eis, qui illud, illiusque res gestas nouerunt longę breuior & curtiore. Neque tua hoc Excellentia Excellētis. Princeps miretur: quia non desunt, qui me malę affectum Hispanis iudicent, eo quod Romam, & alias Italias vrbes, ę quibus est etiam ista Mediolanum, absolute omnibus nominibus, urbibus illarum insignibus non postponam: cum tamen id, absque Dei, conscientięque meę offensa nequeam facere: tam putant aliqui, neminem esse verę Hispanum, qui verę vel secus omnia Hispaniarum omnibus aliarum gentium non pręferat: quasi egeat Hispania vilius mendacijs quod credatur esse pars Orbis Christiani cum primis nobilissimam: et quasi non sit verum illud, *Terra omnes non possunt omnia ferre.*

*Etiā atque etiā vale Princeps Pientissime.*



INDEX



# INDEX COPIOSVS EORVM QVAE IN HOC OPERE CONTINENTVR.



- A**CTVS cuiuscunque virtutis quamlibet bonus, si principaliter fiat ob bonum temporale siue pecuniarium siue honorarium malus num. 30. pag. 20
- A**ctus ex se bonus, ne fiat malus ob praestitutionem honoris, & aliorum bonorum vt ilium pro fine, duo exigi. num. 67. 41
- A**ctus idem non potest esse bonus & malus etiam diuerso respectu num. 17. 12
- A**ctus omnis cuius finis etiam minus principalis est malus, malus. numero 38. 24
- A**ctus omnis sine bono apto carens, malus; etiam si malo quoque careat. num. 58. 36
- A**ctus quibus candidati specimen ingenij, eruditionis, artis, virium & aliarum dotium exhibent ad promeranda praemia plus merentibus proposita quomodo vt sint boni fient. nu. 68. 41
- A**ctus virtutis iuste sic minus principaliter ob temporalia bona. nu. 33. 21
- A**ctus virtutum facti principaliter ob salutem & vitam mali secundum Adri. Id tamen non esse verum in omnibus. nu. 32. 20
- A**ctuum de se bonorum, cur bona pars mala. nu. 70. 42
- A**dulterij peccato cur maius homicidium. nu. 52. 32
- A**mare Deum aequale aliud vel minus comparatiue peccatum, non autem simpliciter. nu. 24. 19
- A**mat qui aliquid ita vt malis frangere legem ad mortale obligantem, quam destitit ab illo amore, peccat mortaliter. nu. 21. 14
- A**ntinomias quaedam graues noue conciliantur. nu. 28. & 29. 17
- A**pologia in eos, qui falsis & impertinentibus de causis nisi sunt persuadere Roma. 2



Roma, in senum esse auctori Regem Philippum Hispaniarum huius nomi-  
nis 11. nu. 76. pag. 47  
Auctorem iuste potuisse, debuisseque suum honorem defendere. nume-  
ro 75. 45

## B

- B**eatitudinis titulo qui & qua ratione iuste gaudeant. nu. 14. 10  
Beatitudo & virtus ut comprehendit diuinam & humanam; & ratio,  
ut est genus ad naturalem & supernaturalem. nu. 34 21  
Beatitudo in nulla re creata consistit, etiam iuxta naturalem rationem: non  
in diuitijs, non in honoribus, non in fama & gloria, nec in potentia, non in  
ullo corporis vel animæ bono, nec voluptate, licet inhæreat animæ, sed in so-  
lo Deo qui eam producit. nu. 12. 10  
Beatitudo in quo consistit, & quid sit essentialiter. nu. 11. 9  
Beatos multos false dici. nu. 13. Et est duplex re, & spe consummata patria, &  
consummanda via: & hanc tales, & tales habere. nu. 14. 10  
Bona facere publice, non esse facile omnibus, ideo fugiendus multis episcopa-  
tus. nu. 73. 43  
Bona honoraria esse bona fortuna, ineptaque ut sint finis principalis virtutis.  
nu. 44. 28  
Possunt autem esse finis minus principalis. nu. 45. 29  
Bona insignia publice facturus quid præmeditari debeat, ne sibi toxica fiant.  
nu. 71. 42  
Bona honoraria præcedunt pecuniariam. nu. 51. 32  
Bona quæ quis facit, nosse & velle ab alijs illa probari licet. nu. 54. 34  
Bona virtutis & animæ præstantiora bonis corporalibus & vtilibus. nume-  
ro 30. 20  
Bonorum honorariorum, quæ quinque sunt, appetitus, & contemptus sit malus  
ex fine malo, qui contingit tripliciter. nu. 57. 36  
Bonum, aliud propter se solum, aliud propter aliud solum, aliud propter se, &  
aliud amabile. nu. 24. 15  
Bonum delectabile propter se amabile. nu. 5. 5  
Bonum duplex, verum & apparens: idque triplex, honestum, delectabile, &  
vtile. nu. 3. 4  
Bonum quoddam propter se tantum amabile, quoddam propter aliud tantum:  
quoddam propter se, & propter aliud, & quæ sunt illa. nu. 5. 5  
Bravia ad honorem incitantia licita. 45. 29

## C

**C**ausa finalis incaute definitur à Barth 37. 22

# I N D E X

*Coronae honorariae varias pro variis gestis Roma instituit. nu. 45. pag. 29*

## D

<b>D</b> <i>Eus firmitus necessario amandus, licet non feruentius &amp; intensius. nume- ro 20.</i>	13
<i>Distributiones ob lucrandas minus iuste surgitur. nu. 39.</i>	24
<i>Doctoratus in Theologia sine mortali potest assumi principaliter ad gloriam humanam ab idoneo. nu. 64.</i>	39

## E

<b>E</b> <i>leemosynam maiorem largiri eo quod publice vel à maiore petatur, non esse malum. nu. 72. sed melius esse curare ne sic petatur. nu. 73.</i>	43
<i>Eleemosynam publicè largiri debere Prælatos. nu. 73.</i>	43

## F

<b>F</b> <i>ama quid? &amp; aliter quàm à iureconsulto definita. nu. 48.</i>	31
<i>Finis à suo actus suam speciem sortiuntur, qui finis est primus in intentio- ne, licet quando est alius ab obiecto, sit ultimus in executione. nu. 10.</i>	9
<i>Finis de ultimo vite humana inquisitio Aristotelis non adeo magnificianda, &amp;c. quia facile aliunde discitur. nu. 11.</i>	9
<i>Finem aliquem esse ultimum humanæ vite etiam naturali ratione probari. nu. micro 15.</i>	11
<i>Finem ob aliquem hominem, &amp; alia omnia agere, sed alia &amp; alia ratione. nu. 10.</i>	9
<i>Finem ob ultimum, hominem omnia agere, non videri verum contra Thom. nu. 5.</i>	11
<i>Finem principalem non arguit cessatio operis illo cessante. nu. 37.</i>	23
<i>Finis quo satisfactio obligationi ponendi finem actui. nu. 35.</i>	22
<i>Finem ultimum non ponit omnis in eo, in quo etiam scienter mortaliter peccat. nu. 21.</i>	14
<i>Fines duos ultimos, etiam falsos, nemo uno &amp; eodem tempore habere potest. num. 20.</i>	11
<i>Fines &amp; scopi ultimi in quos viatores omnia referant duo sunt. nu. 25.</i>	16
<i>Fines multi possunt esse principales eiusdem actus. nu. 37.</i>	23
<i>Fines ultimi falsi tot quot falsa opiniones putant esse omnium amabilissima. nu. 20.</i>	13
<i>Finis cuius malus ipsum quoque malum: &amp; finis cuius bonus, ipsum quoque bonum. nu. 1.</i>	2
<i>Finis &amp; medium potest esse idem diuerso respectu. nu. 4.</i>	5

# I N D E X

<i>Finis exacte definitur &amp; declaratur. nu. 3.</i>	4
<i>Finis iterum duple x, cuius, &amp; quo. num. 6.</i>	6
<i>Finis iustus omnium actuum, omnium virtutum Deus, Beatitude &amp; virtus est genus ad naturalem &amp; supernaturalem. nu. 34.</i>	21
<i>Finis malus, quia malum culpa, &amp; finis malus, quia ineptus multum distant. num. 36.</i>	22
<i>Finis minus principalis, &amp; obiectum orationis possunt esse temporalia, non autem finis principalis. nu. 43.</i>	26
<i>Finis minus principalis inferuentis Deo, ecclesia, &amp; prelato, potest esse beneficium ecclesiasticum, &amp; mutuantis lucrum. nu. 39.</i>	24
<i>Finis principalis nullius actus virtutis potest esse bonum temporale. n. 39. 24.</i>	24
<i>Finis non idem iuris utriusque secundum Commune: sed contra Fortunius, qui quattuor dictis satis conciliatur. Quodque beatitudo vera, quæ Christiana est, supernaturali tantum lumine cognoscitur. nu. 29.</i>	17
<i>Finis operantis licet sit posterior fine operationis secundum ordinem executionis, est tamen prior secundum ordinem intentionis: &amp; ita principalior. nu. 26.</i>	16
<i>Finis primo duplex, ultimus &amp; medius. Ultimus item duplex, verus, &amp; falsus. medius item duplex. nu. 4.</i>	5
<i>Finis principalis actus virtutis, nequeunt esse laus, honor, fama &amp; gloria. numero 44.</i>	28
<i>Finis principalis orationis iustus nequeunt esse temporalia. nu. 43.</i>	26
<i>Finis quarto duplex bonus &amp; malus, cum suis definitionibus. nu. 8.</i>	6
<i>Finis quinto duplex principalis &amp; minus principalis cum suis definitionibus. num. 9.</i>	7
<i>Finis tertio duplex, operationis &amp; operantis. nu. 7.</i>	6
<i>Finis verbum, masculino &amp; feminino genere profertur. nu. 2.</i>	3
<i>Finium humanorum actuum cognitio ad recte viuendum, &amp; examinandam conscientiam necessaria. nu. 1.</i>	2
<i>Fortia facta ob honorem, aut pudorem peccata. nu. 31.</i>	20
<i>Fortunius Cantaber laudatus. nu. 29.</i>	17

## G

<b>G</b> loriam ob humanam facere aliquid, tamquam ob pretium vel aliàs deferunt. nu. 64.	39
Gloriam Romani gentiles cur vitæ præponebant. nu. 52.	32
Gloria pro seruanda non obfusse Elcazarum, sed pro virtute, quæ gloriam meretur. nu. 53.	33
Gratianus aliqua tribuit vtiliter Augustino contrarius Erasmo, qui multa ei damnosè admittit. nu. 2.	3
Gratia gratum facientis effectus quidam insignis. nu. 19.	13



- H**onoraria bona, quæ probant esse inepta pro fine actus virtutis, intelligenda de fine principali, & quæ contrarium probant de minus principali. nu. 46. 30
- Honoraria bona quæ sunt quinque tum demum pro fine minus principali recte poni cum referuntur in alium actum: aliis non, cum pulchra declaratione. nu. 62. 38
- Honoraria bona scilicet reverentia, laus, fama, honor & gloria conveniunt. Primo, quod numquam aliud pro alio ponitur. Secundo, quod nullum eorum est virtus, & quod sunt bona externa fortune, excepta aliquando reverentia, & quod non sunt propter se amanda. nu. 50. Tercio, quod omnia illa sunt maiora, quam pecuniaria. Quarto, quod sunt maiora, quam vita, & alia corporalia bona. nu. 51. 32
- Honor exhibetur & recipiuntur in se cum debetur & sponte datur. nu. 56. 35
- Honorariorum bonorum appetitus inordinatus, ut plurimum veniale peccatum, sed quinque casibus mortale. num. 59. Quod ipsum dicendum de contemptu eorum. nu. 60. & etiam de appetitu & contemptu ceterorum bonorum utilium, & de complacentia & dissipientia, de obtentu omnium tam honorariorum, quam aliorum utilium. nu. 61. 37
- Honorariorum bonorum appetitus non referens ea in aliud, est malus. numero 58. 36
- Honorariorum bonorum appetitus vel contemptus sit bonus ex bono fine, qui triplex ponitur à Thoma. nu. 55. cui adduntur alij tres. nu. 56. 35
- Honorariorum bonorum, quæ sunt quinque, appetitus & contemptus, suapte natura neque bonus, neque malus. nu. 54. 34
- Honore pro servando moriendum, vulgatum elogium, sed error, nisi intelligatur, &c. nu. 53. 33
- Honor iam quasi sit, cur magna cura servandus. nu. 74. 45
- Honor quid? nu. 48. 31

- I**nfidelium actus non omnes mali. nu. 15. 11
- Intellectus dicti quotidiani Gregorij de laudis requisitione. nu. 65. 40
- Intellectus illius Pauli, Qui gloriatur in Domino gloriatur, &c. nu. 44. 28
- Intellectus l. codicillis. §. matre. ff. de leg. 2. nu. 52. 32
- Intellectus listi quidem. ff. quod met. cau. nu. 51. 32
- Intellectus quorundam Domini doctorum, & aliorum doctorum. nu. 69. 42
- Intentio est actus voluntatis & qualis. nu. 2. 3
- Iustitia non contrahit, volens quod suum non est, si non est alienum. nu. 53. 39

# I N D E X.

## L

<b>L</b> audem vel gloriam ob humanam facere principaliter, quod institutum est principaliter ad gloriam Dei, non est mortale contra Ange. numero 64.	39
Laudis & gloria bene & male appetita, quinque exempla quotidiana. numero 66.	40
Laudis gloria, vel honoris, de excellentia, qua quis caret, appetitus non est mortalis contra Abulen. nu. 63.	39
Laurea honoris litteraria tres Baccalaureatus, Licentiatus, & Doctoratus. nu. 45.	29
Laus etiam sine sermone litteris sacris & canonicis. nu. 47.	30
Laus non solum virtuti sed etiam alijs bonis debita. nu. 47.	30
Laus quid? & in quo ab honore differat. nu. 47.	30
Legibus aliquot cur renunciari potest, licet principaliter publicam utilitatem, quam priuatam respiciant. nu. 29.	17
Lex iuxta principaliter fit ob utilitatem publicam, quam priuatam. nu. 27.	16

## M

<b>M</b> ediorum in finem relatio fit vno actu, quandoque pluribus, inter quae plurimum distat. nu. 17.	12
Mutrans, in se sperat lucrum minus principaliter. nu. 39.	24

## O

<b>O</b> ciosum omne deliberatum, quale est, quod sine careat malū, & ideo nullus actus in indiuiduo indifferens. nu. 58.	36
---	----

## P

<b>P</b> atrem magis tenetur diligere filius, quam pater filium. nu. 52.	32
Peccatur non habitus, sed actu cum exemplo quotidiano. nu. 23.	14
Pœnas qui statuunt, & qui ob eas obediunt, ut peccant. nu. 40.	25
Prædicanti ob gloriam humanam non queritur laureola doctoralis. nu. 44.	28
Premia qui statuunt, & qui ea querunt ut peccant. nu. 41.	26

## R

<b>R</b> eferre in Deum nos, omniaque nostra, actu vel virtute utile, sed non semper necessarium. nu. 16.	11
---	----

Refe-

# I N D E X.

Referendi nos & nostra Deo modus vtilis.nu.19.	13
Referri posse omnia quæ non sunt peccata in Deum.nu.15.	11
Regula illa,cuius finis malus est,&c.sine vlla exceptione vera.nu.30.	20
Relatio duplex,actualis & virtualis,quæ definitur exactè.nu.18.	12
Restitutio bonorum pecuniariorum excusatur,si fieri non potest absque amissione honorariorum.nu.45.	29
Reuerentia quid?nu.49.	31

## S


SCIRE vt scias tantum,si, & quando peccatum.nu.24.	15
--	----

## T

<b>T</b> imore Deo seruientium,qui bene, & qui male merentur.nu.42:	26
Timorem quæ non compatitur charitas.nu.42.	26
Timor seruilis qui bonus,& qui malus.nu.40.	26

## V

<b>V</b> erbum, propter, quattuor causas significat, efficientem, finalem, &c. nu.3.	4
Vitam honori & gloriæ,& virtutem virtuti præferendam.nu.53.	33





# Series chartarum.

† A B C D E F G H I.

*Omnes sunt Quaterniones.*



R O M Æ,

*Excudebat Vincentius Accoleus.*

---

M. D. LXXXIIII.

